

Izihlabelelo

ZikaDavida

Free Presbyterian Church of Scotland, Zimbabwe Presbytery
9 Robertson Street, Parkview, Bulawayo, Zimbabwe
Tel. 09 62636 / 61902
Email fpchurch@mweb.co.zw
Fax 09 61902

Kubhalwe ngo-2009

Isihlabelelo 1

1 Uyabusiswa umuntu
Ongahambi ngalo
Icebo labo ababi
Lenhlanganwen' yabo.

Ongem' endleleni yabo
Abayizw' izoni,
Engahlal' esihlalweni
Esabagconayo.

2 Kodw' ukujabula kwakhe
Kukuwo umthetho
WeNkosi, ewukhumbula
Emini leb'suku.

3 Uzaba njengesihlahla
'Simil' emfuleni,
'Sithel' izithelo zaso
Ngesikhathi saso.

Amahlamvu aso wona
Awayikubuna.
Konke akwenzayo yena
Kuzaphumelela.

4 AbangelaNkulunkulu
Kabanjalo bona,
Kodwa banjengamakhoba
Amuka lomoya.

5 Kant' ababi kabasoze
Bem' ekwahluleni,
Lezoni emhlanganweni
Wabalungileyo.

6 Ngob' iNkosi iyayazi
Indlela yabo nje
Abalungileyo, kodwa
Eyababi yofa.

Isihlabelelo 2

1 Kungani abahedeni
Sebexokozela,
Labantu bekhumula nje
Khona okuyize.

2 Amakhos' omhlaba ema,
Lababusi benza
Icebo ngayo iNkosi,
Kuy' umgcotshwa wayo,

3 Bethi: Asephule zona
Izibopho zabo,
Sizilahle kude lathi
Izintambo zabo.

4 Yena ohlez' ezulwini
Mpela uyohleka;
INkosi yona izaku-
bahleka usulu.

5 Khona uzakubakuza
Esethukuthele,
Abethuse ngokuvutha
Kwal' ulaka lwakhe.

6 Kodwa ngimisil' iNkosi
Yami eZiyoni,
Entaben'i yami khona,
Yona eyingcwele.

7 Ngizakwazis' isimiso,
'Nkosi yangitshela:
UyiNdodana yam' wena;
Lamhla ngikuzele.

8 Cela kimi ifa lakho;
Ngikuphe izizwe
Lemikhawulo yomhlaba
Ibe 'mfuyo yakho.

9 Uzabephula ngentonga
Eyensimbi yona;
Ubaphahlaze njengalo
Udiwo lombumbi.

10 Ngakho-ke hlakaniphani,
Lina makhos' wonke,
Lina lonke abehluli,
Bezwe liyaleke.

11 Ikhonzenini iNkosi
Ngokwesaba yona;
Thokoza ngok'thuthumela,
Khonzanin' iNkosi.

12 Yanganini iNdodana,
Hlez' ithukuthele,
Litshabalal' endleleni,
Laph' ithukuthela,

Laph' ulaka lwayo seluvutha kancinyane,
Bayabusiswa labo-ke
'Bathembela kuyo.

Isihlabelelo 3

1 Nkosi, hay' ukwanda kwabangihluphayo mina!
Banengi kakhulu abavukelana lami.

2 Banengi bona abathi
Kumphefum'lo wami:
Kakukho usizo lwakhe
Kuy' uNkulunkulu.

3 Kodwa wena, Nkosi yami,
Ulihawu lami
Lodumo lomphakamisi
Welami ikhanda.

4 Ngakhala kuyo iNkosi
Ngalo izwi lami,
Yangizwa isentabeni
Yayo eyingcwele.

5 Ngangilele ubuthongo,
Ngabuya ngavuka,
Ngenxa yokuthi iNkosi
Yangilondoloza.

6 Angesab' inkulungwane
Ezilitshumi-ke
'Zabantu abayizitha
Abangihanqayo.

7 Vuka ngisindise, Nkosi
Nkulunkulu wami,
Ngoba uziitshay' im'hlathi
Zonk' izitha zami.

Uwephulile-ke wona
Amazinyo abo
Bon' abantu abazonda
Yen' uNkulunkulu.

8 Usindiso ngolweNkosi,
Ngolwayo kuphela,
Izibusiso phezulu
Kwabantu bakho qha.

Isihlabelelo 4

1 Ngilalele, Nkosi yami,
Uba ngikubiza,
Wena Nkulunkulu wami
Wokulunga kwami.

Wangivuselela mina
Nxa ngangidanile;
Ngiyawukele, uwuzwe
Umthandazo wami.

2 Lina madodan' abantu,
Koze kube nini
Liphendul' udumo lwami
Lilwenza ihlazo.

Koze kube nini, lina
Lithanda ubuze,
Njalo lidinga amanga
Kokuphela njalo.

3 Kodwa yazini ukuthi
INkos' ikhethile
Olungileyo. Yongizwa
Nxa ngibiza kuyo.

4 Yimani lithuthumele,
Lingoni, lizindle
Ngenhliziyo embhedeni,
Lithule lithi zwi.

5 Nikelan' iminikelo
Yakho ukulunga,
Libeke ithemba lenu
Ngakuyo iNkosi.

6 Baneng' abathi: Ngubani
Os'bonis' okuhle?
Nkosi, khanyisa ubuso
Bakho phezu kwethu.

7 Ufakile ukuthaba
Kweyam' inhliziyo
Okwedlula iwayini
Lamabele abo.

8 Ngizalala ngokuthula,
Ngilal' ubuthongo,
Ngoba wena, Nkosi yami,
Ungilondoloza.

Isihlabelelo 5

1 Zwana 'mazwi ami, Nkosi,
Njalo yemukela
Yon' imikhumbulo yami
Lezizindlo zami.

2 Ulalele elizwini
Lokukhala kwami,
Nkulunkulu, Nkosi yami,
Ngothandaza kuwe.

3 Ilizwi lami, ye, Nkosi,
Wena uzalizwa,
Khona ekuseni mpela,
Wolizwa bo, Nkosi.

Ekuseni ngowukhomba
Ngakuw' umthandazo
Owami, ngawuthandaza
Ngibheke phezulu.

4 Ngoba wena kawusuye
UNkulunkulu bo
Othand' okubi; omubi
Kay'kuhlala lawe.

5 Iziwula kazisoze
Zime phambi kwakho,
Uyazonda bonk' abenza
Okungalungile.

6 Uzabhubhis' abaqamba
Amanga, o Nkosi,
Umbulali lomkhohlisi
Wen' uyabenyanaya.

7 Kodwa mina ngizangena
Kuyo indlu yakho
Ngakho ukwanda okwaso
Isihawu sakho.

Ekwesabeni okwakho
 Ngizakukukhonza,
 Ngikhangel' ethempelini
 Lakho elingcwele

8 Nkosi ngenxa yezitha zam'
 Ngikhokhela ngoku-
 lunga kwakho, uyenze i-
 qond' indlela yakho.

9 Ngoba emlonyeni wazo
 Kakulathembeko,
 Lakho ngaphakathi kwazo
 Zigcwele ububi.

Umphimbo wazo lingcwaba
 Elivuliweyo,
 Ziyakhohlisa impela
 Ngal' ulimi lwazo.

10 Zibhubhise zona, wena
 OnguNkulunkulu,
 Yenza ziwele kuwona
 Amacebo azo.

Ziphosele phandle ngenxa
 Yezeduko zazo,
 Ngokuba zikuvukele
 Wena isibili.

11 Kabathabe bonke labo
 Abakuthembayo,
 Bajabule bamemeze
 Ngayo intokozo.

Ngoba uyabavikela
 Abalithandayo
 Ibizo lakho impela,
 Bajabule kuwe.

12 Ngoba wena Nkosi uya-
 busis' olung'leyo,
 Wena umhanqa ngomusa
 Njengesihlangu bo.

L.M. Isihlabelelo 6

1 O Nkosi, ungangisoli
 Nxa wena uthukuthele,
 Ungangitshayi ngolaka
 Olwakho nxa seluvutha.

2 Ngihawukele, o Nkosi,
 Ngoba ngibuthakathaka,
 Ngelapha, Nkosi, ngokuba
 Amathamb' athuthumele.

3 Lomphefum'lo wami wona
 Uhluphekile kakhulu,
 Kodwa wena Nkulunkulu,
 Hawu Nkosi, koba nini?

4 Buya, Nkosi, ungisize,
 Hlenga umphefum'lo wami,
 O ngisindisa bo, ngenxa
 Yawo won' umusa wakho.

5 Ngoba ekufeni khona
 Akukho ukukhumbula,
 Elibeni ngubani na
 Ozakubonga wena na?

6 Ngidiniwe mina ngakho
 Ukububul' ebusuku,
 Ngimanzisile umbheda
 Wami ngazo inyembezi.

7 Ilihlo lami lidliwe
 Lusizi lwami impela,
 Lona liyaguga ngazo
 Zonke zon' izitha zami.

8 Sukani kimi, lina bo
Abasebenzi bobubi,
Ngoba iNkosi izwile
Ilizwi lokulila kwam'.

9 INkosi isikuzwile
Ukuncenga kwami khona,
INkosi isemukela
Wona umthandazo wami.

10 Zonk' izitha zam' kazibe
Lezinhloni, zihlupheke,
Kazibuyelete ngenhloni,
Zidane ngokuphangisa.

Isihlabelelo 7

1 Nkosi, Nkulunkulu wami,
Ngithembela kuwe,
Kubo abangihluphayo
Ngihleng' ungisize.

2 Hlez' ahlephul' umphefum'lo
Wami sangonyama,
Ewenz' iziqa, kungekho
Ongikhululayo.

3 Nkosi Nkulunkulu wami,
Uba ngenze lokhu,
Uba kukhona okubi
Ezandleni zami.

4 Uba ngimphindisel' 'kubi
Obengalwi lami,
Yebo, mina ngimkhulule
Olwa lami ngeze.

5 Yenza ukuthi isitha
Sami siwuhluphe
Umphefum'lo wami wona,
Njalo siwuthathe.

Yebo yenz' anyathelele
Phans' impilo yami,
Abeke phansi udumo
Lwami othulini.

6 Vuka, Nkosi, ulolaka,
Ziphakamise bo
Ngenxa yal' ulaka lwazo
Zon' izitha zami.

7 Ngakh' umhlangano wabantu
Uzakukuhanqa,
Ngenxa yabo buya wena
Khonale phezulu.

8 INkosi yogweba 'bantu,
Ngiqondise, Nkosi,
Ngokulunga lobuqotho
Obukhona kimi.

9 Bona ububi bababi
Abuphele mpela,
Kodwa ubamise labo
Abalungileyo.

Nkulunkul' olungileyo,
Uyazihlola bo
Izinhliziyo zona bo
Njalo laz' izinso.

10 KuNkulunkul' inqaba yam',
Wena ohlengayo
Labo abaqondileyo
Enhliz'yweni yabo.

11 'Nkulunkul' uyabagweba
Abalungileyo.
INkos' izondel' ababi
Izinsuku zonke.

12 Nxa yena engaphenduki
Uzalol' umhedla,
Ugobisile umtshoko,
Uwulungisile.

13 Njalo usemlungisele
'Zikhali zokufa,
Uqondisa imitshoko
Yakhe kubahluphi.

14 Khangela, uyahelelwa
Yibubi umithi,
Usekhulelwe ngokona,
Wazala amanga.

15 Uwenzile won' umgodi
Wawugebha yena,
Usewele emgelweni
Awugebhileyo.

16 Ububi bakhe behlele
Khon' ekhanda lakhe,
Lesihluku simehlele
Khon' ekhanda lakhe.

17 Ngizadumisa iNkosi
Ngokulunga kwayo,
Ngihlabelele igama
Lakh' oPhezukonke.

Isihlabelelo 8

1 O Nkosi, o Nkosi yethu,
Hay' ubuhle balo
Lona elakho ibizo
Emhlabeni wonke!

Wena ulumisile bo
Olwakho udumo
Ngaphezulu kwawo wona
Amazulu wonke.

2 Emlonyeni wezingane
Njalo lowalabo
Abamunyayo wena u-
sumise amandla,

Ngenxa yezakho izitha,
Ukuze wena-ke
Uthulise son' isitha
Lay' umphindiseli.

3 Nxa ngikhumbul' amazulu,
Umsebenzi wayo
Iminwe yakho, umise
'Nyanga lenkanyezi.

4 Umuntu ubeyini na
Ukuth' umkhumbule?
Lendodana yakh' umuntu
Ukuyihambela?

5 Umenzile wasilela
Kancane kulazo
Ingilos, umthwese nge-
nkazim'lo lodumo.

6 Wamenza wabusa phezu
Kwem'sebenz' yezandla,
Konke wakubeka phansi
Kwezinyawo zakhe.

7 Zonk' izimvu lezinkomo,
Yebo, lazo zonke
Izinyamazana zonke
Ezasehlathini.

8 Izinyoni zemoyeni
Lenhlanzi zolwandle
Lakho konke 'kudlulayo
Kundlela zolwandle.

9 O Nkosi, o Nkosi yethu,
Hay' ubuhle balo
Lona elakho ibizo
Emhlabeni wonke!

Isihlabelelo 9

1 Ngizakubong', Nkosi, ngayo
'Nhliziyo yam' yonke,
Ngitshengise yonke yakho
'Msebenz' esimanga.

2 Ngizathaba ngijabule
Kuwe, ngihlabele
Indumiso ebizweni
Lakh' oPhezukonke.

3 Nxa abayizitha zami
Bebuyel' emuva,
Bayakuwa 'babhubhele
'Bukhoneni bakho.

4 Ngoba wena umisile
Ilungelo lami,
Wahlala esihlalweni,
Ugweba ngok'qonda.

5 Wakhaza abahedeni,
Wabulal' ababi,
Wachitha ibizo labo
Lingaze laziwa.

6 Sitha! kuphelile konke
Ukuchithakala,
Uyichithile imizi
Lokwaziwa kwayo.

7 Kodw' iNkosi izahlala
Ngokungapheliyo,
Ulungisil' isihlalo
Sayo sokugweba.

8 INkos' izakwehlulela
Ngokulunga izwe,
Izakutheth' amacala
Abo ngeqiniso.

9 INkosi yoba yinqaba
Eyabahlutshwayo,
Isiphephelo ngensuku
Ezokuhlupheka.

10 Abazi ibizo lakho
Bazathemba kuwe,
Ngoba, Nkos', awutshiyanga
Abakufunayo.

11 Hlabelani eNkosini
Ehlez' eZiyoni,
Limemezel' ebantwini
Ezakhe izenzo.

12 Lapho ebuza ngegazi,
Uyabakhumbula,
Kakakhohlwa ukukhala
Kwabachumileyo.

13 Woba lesihawu kimi,
Nkosi, ukhangale
Zon' izinhlupheko zami
Zabangizondayo,

Wen' ongiphakamisayo
Emnyango yokufa,
Ukuze ngizwakalise
Indumiso yakho.

14 Emasangweni entombi
EyaseZiyoni
Ngizakuthokoza kulo
Usindiso lwakho.

15 Izizwe zitshone kuwo
'Mgod' eziwenzile,
Zabanjwa ngumgibinyawo
Abawufihlayo.

16 INkosi iyezwakala
Ngokugweba kwayo,
Isigangi sibanjiwe
'Msebenzini waso.

17 Ababi bazaphoselwa
Khon' esihogweni,
Futhi izizwe zonk' ezi-
khohlw' uNkulunkulu.

18 Ngoba abayanga aba-
soze balitshalwa,
Ithemba labaswelayo
Aliyikubhubha.

19 Vuka Nkosi, ungavumi
Umuntu ehlule,
Kazehlulelwé izizwe
Khona phambi kwakho.

20 Uzesabise-ke, Nkosi,
Zon' izizwe zonke,
Ukuze zizazi zinga-
bantukazana nje.

Isihlabelelo 10

1 Umeleni khatshana bo,
O Nkosi, yini na?
Ucatshelan' ezikhathin'
Zokuhlupheka na?

2 Ekuzindleni komubi
Uhlupha ompofu.
Kababanjwe kumacebo
Abawacebile.

3 Omub' uyazibula nge-
zifis' enhliz'yweni.
Ubusisa olomhawu,
Onengwa yiNkosi.

4 Omubi ngokuziqhenya
Akading' iNkosi;
INkosi kayikho kuyo
Im'khumbulo yakhe.

5 Izindlela zakhe zona
Zicunula njalo;
Izigwebo zakho, belo,
Zikhatshana laye.

Zingaphezulu kwamehlo
Akhe, kaziboni,
Uyaziklolodela bo
Zonk' izitha zakhe.

6 Uth' enhliziyweni yakhe:
Angiyikususwa,
Ngoba ngingasoze ngibe
Khon' ebunzimeni.

7 Umlomo wakhe ugcwele
'Nhlamba lenkohliso
Lobuqili; phans' kolimi
Kulobubi leze.

8 Uhlez' ikusithekeni
Kundawo zemizi
Ukuze ababulale
Abangelamlantu.

Amehlo akh' akhangele
Ngobubi umyanga,
Emquthele sangonyama
Ebhalwini lwayo.

9 Umquthele ukumbamba,
Qotho uyambamba
Ompofu, uyambamba nje
Embuleni lakhe.

10 Uhahab' azithobise
Ukuze ompofu
Awiswe ngabangabakhe
Abalaw' amandla.

11 Uthe enhliz'yweni yakhe:
INkos' ikhohliwe,
Ifihlil' ubuso bayo,
Kasoz' ikubone.

12 Nkosi, vuka, Nkulunkulu,
Phakamis' isandla
Sakho, ungakhohlwa yibo
Abachumileyo.

13 Yin' omubi edelela
'Nkulunkulu, ethi
Kunhliziyo yakhe: Yena
Kawuyikufuna.

14 Usukubonile khona,
Ngoba uyabona
Umona layo inzondo,
Wokuphindisela

Ngesandla sakho. Umyanga
Woziletha kuwe.
Wena ungumsizi wazo
Zona intandane.

15 Yephul' ingalo yomubi
Lay' ongalungile.
Ding' inkohlakalo yakhe
Uz' ungayitholi.

16 UJehova uyiNkosi
Emiyo phakade.
Baphelil' abahedeni
Elizweni lakhe.

17 Nkosi uzwil' ukufisa
Kwabamnene, uza-
lungis' inhliziyo yabo,
Wenz' indleb' yakhw' izwe.

18 Ukugweba intandane
Labahlutshiweyo;
Khon' umuntu owomhlabo
Angaphind' ahluphe.

Isihlabelelo 11

1 Ngithembela eNkosini;
Ngani lithi: Phapha
Sanyon' entabeni khona,
Kumphefum'lo wami?

2 Ngob' ababi bakhombela
Ngemitshoko yabo,
Beyilungisa phezulu
Kwezintambo zayo.

Ukuze bathi-ke bona
Ngobuqili babo
Bamcibe olungileyo
Kunhliziyo yakhe.

3 Nxa kambe izisekelo
Zidilizwe zonke,
Yikuthi bangenze njani
Abalungileyo?

4 INkos' iphakathi kwalo
'Thempel' elingcwele.
Isihlalo say' iNkosi
Sisemazulwini.

Amehlw' ayo ayabona,
Inkophe zihlole
Inzalo yabantu bonke,
Ayiqedisise.

5 INkos' ilinga ongcwele,
Kodwa umphefum'lo
Wayo uzonda omubi
Othanda umsindo.

6 Kuzoni wothel' umlilo,
'Sibabul', 'siphepho.
Lokhu koba yisabelo
Seyabo inkezo.

7 Ngob' iNkos' elungileyo
Ithand' ukulunga.
Ubuso bayo bubuka
Yen' oqondileyo.

Isihlabelelo 12

1 Siza Nkosi, uyaphela
Umnt' olungileyo
Lothembekileyo kuyo
Inzalo yabantu.

2 Umuntu lomakhelwane
Bakhuluma ize
Ngolim' olulalisayo
Ngenhliziyombili.

3 INkosi izakuquma
'Ndeb' elalisayo
Lolimi olukhuluma
'Zinto zokuzindla.

4 Labo abathe: Ngolimi
Lwethu sizanqoba,
Indebe lezi ngezethu,
Inguban' iNkosi?

5 Ngokuhlutshwa kwabampofu
Lok'bubula kwabo
Abasweleyo, khathesi
Mina ngizavuka,

Itsho iNkosi, ukuthi
Ngizammisa yena
Enqabeni kuyena o-
zikhukhumezayo.

6 'Mazw' eNkosi mahle njenge-
sil'va 'zanyiweyo
Eziko lawo umlilo,
'Cengwe kas'khombisa.

7 Uzakubagcina, Nkosi,
Ubalondoloze
Kulesisizukulwana
Ngokungapheliyo.

8 Izikhohlakali zona
Zihamb' inxa zonke,
Lapha ababi abantu
Bephakanyisiwe.

Isihlabelelo 13

1 Wongikhohlwa kube nini,
O Nkosi, phakade?
Koba nini, Nkos', ufhla
'Buso bakho kimi?

2 Koba nini ngizindla na
Phakathi kowami
Umphefum'lo, ngilusizi
Enhлиз'yweni yami?

Kuzakuba nini sona
Isitha sami-ke
Siphakhanyisiwe khona
Ngaphezulu kwami?

3 Khumbula njalo ungizwe,
Nkosi 'Nkulunkul' wam',
Khanyis' amehlo ngingabi
Lobuthong' bokufa.

4 Hlez' isitha sami sithi:
Sengimehlulile.
Bathabe abahluphayo
Ngizanyazanyiswe.

5 Kodwa ngithembile mina
Emuseni wakho.
'Nhliziyo yam' ijabule
Kusindiso lwakho.

6 Sengizakuhlabelela
ENkosini yami,
Ngokuba okuhle kwayo
Uhlal' engenzela.

Isihlabelelo 14

1 Isiwula sesitshilo
Enhliz'yweni yaso
Ukuthi kakho sibili
Yen' uNkulunkulu.

Bonakele bona bonke,
Benzile okubi,
Njalo akukho loyedwa
Owenz' ukulunga.

2 INkosi isezulwini
Yakhangela phansi
Ebantwaneni babantu
Ukubon' ukuthi

Ngaba ukhona yini-ke
Ngitscho yen' oyedwa
Owaziyo njal' ofuna
UNkulunkulu bo.

3 Baphambukile bon' bonke,
Bangcolile kanye;
Owenz' okulungileyo
Akakho loyedwa.

4 'Benzi bobub' abazi na?
Abadl' abantu bam'
Njengalokhu bedl' isinkwa;
Kababiz' iNkosi.

5 Balokwesab' okukhulu,
Ngob' uNkulunkulu
Usesizukulwaneni
Sabalungileyo.

6 Liliyangisil' icebo
Labo abayanga,
Ngokuba iNkosi iyi-
siphephelo sabo.

7 Sengathi nga usindiso
LukaIsrayeli
Lungafika luvelela
Khona eZiyoni.

UJehova ebuyisa
Abathunjwa bakhe,
Uzakuthab' uJakobe,
Athab' 'Israyeli.

L.M. Isihlabelelo 15

1 O! Nkosi ngubani oza-
kuhlala endlini yakho?
Ngubani ozakwakha na
Entaben'i yakhw' engcwele?

2 Yen' ohamba ngobuqotho,
Owenzayo ukulunga,
Ekhulumia iqiniso
Kuyo inhliziyo yakhe.

3 Kahlebi ngalo ulimi,
Akoni umakhelwane,
Kaphakamisi ihlazo
Kuy' umakhelwane wakhe.

4 Kumehlw' akhe uyenanya
Umuntu ongalunganga,
Kodwa uyabadumisa
Abayesabay' iNkosi.

5 Nxa yena esefungile
Loba kuzakumlimaza,
Akaphenduki lakanye;
Kanik' imali ngenzupo.

Akemukeli isipho
Kuye ongelalw' icala.
Yena okwenzayo lokho
Kayikuzanyazanyiswa.

Isihlabelelo 16

1 Ngilondoloze-ke mina,
Nkulunkulu wami,
Ngilibekile kuwena
Elami ithembu.

2 Usutshilo eNkosini:
UyiNkosi yami,
Lokhukulunga okwami
Kakufiki kuwe,

3 Kodwa kubangcwel' labahle
Abasemhlabeni,
Kulapho ikhona yona
Eyam' injabulo.

4 Zizakwanda izinsizi
Zabo abaphanga
Abanye onkulunkulu.
Anginikeli-ke

Enathwayo eyegazi.
Angiyikuphatha
Wona amabizo abo
Ngezindebe zami.

5 INkosi iyisabelo
Selami ilifa
Lesenkezo yam'. Ulonda
Isabelo sami.

6 Zingehlele izabelo
Endawen' ezinhle,
Yebo ngilalo ilifa
Elilungileyo.

7 Ngizabonga iNkosi bo
Engiqondisayo;
'Zinso zam' zingiqondisa
Khona ebusuku.

8 Ngiyibekile iNkosi
Njalo phambi kwami,
Ngoba ingakwesokudla,
Ngingenyikinyeke.

9 Ngakho inhliziyo yami
Ithab', lodumo lwam';
Inyama yami layo yo-
phumul' ethembeni.

10 Ungatshiyi umphefum'lo
Wam' esihogweni,
Njal' ungavumel' oNgcwele
Wakhw' abon' 'kubola.

11 Uzangibonisa yona
Indlela yempilo
Kubukho bakho, kugcwele
Yona injabulo.

Kuso esakho isandla
 Son' esokunene
 Kukhona izinjabulo
 Ezingapheliyo.

Isihlabelelo 17

- 1** Umuzwe olungileyo,
 Nkosi, ulalele
 Kukho ukukhala kwami.
 Beka indlebe bo

 Emithandazweni yami,
 Yona engaphumi
 Kuzo izindebe zona
 'Zigcwel' inkohliso.
- 2** Kasivele phambi kwakho
 Isigwebo sami,
 Amehlw' akho kawabone
 Okulungileyo.
- 3** Usuyihlolile yona
 Inhliziyo yami,
 Wangethekelela mina
 Khona ebusuku.

 Mina usungihlolile,
 Kawathola lutho,
 Ngizimisele-ke mina
 Ngingoni ngomlomo.
- 4** Ngemisebenzi yabantu,
 Ngizigcinile m'na
 Ngelizwi lendebe zakho
 Endelen' zomchithi.
- 5** Londa ukuhamba kwami
 Kuzindlela zakho,
 Ukuz' amanyathelo am'
 Angaz' atshelela.

6 Nkulunkulu ngakhal' kuwe,
 Ngoba uzangizwa,
 Bek' indlebe yakho kimi,
 Uzw' amazwi ami.

7 Tshengis' isihawu sakho
 'Simangalisayo,
 Wen' osindisa ngesandla
 Sakhe sokunene,

 Ngesandla esokunene,
 Labo abathemba
 Kuwe uyabavikela
 Kwabavukelayo.

8 Ngicbine sanhlamvu yalo
 Elakho ilihlo,
 Ungifihle emthunzini
 Wamaphiko akho,

9 Kwabakhohlakeleyo-ke
 Abangihluphayo,
 Kuzitha ezilengozi
 Ezing'hanqileyo.

10 Bazingelezelwe kuwo
 Amafutha abo;
 Ngomlomo wabo bayatsho
 Okokuziqqaja.

11 Sebesihanqile manje
 Thin' ekuhambeni,
 Bakhangale ngamehlw' abo
 Phansi bekhotheme.

12 Sangonyama ephangayo
 Khon' ukudla kwayo,
 Ingonyam' entsh' iquthile
 Endawen' ensitha.

13 Vuka Nkosi, umdanise,
Umwisele phansi,
Khulula umphefum'lo wam'
Kom'bi, 'mhedla wakho.

14 Kubantu, abayisandla
Sakho, Nkos', kubantu
Bomhlab', osabelo sabo
Sikule impilo,

Ogcwalisa izisu-ke
Zabo ngenoth' yakho,
Ngenotho eligugu-ke
Efihlakeleyo;

Bona bagcwel' abantwana,
Njalo bayatshiya
Eyabo yona inotho
Kuzinsane zabo

15 Mina ngizabon' ubuso
Bakho ek'lungeni,
Ngonele lapho ngivuka
Ngilesimo sakho.

Isihlabelelo 18

1 Mina ngizakukuthanda
Wena oyiNkosi,
Yebo, eyami yona-ke,
Ungamandla ami.

2 INkos' ilidwala lami
Layw' inqaba yami,
INkosi ngumkhululi wam'
Lamandla awami.

Kuyo ngizathemba mina,
Isihlangu sami
Lophondo losindiso lwam',
Inqaba yam' ende.

3 Ngizakubiza iNkosi,
Efanel' udumo,
Besengisindiswa kuzo
Ezami izitha.

4 Izinsizi ezokufa
Zangihanqa mina,
Amabutho ababi bo
Angesabisayo.

5 Izinsizi zesihogo
Zangizingeleza
Lem'jibila eyokufa
Yangivimbezela.

6 Kuzo izinhlupho zami
Ngabiza iNkosi,
Futhi ngakhalela kuye
'Nkulunkulu wami.

Wasizw' isililo sami
Kwelakh' ithempeli;
Kweza khona phambi kwakhe
Lendlebeni zakhe.

7 Wazamazama umhlaba
Ezisekelweni
Zamaqaqa zanyikinywa,
Ngob' ethukuthele.

8 Kwathunq' intuthu iphuma
Emakhalen' akhe,
Lomlil' emlonyeni wakhe
Kwavuth' amalahle.

9 Wakhothamis' amazulu,
Wehla phansi yena,
Kwabamnyama langaphansi
Kwezinyawo zakhe.

10 Njalo wagad' ikherubi,
Wabuye waphapha,
Yebo waphapha ngempiko
Ezawo umoya.

11 Wacatsha ebunyameni,
Wembatha amanzi
Amnyama lawo amafu
Phezulw' ezulwini.

12 Kukhanya phambili kwakhe,
Amafu anzima
Akhe adlul', isiqhoho
Lamalahl' omlilo.

13 'Nkosi yadum' ezulwini,
Yavez' izwi layo,
Laba yisiqhoho mpela
Lamalahl' omlilo.

14 Yaphosa im'tshoko yayo,
Yabachithachitha,
Yahlaba ngembane yayo,
Njalo yabaxotsha.

15 Khona kwabonakaliswa
Im'thombo yamanzi,
Lezisekelo zomhlaba
Zasibukululwa.

Zavulwa ngokuzikhaza
Kwakho, wena Nkosi,
Ngokufutha komoya nje
Wamakhala akho.

16 Yathuma esezulwini,
Yasingihluthuna,
Yangikhupha emanzini
Wona amanengi.

17 Yangisindis' esitheni,
'Sith' esilamandla,
Lakub' abangizondayo,
Ababengehlula.

18 Banginqabela ngosuku
Lwenkathazo yamik
Kodwa uJehova waba
Yinsika yami nje.

19 Wangileth' obala yena
Endawen' ebanzi,
Wangikhulula, ngokuba
Wathokoza kimi.

20 INkosi ingivuzile
Ngokulunga kwami
Langokuhlanzeka kwazo
Ezami izandla.

21 Ngoba mina ngiccinile
Indlela zeNkosi,
Angimukanga kuMlimu
Wami ngakh' okubi.

22 Ngoba izehlulo zakhe
Zikho phambi kwami,
Angilahlang' izimiso
Zakhe phambi kwami.

23 Njalo ngangiqondile mpo
Khona phambi kwakhe,
Ngazigcina ngingoni nje
Kub' ububi bami.

24 Ngokulunga kwami 'Nkosi
Ibuyisele kim',
Ngokuhlanzeka kwezandla,
Emehlwani ayo.

25 Kuye lowo olomusa
Wobonis' umusa,
Kuy' umuntu yen' oqotho
Wokhanya uqotho.

26 Woz'bonakalisa kubo
'Bahlanzekileyo,
Kophambene uphambene
Woz'bonakalisa.

27 Ngoba uzabasindisa
'Bantu 'bahlutshwayo,
Kanti uyawathobisa
'Mehlo azidlayo.

28 Wokhanyis' isibane sam',
'Nkosi 'Thixo wami,
Uzakhanyisa kubona
Ubunyama bami.

29 Ngawe sengijimile
Phakathi kwebutho,
NgeNkosi yami ngeqile
Phezulu komduli.

30 Iqondil' indlela yayo
'Nkosi, izwi layo
Liphelele, ilihawu
Kwabathemba kuyo.

31 Ngubani uNkulunkulu
Ngaphandle kweNkosi,
Kumbe nguban' olidwala
Ngaphandle kweNkosi.

32 KunguNkulunkulu onge-
mbathisa ngamandla,
Owenza indlela yami
Yona iphelele.

33 Wenz' inyawo zami zibe
'Zinjengezempsala,
Wangimisa endaweni
Zam' eziphezulu.

34 Ufundis' izandla zami
Ukulwa, kuthi-ke
Izingalo zam' zephule
Idandil' lethusi.

35 Uyangipha isihlangu
Solwakh' usindiso,
Lesandla sok'nene sakho
Siyangisekela.

Labo ubumnene bakho
Bungenzile bona;
Mina ngaba nguy' omkhulu
Ngobumnene bakho.

36 Wena uzikhulisile
Izinyathelo zam'
Phansi kwezinyawo zami;
Kazitshelangala.

37 Ngixotshil' izitha zami,
Ngazifumanisa,
Angibuyelanga futhi
Ngingaziqedanga.

38 Ngazilimaza-ke zona
Kazisavukanga,
Ziwile ngaphansi zona
Kwezinyawo zami.

39 Ngoba ungembathisile
Ngamandla empini,
Uthobisile ngaphansi
'Bangivukelayo.

40 Unginike izintamo
Ezezitha zami,
Ngize ngibachithe bonke
Abangizondayo.

41 Bakhala kodwa engekho
Ozabasindisa,
Ngitsho lakuyo iNkosi
Kayiphendulanga.

42 Ngabagaya njengothuli,
Luq hutshwa ngumoya,
Ngabatsahaza nje bona
Sadaka lwendlela.

43 Ungikhululile mina
Kuzo zona lezo
Inkani zabo abantu.
Wena ungenzile

Inhloko yabahedeni.
Bona labobantu
Engingazange ngibazi
Bazakungikhonza.

44 Bangavele bezwe ngami
Bayakulalela,
Abezizwe bazithoba
Bona phambi kwami.

45 Zona zonke izihambi
Ziyakubuna nya,
Zesabe zona kakhulu
Indawo zensitha.

46 Iphilile yon' iNkosi,
Libusiw' idwala
Lam', iNkosi yosindiso
Kayiphakanyiswe.

47 KunguNkulunkulu yena
'Ngiphindiselayo,
Onqoba izizwe zonke
Zibe phansi kwami.

48 Ungikhulul' ezitheni
Ezami-ke, futhi
Usungiphakamisile
Ngaphezulu kwabo

Abangivukelayo m'na;
Usungikhulule
Kubo abantu bolaka
Ungikhululile

49 Ngakho ngokubonga Nkosi
Phakathi kwezizwe,
Ngihubel' ibizo lakho,
Ngizakukubonga.

50 Ukhululo olukhulu
Uluph' inkos' yakhe,
Njalo uyasitshengisa
Sona isihawu

Kowakhe ogcotshiweyo,
Yena uDavida,
Kweyakhe yona inzalo,
Kube nininini.

Isihlabelelo 19

1 Amazulu atshengisa
Udumo lweNkosi,
Lomkhathi uyabonisa
Umsebenzi wayo.

2 Usuku lutshel' olunye,
Lobusuku labo
Butshengisa lon' ulwazi
Kobuny' ubusuku.

3 Akukho-ke inkulumo,
Awakho lamazwi,
Lapho izwi labo linga-
sezwakali khona.

4 Inhlokomo yabo yona
Iphumile futhi
Isiphumel' emhlabeni,
Emhlabeni wonke,

Lamazwi abo afika
'Mkhawulwen' womhlaba;
Umise phakathi kwalo
Idumba lelanga.

5 Elinjengomyen' ephuma
Kuyo indlu yakhe,
Lithokoza sasiqhwaga
'Sigijim' umjaho.

6 Ukuhamba kwakhe khona
Sekuphumele-ke
Ekucineni kwezulu,
Yen' uhamba njalo

Emaphethelweni alo;
Akulalutho nje
Olufihliwego kukho
Ukutshisa kwalo.

7 Oway' iNkosi umthetho
Wona uphelele,
Yiwo wona ophendula
Wona umphefum'lo.

Ubufakazi beNkosi
Buqinisekile,
Bona buhlakaniphisa
Yen' ongelalwazi.

8 EyeNkosi imilayo
Yonke ilungile,
Njalo iyajabulisa
Yona inhliziyo.

Owakhe uNkulunkulu
Wona-ke umthetho
Uhlanzekile njalo-ke
Ukhanyis' amehlo.

9 Ukuyesaba iNkosi
Mpela kucwebile,
Njalo-ke kuhlala kuze
Kube laphakade.

Izahlulelo zeNkosi
Ziqinisekile,
Impela zigezekile
Zilungile zonke.

10 Ziloyiseka kakhulu
'Kudlul' igolide,
Igolide elinengi
'Licengekileyo.

Zimnandi okudlulayo
Zona izinyosi,
Njalo futhi izinyosi
Zon' ezilenhlanga.

11 Kanti eyakho inceku
Ilayiwe ngazo,
Ekuzigcineni kwazo
Kulomvuz' omkhulu.

12 Ngubani na ozaziyo
'Ziphambeko zakhe?
Ngihlambululeke mina
Kwim'landu yensitha.

13 Gcin' inceku yakho kuzo
Ezokuzincoma,
Kazingabi lamandla bo
Khona phezu kwami.

Ngakho ngizakuba lakho
Khona ukuqonda,
Ngibe msulwa ecaleni
Lokon' okukhulu.

14 Kungathi wona amazwi
Awomlomo wami
Kanye lazo izizindlo
Zenhliziyo yami

Zemukelwe phambi kwakho,
Kuwe Nkosi yami,
Wena ungamandla ami,
Lay' umhlengi wami.

Isihlabelelo 20

1 'Nkosi kayikulalele
Ngosuku lohlupho;
'Bizo leNkos' kaJakobe
Kalikuvikele.

2 Kayikuthumel' usizo
Luvel' kwezingcwele;
Akuqinise ngamandla
Avel' eZiyoni.

3 Akukhumbule-ke yonke
Yakho im'nikelo;
Njalo kakuwemukele
'Mhlatshelo wokutsha.

4 Manje ake akunike
Okumayelana
Layo inhliziyo yakho,
'Kenz' icebo lakho.

5 Siyakuthokoza kulo
Usindiso lwakho;
Njalo ebizweni lika-
Nkulunkulu wethu

Sizamis' iziboniso
Ezingezethu bo.
INkosi izagcwalisa
Izicelo zakho.

6 Khathesi ngiyazi mina
Ukuthi iNkosi
Isindis' umgcotshwa wayo;
Izakuzwa yena

Isezulwini elayo
Lona elingcwele,
Ngamandla asindisayo
'Sandla sokunene.

7 Abanye bathemb' inqola
Lamabhiza, kodwa
Thina sokhumbul' ibizo
LeNkosi uThixo.

8 Bayabuyiselwa phansi
Njalo sebewile,
Kodwa thina sivusiwe
Futhi simi nje mpo.

9 Ake usisize Nkosi;
Kungathi inkosi
Njalo kayisilalele
Lapho sibizayo.

Isihlabelelo 21

1 Inkosi izathokoza
Emandleni akho,
Nkosi, kusindiso lwakho
Yothaba kakhulu.

2 Umnike izifiso ze-yakhe inhliziyo;
Kawumncitshang' isicelo
Sendebe yakhe bo.

3 Umvikel' ngezibusiso
Zakho ukulunga;
Ubekil' ekhanda lakhe
'Mqhele wegolide.

4 Wacela kuwe impilo,
Wena wasumupha,
Ngitsho lobude bensuku
Ngokungapheliyo.

5 Lukhulu udumo lwakhe
Kusindiso lwakho;
Inhlonipho lobukhosi
Ubeke phez' kwakhe.

6 Ngob' umenze wambusisa
Ngokungapheliyo,
Wamthokozisa kakhulu
Ngobakho ubuso.

7 Ngoba yona le inkosi
Ithemb' eNkosini;
Ngaw' umusa woPhezulu
Kasoz' anyikinywa.

8 Isandla sakh' sizathola
Zonk' izitha zakho,
'Sokunene sofumana
Abakuzondayo.

9 Wena wobenza babenje-ngeziko lomlilo;
Nges'khathi solaka lwakhe
'Nkosi yobaginya,

Ikuye intukuthelo;
Njalo-ke umlilo
Wothi wona ubaqede
Du, bona bonke bo.

10 Wochith' izithelo zabo
Khona emhlabeni,
Leyabo yona inzalo
Kubantwan' babantu.

11 Ngokuba bazimisela
Okubi ngakuwe,
Baceb' amaceb' amabi
Bengelakuwenza.

12 Wobenza bafulathele,
Nxu usulungisa
Imitshok' ezintanjeni,
Iqondiswe kubo.

13 Kawuphakanyiswe Nkosi,
Emandleni akho,
Sohlabela sidumise
Awakho amandla.

L.M. Isihlabelelo 22

1 Thixo wami, Thixo wami,
Yini na ungitshiyile,
Ukude lokungisiza
Lamazwi okukhala kwam'?

2 Thixo wami ngiyakhala
Emini, kodw' awungizwa,
Lesikhathin' sebusuku
Angilakho ukuthula

3 Kodwa uyingcwele wena,
Owena ohleziyo bo
Kuzo izibongo zakhe
Yena uIsrayeli bo.

4 Obaba bethu bathemba
Kuwe, bathemba wena bo,
Waze wena waba nguye
Obakhululayo bonke.

5 Bakhala khona kuwena,
Njalo bona bakhululwa,
Bathembela ngakuwena,
Abazange bayangiswe.

6 Kodwa ngingumswenya mina,
Futhi angisuy' umuntu,
Ngilahlazo ebantwini,
Bayangidelela bonke.

7 Bonke abangibonayo
Bayangihleka usulu,
Batubhul' umlomo; bani-
kina amakhanda bethi:

8 Wayethemba eNkosini,
Ethi yayizamkhulula,
Kayimkhulule sibone
Njengobana yayimthanda.

9 Kodwa wena unguye lo
Owangikhuph' esiswini,
Wangenza ngathemba ngise-
kuw' amabele kamama.

10 Ngalahlelwa ngakuwena
Kusukel' esizalweni,
UnguNkulunkulu wami
Kwasesiswin' sikamama.

11 Ungabi khatshana lami
Ngob' uhlupho luseduze,
Ngoba akakho yena-ke
Olakho ukungisiza.

12 Izinkunzi ezinengi
Sezingihanqile mina,
ZeBashan' ezilamandla
Sezingigombolozele.

13 Zakhamisela ngakimi
Imilomo yazo njenge-
siphangayo laso esi-
bhongayo-ke isilwane.

14 Ngithululwe njengamanzi,
Amathamb' am' ahlukeni,
'Nhliziyo yam' okwengcino
Incibilikile kimi.

15 'Mndl' am' ome sadengezi,
'Limi lwam' lunamathele
'Mihlathin', ungilethile
Min' othulini lokufa.

16 Ngob' izinja zing'hanqile,
'Nhlangano yababi ingi-
valele; bangibhoboza
Izandla lenyawo zami.

17 Amathambo ami wona
Ngingawabala ngalinye,
Bangikhangele kakhulu,
Basebengijolozela.

18 Babelana ngezingubo
Zami omunye lomunye,
Benz' inkatho ngezemba
Zami, bancintisana bo.

19 Kodwa kawungabi kude
Lami-ke, wena, o Nkosi,
Omandl' ami, phangisa bo
Ukuzangisiza mina.

20 Khulul' umphefum'lo wami
Kuwo wona-ke umhedla,
Isithandwa sami kuwo
Amandla awayo inja.

21 Ngisindise emlonyeni
Owaso-ke isilwane,
Ngoba wena ungizwile
Empondweni zezinyathi.

22 Ngizamemezel' ibizo
Elakho kubafowethu,
Phakathi kwalo ibandla
Ngizakukubonga wena.

23 Lin' abesaba iNkosi,
Ibongeni, lonke nzalo
KaJakobe, liyesabe
Lonke nzalo ka'Srayeli.

24 Kadelanga kenyanyanga
Inhlupho yohluphekayo,
Kafihlang' ubuso bakhe,
Kodwa wezwakala kuye.

25 Ukubongwa kwami koba
Ngaw' ebandlen' elikhulu,
Ngokhokhela izifungo
Phambi kwabamesabayo.

26 Abamnene bodla njalo
Basuthe, babong' iNkosi
'Bay'dingayo; inhliziyo
Yen' uzaphila phakade.

27 Yonk' imikhawulo yezwe
Yokhumbula ibuyele
KwiNkosi, lezizwe zonke
Zizakhonza phambi kwakho.

28 Ngokuba umbuso wona
Ungowayo iNkosi le,
Iyiyo le engumbusi
Phakathi kwezizwe zonke.

29 Bonk' abakhulupheleyo
Emhlabeni bazakudla,
Kanjalo bazakukhonza;
Bonke abay' othulini

Bazakhothama phambili
Kwakhe yena; njalo kakho
Ongaphilisa owakhe
Umphefum'lo ngokuthanda.

30 Inzalo izakumkhonza,
Njalo izakubalelw
Ngakuyo iNkosi yona
Kuso isizukulwana.

31 Bazafika bafakaze
Khona ukulunga kwayo
Kubantu abazazalwa,
Ukuthi yenzile lokhu.

Isihlabelelo 23

1 Umalusi wam' iNkosi,
Angiyikuswela,
Emadlelwen' aluhlaza
Iyangilalisa.

2 Ngasemanzin' okuphum'la
Iyangiholela,
Ibuye ivuselele
Umphefum'lo wami.

3 Endleleni zokulunga
Iyangiholela;
Akungenxa yami, kodwa
Ngal' ibizo layo.

4 Loba ngisuke ngihambe
Kuso isigodi,
Ethunzini lakh' ukufa,
Angesab' okubi.

Ngokuba wena ulami,
Lay' intonga yakho
Lalo udondolo lwakho
Ziyangiduduza.

5 Wendla' itafula lami
Phambi kwezitha zam',
Ugcobil' ikhanda lami,
'Nkezo yam' igcwele.

6 Impel' okuhle lomusa
Kuzangilandela
Kuzo zonke izinsuku
Ezempilo yami.

Njalo sengizakuhlala
Phakathi kway' indlu,
Kuyo engeyay' iNkosi,
Kub' ephakadeni.

Isihlabelelo 24

1 Umhlabu ungoweNkosi
Lokugcwala kwawo,
Izwe lonke, labo aba-
hlezi kulo lonke.

2 Ngokuba wawusekela
Phezu kwezinlwandle,
Wawumisa yena phezu
Kwazo impophoma.

3 Nguban' ozakwenyukela
Entaben' yeNkosi?
Ngubani ozakumana
'Ndawen' yay' engcwele?

4 Nguyen' olezandla zakhe
Ezigeweyo,
Yena onhliziyo yakhe
Ehlanzekileyo.

Ngongaphakam'sang' owakhe
'Mphefum'lw' ezenini,
Ongazange njal' afunge
Ngokuyinkohliso.

5 Uzakwem'kel' 'zibusiso
'Zivel' eNkosini,
Lokulunga kuNkulunkul'
Wosindiso lwakhe.

6 Yilesisizukulwana
Sabamdingayo bo,
Abading' ubuso bakho,
O wena, Jakobe.

7 Phakam'san' inhloko zenu,
Lina amasango,
Phakamisani minyang
Yasephakadeni;

Ukuze ingen' iNkosi
Yokukhazimula.
Ingubani iNkosi le
Yokukhazimula?

8 Yiyo iNkos' elamandla,
Impel' ilamandla,
YiNkosi elobuqhawe
Khona kuyo impi.

9 Phakam'san' inhloko zenu,
Lina amasango,
Yebo liyiphakamise,
M'nyango yaphakade.

10 Ke izangena iNkosi
Yokukhazimula.
Ingubani iNkosi le
Yokukhazimula?

iNkosi eyamabandla,
Iyiyo iNkosi,
Iyiyo iNkosi yona
Yokukhazimula.

S.M. Isihlabelelo 25

1 Kuwe, wena Nkosi,
Ngiphakamisela
Umphefum'lo wami, kuwe
Ngiwuphakamise.

2 Nkosi ngikuthemba,
Kangingayangeki,
Zinganqobi phezu kwami
Izitha ezami.

3 Abakulindayo
Kabangayangeki,
Abonayo ngamabomu
Kababe lenhloni.

4 Ngitshengise Nkosi,
Izindlela zakho,
Ngifundise imikhondo
Yakho, Nkosi yami.

5 Kawungikhokhele
Mina-ke ngakulo
Lona iqiniso lakho,
Njalo ngifundise;
Ngoba uyiNkosi
Yosindiso lwami,
Kuwe ngizakulindela
Kulo lonk' usuku.

6 Khumbula bo Nkosi,
Isihawu sakho
Lobubele bakho, ngoba
Busuka phakade.

7 Ungazikhumbuli
'Zono zobutsha bam',
Leziphambeko ezami.
Ngaw' umusa wakho
Ngikhumbule mina.
Ngenxa yokulunga
Okwakho kuphela Nkosi
Ungikhumbule nje.

8 Ilungil' iNkosi,
Iqondile yona,
Ngakho izakufundisa
Izoni kundlela.

9 Abamnene bona
Izabaqondisa
Ekwahluleni, lendlela
Yay' ibafundise.

10 Indlela zeNkosi
Ngum'sa leqiniso
Kwabagcin' uvumelwano
Lemilayo yayo.

11 Ngokwebizo lakho
Nkosi, uxolele
Isiphambeko sami-ke,
Ngokuba sikhulu.

12 Ngubani na yena
Owesab' iNkosi?
Yiyo ezakumfundisa
'Ndlel' ayikhethayo.

13 Umphefum'lo wakhe
Wohlal' uchelese,
Layo eyakhe inzalo
Yofuya ilizwe.

14 Imfihlo yeNkosi
'Kwabayesabayo,
Njalo izabatshengisa
Isivumelwano.

15 Amehlw' am' ahlezi
Ebhek' eNkosini,
Ngob' ihlwith' inyawo zami
Khona embuleni.

16 Phendukela kimi,
Ungihawukele,
Ngokuba ngilesizungu,
Ngihluphekile m'na.

17 Inhlupho ezayo
Inhliziyo yami
Zandile, ngikhuphe mina
Kunhlupheko zami.

18 Bona uhlupho lwam'
Lobuhlungu bami,
Njalo uxixolele-ke
Zonk' izono zami.

19 Khangel' izitha zam',
Ngoba zinengi bo,
Ziyangizonda mina-ke
Ngenzondo yolunya.

20 Lond' umphefum'lo wam',
Njal' ungikhulule,
Ngingabi lanhloni, ngoba
Ngithembele kuwe.

21 Akuth' ubuqotho
Lakho ukuqonda
Ngilonde bo, ngoba mina
Ngilindele kuwe.

22 Nkulunkulu, mhlenge
Yen' uIsrayeli,
O Nkosi, kuzo zonke bo
Izinhlupho zakhe.

Isihlabelelo 26

1 Ngahlulele, wena Nkosi,
Ngoba ngihambile
Kubo ubuqotho bami,
Njalo ngithembile

Kuyo yon' iNkosi yami,
Ngenxa yakho lokhu
Mina angisoze ngibe
Ngisatshelala bo.

2 Ngihlolise, o Nkosi,
Njalo ungilinge,
Uhlolisise izinso
Lenhliziyo yami.

3 Ngoba owakho umusa
Ukhona phambili
Kwamehlo ami, ngihambe
Ngeqiniso lakho.

4 Kangihlalanga lababi
Abantu kanjalo,
Kangihambanga labo nje
Abazenzisayo.

5 Ngilizondile ibandla
Labenza okubi,
Njalo angiyikuhlala
Labaxhwalileyo.

6 Ngizagez' izandla zami,
Ngoba sengimsulwa,
Ngizazingelez' ilathi
Elakho, o Nkosi.

7 Ukuze ngifakaze nge-
lizwi lokubonga,
Ngikhuluma ngazo zonke
'Zimangalis' zakho.

8 Nkosi ngiyathand' inhlalo
Yayo indlu yakho,
Lalaph' okuhlala khona
Inhlonipho yakho.

9 Kawungabuth' umphefum'lo
Wami lazw' izoni,
Labo kuyw' impilo yami
Labantu begazi.

10 Ngakuzo izandla zabo
Kukhona ububi,
Kwezokunene kugcwele
'Nzuzo yenohliso.

11 Kodwa mina ngizahamba
Ebuqothweni bam',
Ngihlenge-ke, futhi ube
Lesihawu kimi.

12 Unyawo lwami lumile
Ebutshelezini,
Ngizabusisa iNkosi
Ngisemabandleni.

Isihlabelelo 27

1 INkosi iyikukhanya
Kwami losindiso
Lwami. Njalo-ke ngubani
Engizamesaba?

Inkosi yon' ingamandla
Awempilo yami,
Ngubani yini engiza-
kumesaba yena?

2 Nxa zon' izikhohlakali
Lazo izitha zam'
Lalabo abayizitha
Beza phezu kwami,

Ukuze bona bayidle
Yona inyama yam',
Bona-ke bayakhubeka,
Baweles phansi bo.

3 Lob' ibutho ling'hanqile
Kangiyikwesaba,
Lob' impi ingivukele
Kulokhu ngothemba.

4 Kunye engikufisayo
ENkosini, lokhu
Ngizadinga, ukuhlala
Endlini yeNkosi

Ngensuku zonk' zempilo yam',
Ukubon' ubuhle
BeNkosi, ngibuze ngise-
thempelini layo.

5 Ngoba ngaso isikhathi
Salo uhlupho bo,
Yona izakungifihla
Kwelayo idumba.

Kuyw' insitha yendlu yayo
Izakungifihla,
Izakungibeka phezu
Kwalo idwala-ke.

6 Lakhathes' ikhanda lami
Lizaphakanyiswa
Phezulu kwezitha zami
'Zingihanqileyo.

'Thenteni layo ngoy'nika
'M'hlatshel' yentokozo.
Ngihlabelele ngihube
'Zibongo zeNkosi.

7 Zwana-ke, o Nkosi yami,
Lapha ngikhalayo
Ngezwi lami, ube lom'sa
Kim', ungiphendule.

8 Lapho usutshilo: Dinga
Ubuso obami;
Inhliziyo yami yathi:
Ngizakubudinga.

9 Ungaze wangifihlela
Obakho ubuso,
Ungayilahli inceku
Yakho olakeni.

Ubunguy' umsizi wami,
Ungangiyekeli,
Ungangitshiy', Nkulunkulu
Wosindiso lwami.

10 Lapho ubaba lomama
Bengitshiya mina,
Kuzakuth' iNkosi yami
Izangemukela.

11 Ngifundis' indlela yakho,
Nkosi, ngikhokhele
Endlelen' eqondileyo
Ngenxa yezitha zam'.

12 Ungaze wanginikela
Entandweni yazo,
Entandweni yezitha zam',
Zon' izitha zami.

Abafakazi bamanga
Sebengivukele,
Labo abaphefumula
Sona isihluku.

13 Ngabe ngadela-ke uba
Ngingakholw' ukuthi
Ngibon' ubuhle beNkosi
'Zwen' labaphilayo.

14 Lindela kuyo iNkosi,
Woba lesibindi,
Yoqinisa inhliziyo
Yakho, lind' iNkosi.

Isihlabelelo 28

1 Ngizakhala kuwe, Nkosi,
Wena dwala lami,
Ungavali izindlebe
Zakho zona kimi,
Hlezi nxa uthule mina
Ngifanane labo
Abawayo nxa besiya
Phansi emgodini.

2 Zwana izwi lokuncenga
Nxa ngikhala kuwe,
Nxa ngiphakamis' izandla
Kundawo engcwele.

3 Ungaze wangidonsa-ke
Lezikohlakali,
Kanye labenzi bobubi,
Betsho ukuthula

Kubo-ke omakhelwane
Abangababo bo,
Kodwa ububi bukhona
Kwezab' inhliziyo.

4 Baphe njengezenzo zabo,
Njengenkohlakalo,
Eyemizamo yabo bo,
Banike-ke bona.

Baphe ngokwemisebenzi
Eyezandla zabo,
Ubanike khona lokho
'Kubafaneleyo.

5 Kabanak' imisebenzi
YeNkosi lokwenza
Kwezandla zayo, bochithwa
Bona bangakhiwa.

6 Kayibusiswe iNkosi,
Ngoba ilizwile
Lona-ke ilizwi lakho
Ukuncenga kwami.

7 INkos' ingamandla ami
Lelami ihawu,
Yona inhliziyo yami
Ithembela kuyo.

Njalo-ke sengisiziwe,
Lenhliziyo yami
Iyathokoza kakhulu,
Ngohlabela kuyo.

8 INkos' ingamandla abo,
Njalo ingamandla
Awakho ukusindisa
Ogcotshiwe wayo.

9 Sindisaabantu bakho,
Ubusise ifa
Lakho, ubundle bona bo
Ubaphakamise.

Isihlabelelo 29

1 Nikanin' iNkos' udumo,
Lin' elilamandla,
Nikanin' iNkos' udumo
Njalo law' amandla.

2 Nikanin' iNkos' udumo
Lufanel' ibizo
Layo, likhonze iNkosi
Kubuhl' obungcwele.

3 Izwi leNkosi liphezu
Kwamanzi lomdumo;
INkosi ikhona phezu
Kwamanz' amakhulu.

4 Izwi leNkosi lilawo
Amandl' amakhulu,
Ilizwi leNkosi lilo-
dumo olukhulu.

5 Izwi leNkosi lephula
Imisedare, ye,
'Nkosi yephul' im'sedare
EseLebanoni.

6 Iyayenza iqolotshe
Njengalo ithole,
ILebanon' leSiriyon'
Sathole lenyathi.

7 Ilizwi leNkosi lona
Liyeahlukanisa
Wona amalangabi-ke
Awawo umlilo.

8 Izwi leNkosi liyayi-nyikiny' inkangala,
INkosi layw' inyikinya
EyaseKadeshi.

9 Ilizwi leNkosi lenza
Impala zizale,
Lihlubula amahlathi
Elayo ilizwi.

Ethempelini elayo
Bonke bon' abantu
Bakhulume ngal' udumo
Olwayo iNkosi.

10 INkosi ihlezi phezu
Kwempophoma, yebo,
INKos' ihlezi, ibusa
Kub' ephakadeni.

11 INkosi izakunika
Amandl' ebantwini,
Ibusis' abantu bayo
Ngokuthula kwayo.

Isihlabelelo 30

1 Ngizakudumisa Nkosi,
Ngoba wena usu-
ngiphakamisile, njalo
Wenz' izitha zami

2 Zingajabuli phezu kwam'.
Nkosi, Mlimu wami,
Ngikhaliile khona kuwe,
Ungisilisile.

3 Nkos' ukhophile owami
'Mphefum'lw' engcwabeni,
Ungigcinile ngiphila,
Ngingatshon' kumgodi.

4 Hlabelelan' eNkosini,
Lina ngcwele zayo,
Libonge ngokukhunjulwa
Kobungcwele bayo.

5 Ngob' ulaka lwayo lumi
Kodw' isikhatsana,
Khona emuseni wayo
Kukhona impilo.

Ukulila kuyahlala
Okobusuku nje,
Kodwa kuz' ukujabula
Khona ekuseni.

6 Njalo kikho khona uku-
phumelela kwami,
Ngitsholo ukuthi angi-
soze nginyikinywe.

7 Nkosi, ngakh' umusa wakho
Umis' intaba yam'
Yaqina, wafihl' ubuso
Bakho, ngahlupheka.

8 Ngikhaliile kuwe Nkosi,
Njalo ngakuyona,
Sengenzile isicelo
Sami eNkosini.

9 Kulenzozo bani lapho
Egazini lami,
Nxa ngingena khona kulo
Igodi phansi na?

Luzakukudumisa na
Lona lolothuli?
Lutshumayele ngalo na
Iqiniso lakho?

10 Zwana Nkosi, njalo ube
Lesihawu kimi,
Nkosi, woba nguye lowo
Ongumsizi wami.

11 Usukuguqule khona
Ukulila kwami
Wakwenza kwaba yikho nje
Khona ukusina.

Wangikhupha izigqoko
Zawo amasaka,
Wasungembathisa ngayo
Yona intokozo.

12 Ukuze udumo lwami
Lukuhlabelele
Zona indumiso kuwe,
Njalo lungathuli.

Nkosi, Nkulunkulu wami,
Ngizakukunika
Ukubongwa kuze kube
Lasephakadeni.

Isihlabelelo 31

1 Kuwe Nkosi, ngiyathemba,
Ngingabi lanhloni,
Kawungikhulule wena
Ngokulunga kwakho.

2 Thob' indlebe yakho kimi,
Ngahleng' ngokutshetsha,
Ube 'dwal' eliqinile,
'Ndlu yosindiso lwam'.

3 Ngob' ulidwala elingi-
vikelayo, ngakho
Ngenxa yelakho ibizo
Ngihol' ngiqondise.

4 Ngixakulul' embuleni
'Bangithiye ngalo
Ensitha, njengokubana
Ungamandla ami.

5 Kusandla sakho nginika
Umoya wami nje,
Ungihlengile, o Nkosi,
Thixo weqiniso.

6 Ngibazonil' abananza
Amanga ayize,
Kodwa mina ngithembela
Khona eNkosini.

7 Ngizathaba, ngithokoze
Kusihawu sakho,
Ngokuba ucabangile
Usizi lwami-ke.

Wena usuwazile bo
Owami wona nje
Umphefum'lo uphakathi
Kwayo inkathazo.

8 Kawungivalelanga bo
Kusandla sesitha,
Umisil' inyawo zami
Kundawo ebanzi.

9 Ngihawukele o Nkosi,
Ngikulo uhlupho,
Usizi lungidl' ilihlo,
Lomoya lesisu.

10 Impilo yami ichithwa
Kusizi-ke, njalo
Iminyaka yami layo
Ekububuleni.

Amandl' ami ayaphela
 Ngenxa yazo izi-
 phambeko ezami, lawo
 'Mathambo aphela.

11 Ngaba yinhlekisa kuzo
 Izitha zam' zonke,
 Langokukhethekileyo
 Kubomakhelwane.

Njalo ngabesaba labo
 Abazana lami,
 Abangibonayo endle
 Bangibalekela.

12 Ngilitshelwe engqondweni
 Samunt' ofileyo,
 Ngiyafanana lesitsha
 Esephuliweyo.

13 Ngokuba sengikuzwile
 Ukuhleb' kwenengi,
 Ukwesaba kwangihanqa
 Inhlangothi zonke.

Lapho benza amacebo
 Amelana lami,
 Beceba ukuyisusa
 Yon' impilo yami.

14 Kodwa mina ngathembela
 Kuwe, wena Nkosi,
 Njalo ngangisithi: Wena
 'NguNkulunkulu wam'.

15 Izikhathi zami zikho
 Esandleni sakho,
 Ngikhulule esandleni
 Esezitha zami

16 Lakwabangizingelayo.
 Khanyisa ubuso
 Bakhw' encekwini, uhlenga
 Mina ngom'sa wakho.

17 Kangingayangeki Nkosi,
 Ngibizile wena,
 Kabayangeke ababi
 Bathul' engcwabeni.

18 Kazithulisiwe indebe
 Zikhulum' amanga,
 Ziziqhanya ngokweyisa
 Yen' olungileyo.

19 Hay' ubukhulu bobuhle
 Bakh' obubekele,
 Ubekele bona labo
 Abakwesabayo,
 Khona okulungisele
 Wakusebenzela
 Abathembela ngakuwe,
 Kunzalo yabantu!

20 Uzabafihla ensitha
 Yobukhona bakho,
 Kukuzigqaja kwabantu.
 Uzakubalonda,
 Uzabagcina ngasese
 Edumbeni lakho
 Kukho ukuphikisana
 Kwazo izindimi.

21 Kayibusiswe iNkosi,
 Engibonisile
 Um'sa way' oyisimanga
 Kumuz' oyinqaba.

22 Ngokuba ngitshilo kukho
 'Kuphangisa kwami,
 Ngiqunyiwe phambi kwawo
 Won' amehlo akho.

Kodwa-ke ulizwile nje
 Lonk' ilizwi lami
 Lakho ukuncenga kwami
 Nxa ngikhala kuwe.

23 O, thandanini iNkosi
 Lonk' bangcwele bayo.
 Ngokuba yona iNkosi
 Iyalondoloza

Bona abathembekayo.
 Iyaphindisela
 Bona abazigqajayo
 Kakhulukazi bo.

24 Woba lesibindi, ngoba
 Yen' uzaqinisa
 Inhliziyo yenu, lina
 Bathemb' eNkosini.

Isihlabelelo 32

1 Um'ntu low' uyabusingwa
 Oxolelw konke
 Ukuphambeka, lesono
 Sisibekelwe du.

2 Uyadel' umunt' iNkosi
 Engambalelanga
 Ubub', le moyeni wakhe
 Akalabuqili.

3 Ekuthuleni kwami zwi
 Agug' amathambo
 Ami ngokubhonga kwami
 Usuku lonke nje.

4 Emini lasebusuku
 Esakho isandla
 Sibe nzima phezu kwami.
 Ubumanzi bami

Sebuguquliwe baba
 Njengakho khona-ke
 Ukoma okwalo lona
 Ihlobo lelo bo.

5 Ngasivum' isono sami
 Kuwe, lab' ububi
 Angibufihlanga kuwe
 Ekusithkeni.

Ngathi: Ngizavum' kuNkosi
 'Ziphambeko zami,
 Waxolel' ububi baso
 Esami isono.

6 Ngakho-ke bonke abale-
 Nkosi bothandaza
 Kuwe ngesikhathi onga-
 tholakala ngaso.

Mpela esikhukhuleni
 Samanz' amanengi
 Kawasoz' afinyelele
 Khona duze laye.

7 Wena uyindawo yami
 Yokucatsha, njalo
 Uzakungilondoloza
 Kuzo inhlupheko.

Wena uzakungihanqa
 Inhlangothi zonke
 Ngazo izingoma zayo
 Inkululo; yebo.

8 Ngizakulay' ngifundise
Indlela ozayi-
hamba wena, ngikuhole
Ngelami ilihlo.

9 Ungabi njengal' ibhiza,
Layo imbongolo,
Zona-ke ezingelakho
Ukuqondisisa.

Emlonyeni ziletomu
Ezibanjwa ngalo,
Hlezi zisondele khona
Eduzane lawe.

10 Insiz' ezinengi ziza
Kuzikhohlakali.
Othembele eNkosini
Wohanqwa ngumusa.

11 Thokozani eNkosini,
Abalungileyo,
Lijabule lina aba-
qothw' enhliziyweni.

Isihlabelelo 33

1 Thokozani eNkosini,
Lina balung'leyo,
Ngoba khona ukubonga
Kufanel' oqotho.

2 Bongan' iNkosi ngechacho,
Hlabelan' ngogubhu,
Langechacho elentambo
Ezilitshumi-ke.

3 Yihlabeleleni yona
Ihubo elitsha,
Tshayanini kuhle, lenze
Umsindo omkhulu.

4 Ngoba ilizwi leNkosi
Phela liqondile,
Yonk' eyayo im'sebenzi
Yenz'wa ngeqiniso.

5 Iyathanda ukulunga
Lakho ukwahlula,
Umhlaba ugcwele ngakho
'Kulunga kweNkosi.

6 Ngalo ilizwi leNkosi
Amazul' enziwe,
Ngomoya womlomo wayo
Kwadalwa konkana.

7 Ibuthel' amanz' olwandle
Wonke njengenqwaba,
Iyabekel' ukutshona
Kuzo iziphala.

8 Kakuthi wonke umhlaba
Wesabe iNkosi,
Abahlez' ezweni bonke
Bame bay'htoniphe.

9 Ngoba yona yakhulumma,
Khona kwenzakala,
Yatsho owayo umlayo,
Wema waqina mpo.

10 INkos' icitha icebo
Elabahedeni,
Yenz' amacebo abantu
Angaphumeleli.

11 Icebo leNkosi lima
Kub' ephakadeni,
Lem'khumbulo yenhliziyo
Kuzizukulwana.

12 Siyadel' isizwe esiloThix' oyiNkosi,
Abant' ebakhethileyo
Babe 'lifa layo.

13 INkosi bo ikhangele
Isemazulwini
Iyabon' amadodana
Awabantu wonke.

14 Ikundawo yokuhlala
Ikhangela phezu
Kwabo bonke abahlali
Bawo won' umhlaba.

15 Iyazenza inhliziyo
Zabo zifanane,
Iyanakana-ke yonke
Im'sebenzi yabo.

16 Kayikw' inkos' esindiswa
Ngobunengi bemi,
'Siqhwaga asikhululwa
Ngamndl' amakhulu.

17 Ibhiza yinto eyize
Njengayo inqaba,
Lingekhulule loyedwa
Ngawalo amandla.

18 Bona, ilihlo leNkosi
Liphezu kwab' abayesabayo, labathemba
Kuw' umusa wayo.

19 UkuKhulul' im'phefum'lo
Yabo kukh' ukufa,
Ukugcina bephilile
Lakuyo indlala.

20 Imiphefumulo yethu
Ilindel' iNkosi,
Ilusizo yona njalo
Lesihlangu sethu.

21 Ngoba inhliziyo yethu
Yothokoza kuyo,
Sithembele ebizweni
Layo elingcwele.

22 Akuthi umusa wakho,
O Nkos', ube phezu
Kwethu, njengalokhu thina
Sithembela kuwe.

Isihlabelelo 34

1 Ngizayibonga iNkosi
Ngezikhathi zonke,
'Ndumiso zayo zihlala
Emlonyeni wami.

2 Umphefum'lo wami uza-zincoma ngeNkosi,
Abathobekileyo kabewe bajabule.

3 Ye khulisani iNkosi,
Lina kanye lami,
Kasiphakamis' ibizo
Layo kanyekanye.

4 Ngayidinga yon' iNkosi,
Yabuya yangizwa,
Yasingikhulula kikho
Konk' ukwesaba kwam'.

5 Bona bakhangela kuyo,
Bakhanyiswa bonke;
Ubuso bab' abuzange
Bube lezinhloni.

6 Lo umyanga wasekhala,
INkosi yamuzwa,
Yamsindisa kuzo zonke
Inhlupheko zakhe.

7 Ingilosи eyeNkosi
Ibazungezile
Bona abayesabayo,
Iyabakhulula.

8 Nambithanini libone
Ukuthi iNkosi
Ilungil', ubusisiwe
'Munt' othemb'a kuyo.

9 Yesaben'i yon' iNkosi,
Lin' bangcwele bayo,
Ngoba kakukh' ukuswela
Kwabayesabayo.

10 Izingonyama ezintsha
Ziswela, zilambe,
Kodwa abading' iNkosi
Kabaswel' okuhle.

11 Wozanini-ke bantwana,
Lilalele kimi,
Ngizathi ngilifundise
Ukwesab' iNkosi.

12 Ngubani umunt' ofisa
Impilo, othanda
Insukw' ezineng', ukuze
Abone okuhle?

13 Londa ulimi olwakho
Kokubi, lowakho
Umlomo ungakhulumi
Yona inkohliso.

14 Suka ebubini, wenze
Okulungileyo,
Dingisia ukuthula
Njal' ukulandele.

15 Amehlo eNkos' aphezu
Kwabalungileyo,
Lendlebe zayo ziyezwa
Ukukhala kwabo.

16 Ubuso beNkosi bume-
lene lab' ababi,
Ukuqum' ukukhunjulwa
Kwabo emhlabeni.

17 'Balungileyo bakhala,
INkosi yabezwa,
Yabakhupha kuzo zonke
Inhlupheko zabo.

18 INkos' iseduze labo
'Bephuk' inhliziyo,
Iyabasindisa aba-
moy' odabukile.

19 Zinengi inhlupho zakhe
Ongolungileyo,
Kodw' iNkos' iyamkhulula
Kuzo zonke zona.

20 Iyagcina wonke wona
Amathambo akhe,
Kungephuki libe linye
Kuwo wona wonke.

21 Ububi buzabhubbisa
Okhohlakeleyo,
Labazond' abalungile
Bazatshabalala.

22 INkos' ihleng' umphefum'lo
Wezinceku zayo,
Othembba kuyo iNkosi
Kasoze alahlwa.

Isihlabelelo 35

1 O Nkosi, melana labo
Abamelana lam',
Ulwe wena labo bonke
Abangilwisayo.

2 Uthathe lona ihawu
Laso isihlangu,
Ungivikel', ungimele,
Ube lusizo lwam'.

3 Hwatsh' umkhonto, uvimbele
Abangihluphayo,
Utsho kumphefum'lo wami,
Ngilusizo lwakho.

4 Kabaphanjaniswe bona,
Njalo bayangiswe
Labo abawudingayo
Umphefum'lo wami.

Kababuyiselwe emva,
Bahlatshwe ngenhloni
Abangicebela bona
Ukungona mina.

5 Kababe njengamakhoba
'Phephethwa ngumoya,
Ingilosи eyeNkosi
Kayibaxotshe nje.

6 Ibe mnyam' indlela yabo
Njalo itshelele,
Lengilosи eyeNkosi
Kayibazingele.

7 Singekho isizatho bo
Sebengifihlele
Lona elabo imbule
Phakathi kumgodi.

Okuthi nje kungelaso
Sona isizatho
Bawugebhele umgodi
Umphefum'lo wami.

8 Kayehlele phezu kwakhe
Yon' im'cibitshelo
Engayilindele, njalo
Elakhe imbule

Alifihlileyo kali-
mbambe umninilo.
Yona leyw' incithakalo
Umyekele awe.

9 Uzajabul' umphefum'lo
Wami eNkosini,
Uzathokoza impela
Kusindiso lwayo.

10 Wonk' amathamb' ami othi:
Nkosi ngubani na
Ofana lawe, ohlenga
Ongumyanga kuye,
Kolamandla kulaye bo,
Yebo, ongumyanga
Laye oswelayo kuye
Yena omphangayo?

11 Kwavuka abafakazi
Abamanga wodwa,
Bengicala ngemilandu
Engingayaziyo.

12 Banginika umvuzo bo
Wobubi kundawo
Yobuhle ukuze bawu-
danis' 'mphefum'lo wam'.

13 Kodwa mina, nxa begula,
Izigqoko zami
Zona zazingamasaka,
Ngawuthobisa bo

Owami umphefumulo
Ngokuzila, njalo
Owami umthandazo bo
Ubuyele kimi.

14 Ngaziphatha kwangazani
Laye nje ngumngane
Wami kumbe umfowethu,
Ngaz'thobela phansi

Ngothobeko olukhulu,
Njengaye yena lo
Olilela unina nje,
Yena ongasekho.

15 Kodwa bona bathokoza
Ngisenhluphekweni,
Babuthana ye ababi
Emhlanganwen' yabo.

Bangihlanganisile nje
Mina bengingazi
Bangihlikizile bona
Kabayekelanga.

16 Belabazenzi aba-
ngiklolodelayo,
Bangigeddel' amazinyo
Awabo-ke bona.

17 Nkosi koze kube nini
Ulokh' ukhangele?
Kawuhlenge owami bo
Wona umphefum'lo

Kuzo izincithakalo,
Njalo lomthandwa wam'
Kuwo wona amandl' abo
Azo izilwane.

18 Ngizakubong' ebandleni
Elikhulukazi,
Ngikudumise phakathi
Kwabaneng' abantu.

19 Ungabavumeli labo
Abayizitha zam'
Ngaphandle kwesizatho-ke
Bajabule ngami.

Ungabavumeli njalo
Bengiciyozela
Ilihlo abangizonda
Ngaphndl' kwesizatho.

20 Kazikhulum' ukuthula,
Ziceba amanga
Ngalabo abathuleyo
Khona elizweni.

21 Yebo bangikhamisele
Imilomo yabo,
Bethi: Aha ha, ilihlo
Lethu limbonile.

22 Lokhu ukubonile bo,
Nkosi, ungathuli,
Kawungathuli, o Nkosi,
Ungabi kude lam'.

- 23** Zivuse uvukele-ke
Ilungelo lami
Lendaba yam', Nkulunkulu
Wami, Nkosi yami.
- 24** Ngahlulele Nkosi, Thixo
Wami, ngokulunga
Okwakho, kabangaze ba-
jabula phezu kwam'.
- 25** Kabangatsho enhliz'yweni
Zab' ukuthi: Aha
S'yakufuna, kabangatsho:
Simginyile yena.
- 26** Kababe lenhloni njalo
Baphambane bonke
Abathokoza nxa bengi-
limaza mina nje.

Bagqokise ngezinhloni
Njalo lendumazo
Lab' abazikhukhumeza
Khona phambi kwami.
- 27** Kabajabule ngomsindo
Njalo bathokoze
Labo abathandanayo
Lokulunga kwami.

Kayikhuliswe iNkosi,
Ngoba ilothando
Kukho ukuphumelela
Kwayw' inceku yayo.
- 28** Njalo olwami ulimi
Lukhulumu ngakho
Ukulunga lokubonga
Kwakho usuk' lonke.

Isihlabelelo 36

- 1** Isono somubi sithi
Kunhliziyo yami:
Kakukho ukuyesaba
INkos' 'mehlwen' akhe.
- 2** Uyazikhohlisa yena
Emehlweni akhe,
Kuze kuficwe icala
Lakhe lizondeka.
- 3** Amazwi omlomo wakhe
'Bubi lenkohliso,
Uyek' ukuhlakanipha
Lokwenza okuhle.
- 4** Uyaceb' ukungalungi
Elel' ecansini,
Umi endleleni embi,
Kenyanyi ububi.
- 5** Isihawu sakho, Nkosi,
Sisemazulwini,
Njal' ukuthembeka kwakho
Kufik' emafini.
- 6** Ukulunga kwakho khona
Kufanana lazo,
Kunjengalezozintaba
Ezinkulukazi.

'Zigwebo zakho zijule
Kakhulu; o Nkosi,
Uyalondoloz' abantu
Lezinyamazana.
- 7** Hayi ubuhle bothando
Olomusa wakho,
O Nkulunkulu, ngakho-ke
'Bantwana babantu

Bona-ke bayalibeka
Ithemba elabo
Ngaphansi komthunzi wawo
Amaphiko akho.

8 Bosuthiswa ngamanono
Endlu yakho mpela.
Ubanathis' imifula
Yenjabulo yakho.

9 Ngoba kuwe kulomthombo
Wayo yon' impilo,
Ekukhanyen' kwakho siza-
bona ukukhanya.

10 Qhubela umusa kubo
'Bakwaziyo wena,
Lokulunga kwakho kubo
'Banhliziyw' eqotho.

11 Yal' ukuth' unyawo loku-
ziqhenya lung'khube,
Lesandla somkhohlakali
Singisuse mina.

12 Nampo abenza okubi
Bawile, baphoswa
Phansi, njalo kabasoze
Baphinde bavuke.

Isihlabelelo 37

1 Ungabozikhathaza bo
Ngabenza okubi,
Ungabi lamona ngabo
Abenza okubi.

2 Ngoba masinya baqunywa
Njengabo utshani,
Babune njengezilimo
Zon' eziluhlaza.

3 Themb' iNkosi, wenze khona
Okulungileyo,
Wohlala ezweni, qotho
Uzakondliwa-ke.

4 Jabula njalw' eNkosini,
Njal' izakunika
Zona izifiso zayo
Inhliziyo yakho.

5 Nikela indlela yakho
ENkosini, themba
Kuyo, izakukwenzela
Konke kuphelele.

6 Izaveza ukulunga
Okwakho njengakho
Ukukhanya, lokugweba
Kwakho okwemini.

7 Phumula eNkosini-ke,
Njalo-ke ulinde
Ngokubekerezela kuyo.
Ungazikhathazi

Ngenxa yophumelelayo
Endleleni yakhe,
Ngenxa yomuntu esenza
Amaceb' amabi.

8 Yekel' ukuthukuthela,
Utshiye ulaka,
Ungazihluphi lakanye
Ngokwenza okubi.

9 Ngoba abenzi bobubi
Bazaqunywa juqu,
Abalinda eNkosini
Bazakudla izwe.

10 Sekuyisikhatsana nje
Omubi aphele,
Cingisis' indawo yakhe
Ungakuyibone.

11 Kodwa abachumileyo
Bazakudla izwe,
Ngobunengi bokuthula
Bazithokozise.

12 Okhohlakeley' uceba
Ngay' olungileyo,
Egedla phezulu kwakhe
Ngamazinyo akhe.

13 INkosi izakumhleka,
Ngoba iyabona
Ukuthi usuku lwakhe
Luzakumfikela.

14 Abakhohlakeleyo ba-
hotshile umhedla,
Bagobis' umtshoko wabo,
'Kubawisa phansi

Abampofu labasweli,
Ukubabulala
Bona abaqondileyo
Ekuziphatheni.

15 Umhedla wab' uzangena
Kwezab' inhliziyo,
Imitshoko yabo iza-
kuqanyulwa yonke.

16 Okuncinyane alakho
Yen' olungileyo
Kudlul' inotho yababi
Bona abanengi.

17 Ngoba ingalo zababi
Zizephulwa zonke,
Kodw' iNkosi iyamisa
Abalungileyo.

18 Izinsuku zabaqotho
INkos' iyazazi,
Ilifa labo lohlala
Kube njalo njalo.

19 Abayikuba lenhloni
Ngesikhath' esibi,
Langensuku ezendlala
Bazakusuthiswa.

20 Kodw' ababi bazabhubha,
Lezitha zeNkosi
Njengamafutha ezimvu
Zotshiswa ziphele.

21 Ababi bayaboleka
Bengabuyiseli,
Olungiley' ulomusa
Njalo uyaphana.

22 Ababusisiwe nguye
Ilizwe ngelabo,
Kanti abathukiweyo
Bazaqunywa bonke.

23 Uhambo lolungileyo
Luphethwe yiNkosi,
Njalo yona ijabula
Endleleni zakhe.

24 Lanxa esiwa kayiku-
lahlwa phansi yena,
INkosi iyamsiza-ke
Ngesayo isandla.

25 Sake sakhon' isikhathi
Engangisemutsha,
Manje sengimdala mina,
Kang'zange ngimbone

Olungileyo elahlwa,
Njalo lenhlalweni
Yenzalo yakhe ihamba
Icela ukudla.

26 Uhlezi elesihawu,
Osukwini lonke
Ubolekisa, lenzalo
Yakh' iyabusiswa.

27 Suka ebubini bonke,
Wenze khona lokhu
Okulungileyo, njalo
Uhlale lanini.

28 Ngoba iNkosi ithanda
Son' isahlulelo,
Njalo kayiy'kubadela
Abangcwele bayo.

Bona balondoloziwe
Ngokungapheliyo,
Kodwa inzalo yababi
Izaqunywa juqu.

29 Olungileyo uzadla
Ilifa lelizwe,
Uzahlala-ke phakathi
Kwalo njalonjalo.

30 Umlomo wolungileyo
Utshw' inhlakanipho,
Lolimi lwakhe luyatsho
Ngakh' ukwahlulela.

31 Umthetho weNkosi yakhe
Usenhliziyweni,
Alikh' inyathelo lakhe
Elizatshelela.

32 Okhohlakeley' ulinda
Yen' olungileyo,
Njalo adingisise bo
Ukuz' ambulale.

33 'Nkosi kayiyikumtshiya
Esandleni sakhe,
Kayisoze-ke imlahle
Nxa egwetshwayo-ke.

34 Lindela yona iNkosi,
Njal' ugcin' indlela
Yayo, njalo izakuku-
phakamisa wena,

Uwudle umhlaba; lapho
'Bakhohlakeleyo
Bequnyiwe bathi juqu,
Wen' uzakubona.

35 Ngimbonil' omubi lapho
Emandl' amakhulu
Enaba njengesihlahla
'Siluhlaza tshoko.

36 Kanti wanyamalala bo,
Akaz' aba khona,
Yebo ngamdinga yena-ke,
Kodwa kazatholwa.

37 Nanzelel' opheleleyo,
Nanzelel' oqotho,
Ngob' ukucina konjalo
Kuyikuthula nje.

38 Ngoba abaphambukayo
Bazakubhujiswa,
Ukucina kwab' ababi
Kuzaqunywa juqu.

39 Kodwa usindiso lwabo
'Balungileyo ngo-
lweNkos', ingamandla abo
Ngosuku lohlupho.

40 INkosi izabasiza
Bona, njalo iza-
bakhulula bona; iba-
khulule kubona

Labo abayizo zona
Izikhohlakali,
Ibasindise, ngokuba
Bathembela kuyo.

Isihlabelelo 38

1 Nkosi, ungangithethisi
Nxa uthukuthele,
Ungangijezisi mina
Nxa ungathokozi.

2 Ngoba imitshoko yakho
Ungiciba ngayo,
Las' isandla sakho sifi-
thizel' ngobuhlungu

3 Akukh' ukuphila kuyo
Yon' inyama yami
Ngesizatho sakho khona
Ukuzonda kwakho.

Mpela akukho sibili
Khon' ukuphumula
Lasemathanjeni ami
Ngenxa yesono sam'.

4 Ububi bam' sebugubu-
zel' ikhanda lami,
Njengomthwalo osindayo
Buyangisinda bo.

5 Izilonda zami ziya-
nuka njalo zona
Zenyanyeka ngenxa yabo
Ubuthutha bami.

6 Sengihluphekile mina,
Ngikhokhoba mpela,
Ngihamba ngilila mina
Ilanga lonke nje.

7 Ngoba ekhalweni lwami
Kugcwele isifo,
Futhi kakulakuphila
Enyameni yami.

8 Sengidinwe ngadabuka
Sibili, ngakhala
Ngokusol' okubuhlungu
Kwenhliziyo yami.

9 Nkosi, zonk' izifiso zam'
Ziphambili kwakho,
Njalo ukububula kwam'
Kusobala kuwe.

10 Yaphefuzel' inhliziyo
Yam', iphel' amandla,
Ukukhanya kwamehlw' ami
Sekungitshiyile.

11 Abathandana lam' bema
Kude ngitshayiwe,
Lezihlobo zami zima
Zikhatshana lami.

12 Lalabo abadingayo
Yon' impilo yami
Bengithiya, labadinga
Owami umona

Bakhulum' amazw' amabi,
Futhi banakana
Befunisela amanga
Usuku lonke nje.

13 Mina-ke njengesacuthe
Angizange ngizwe,
Ngaba njengesimungulu
'Singavul' umlomo.

14 Ngakho ngaba nguy' umuntu
Ongelakh' ukuzwa,
Njalo emlonyeni wakhe
Akukh' ukukhuza.

15 Ngoba ngakuwe, o Nkosi,
Mpela ngiyathemba,
Wena uzakuzwa, Nkosi,
Nkulunkulu wami.

16 Ngoba mina ngatsh' ukuthi:
Ake ungizwe-ke
Hlezi bona bathokoze
Khona phezu kwami,

Nxa lona unyawo lwami
Selutshelela bo,
Bazikhulise-ke bona
Bamelane lami.

17 Ngilungele ukuqhula,
Njal' usizi lwami
Lukhona ngaphambi kwami,
Lumi njalo njalo.

18 Ngoba sengizakwazisa
Bon' ububi bami,
Njalo ngizaba losizi
Ngas' isono sami.

19 Izitha zam' ziphilile,
Futhi zilamandla,
Labangizondayo ngeze
Bona sebandile.

20 Ababuyise ububi
Endawen' yobuhle
Bayizitha zami, ngoba
Ngilandel' okuhle.

21 O, ungaze wangitshiya,
Wena Nkosi yami,
Nkulunkulu wam', ungabi
Khatshana lami bo.

22 Ungabi khatshana lami,
Ukuz' ungisize,
Njalo phangisa, o Nkosi
Yosindiso lwami.

Isihlabelelo 39

1 Ngathi: Ngizanenzelela
Izindlela zami,
Ukuze ngingoni ngalo
Lon' ulimi lwami.

Ngizalond' umlomo wami
Ngesayeke kuwo,
Lapho ababi bekhona
Yebo phambi kwami.

2 Ngathula-ke ngathi cwaka,
Ngazithule lanje
Lekulungeni, usizi
Lwami lwavuka bo.

3 Inhliziyo yam' phakathi
Yatsha-ke, lomlilo
Watshisa ngisanakana,
Ngatsho ngolimi lwam':

4 Nkosi ngazis' isiphetho
Lezinsuku zami
Ukuze ngiqedisise
'Buthakathaka bam'.

5 Khangel' wenzile insuku
Zami zalingana
Lobubanzi besandla bo,
Leminyaka yami

Kayis' into phambi kwakho.
Mpela wonk' umuntu
Kubungcono bakh' uyize
Ngokupheleleyo.

6 Impela wonke umuntu
Uhambela ize,
Sibili kachelesanga
Kungelasizatho.

Uyabuthelel' imfuyo
Ize ib' enengi,
Kodwa engazi ukuthi
Yobuthwa ngubani.

7 Manje-ke khathesi, Nkosi,
Ngisalindeleni?
Lona ithemba elami
Lingakuwe wedwa.

8 Ngisindise kuzo zonke
'Ziphambeke zami,
Ungangenzi inhlekisa
Yeziphukuphuku.

9 Ngaba yisimungulu nje,
Kangavul' umlomo,
Ngenxa yokuthi-ke wena
Ukwenzile lokhu.

10 Susa ukutshaya kwakho
Khona phezu kwami,
Sengidliwe yikutshaywa
Kwesakho isandla.

11 Nxa ulungisa umuntu
Ngokulaya kwakho,
Ngenxa yesiphambeko-ke
Ubuhle obakhe

Ubutshabalalisa du
Njengalw' ivevane;
Ngeqiniso wonk' umuntu
Ulize impela.

12 Zwana umthandazo wami,
O Nkosi, lalela
Ukukhala, lem'nyembezi
Kawungathuli bo.

Ngoba ngingowasemzini
Kuwe lesihambi,
Njengabo bonke obaba
Bona babe njalo.

13 Ngiyekele-ke ngizuze
Amandla phambili
Kokuthi ngisuke lapha,
Ngingasabi khona.

Isihlabelelo 40

1 Ngalindela eNkosini
Ngokubekezelwa,
Yazithobelwa ngakimi,
Yezw' ukukhala kwam'.

2 Yangikhupha emgodini
Owesabekayo,
Exhaphozini lodaka
Yona yangikhupha.

Edwaleni yazimisa
Izinyawo zami,
Yabuye yaziqinisa
Izinyathelo zam'.

3 Ngoma entsha yayibeka
Emlonyeni wami,
Lay' indumiso kuyena
'Nkulunkulu wethu.

'Banengi bazakubona,
'Banengi besabe,
Njalo bathembele kuyo
Ke yona iNkosi.

4 Lowomunt' ubusisiwe
Oyenzayo yona
INkosi ibe yilonia
Elakhe ithemba.

Ongahloniphiyo bona
'Bazigwabisayo,
Labo abaphendukela
Kuwona amanga.

5 Minengi, Nkosi Thixo wam',
Im'sebenzi yakho
Yona emangalisayo,
Uyenzile wena

Lay' imikhumbulo yakho,
Yon' eqonde thina,
Ayingebalwe-ke kuwe
Ngokulandelana.

Nxa ngingayitshumayela,
Ngikhulume ngayo,
Iyedlula ukuba-ke
Ingabalwa yona.

6 Umhlatshelo lomnikelo
Wena kawufisi,
Izindlebe zami zona
Wen' uzivulile.

Umnikelo otshiswayo
Wena kawufuni,
Lomnikelo owesonzo
Wena kawufuni.

7 Ngakho ngathi: Akubone
Ngiyafika mina,
Kuwo umqulu wogwalo
Kulotshiwe ngami.

8 Ngithokoza ngokuyenza
Intando yakho nje,
Nkosi yam', umthetho wakho
Usenhliz'ywen' yami.

9 Ngitshumayel' ukulunga
'Mhlanganwen' omkhulu,
Angibambanga indebe,
Nkosi uyakwazi.

10 Angifihlanga okwakho
'Kulung' enhliz'yweni,
Ngakhuluma uthembeko
Losindiso lwakho.

Angifihlanga uthando,
Law' umusa wakho,
Njalo leqiniso lakho,
Kumhlangan' omkhulu.

11 Ungabuval' ububele
Bakho, Nkosi, kimi,
Iqiniso lom'sa wakho
Lungilonde njalo.

12 Ngob' ubub' obungebalwe
Sebungiphahlile,
Zangibamb' izono zami,
Angibhek' phezulu.

Zinengi kulezinwele
Zalw' ikhanda lami,
Ngakho inhliziyo yami
Ingehlule mina.

13 Ake uthande, o Nkosi,
Ukungikhulula,
Nkosi, ake uphangise
Ukusiza mina.

14 Kababe lenhloni njalo
Badunyazwe kanye
Abafisel' umphefum'lo
Wam' ukuwuchitha.

Abaxotshelwe emuva
Babe lamahloni,
Bona abangifisela
Khona okubi bo.

15 Kabachitheke bo ngenxa
Yezinhloni zabo,
Abatshoyo khona kimi
Bethi: Aha! Aha!

16 Kakuthi bona bonke nje
Abadinga wena
Bathokoze, njalo-ke ba-
jabule kuwena.

Kuthi labo abathanda
Olwakh' usindiso
Baphikelele ukuthi:
Yinkulu iNkosi!

17 Kodwa mina ngingumyanga
Ngingosweleyo nje,
Kodwa-ke uNkulunkulu
Uyangikhumbula.

Wena ungumsizi wami
Lomkhululi wami,
Ungaze walibala bo,
Nkulunkulu wami.

Isihlabelelo 41

1 Ubusisiwe yenalo
Onanza umyanga;
INkosi izamkhulula
Kusuku lohlupho.

2 INkos' izamlondoloza,
Imgcine ephila,
Njalo uzakubusiswa
Phezu kwaw' umhlaba.

Njalo wena kawusoze
Waze wamnikela
Kuyo intando yezitha,
Zona lez' ezakhe.

3 Izamqinisa iNkosi
Kumbheda wenhlupho,
Uzalungis' icans' lakhe
Lonke lokugula.

4 Ngathi: Nkos' ngihawukele,
Yelaph' umphefum'lo,
Ngoba sengonile mina
Khona phambi kwakho.

5 Izitha zami ziyatsho
Konk' okubi ngami,
Bethi: Uzakufa nini,
Lelakhe ibizo?

6 Lapha yena ezokungi-
bona mina, yena
Ukhulumu lona ize.
Inhliziyo yakhe

Ibuthelela ububi
Ngaphakathi kwayo,
Nxa ephuma ukhulumu
Ngakho khona lokho.

7 Bonke abangizondayo
Bayanginyeya-ke,
Bayangenzel' amacebo
Okungilimaza.

8 Bathi: Isifo esibi
Simnamathele mpa,
Njalo khathesi ulele,
Kasoze avuka.

9 Yeb' umngane wami engi-
methembayo, udla
Isinkwa sam', eqapise
Isithende sakhe.

10 Kodwa wena, Nkosi yami,
Ngihawukele m'na,
Ungiphakamise wena,
Ngibaphindisele.

11 Ngalokho ngazi ukuthi
Wen' uyangithanda,
Ngob' isitha sami kasi-
nqobi phezu kwami.

12 Kodwa min' uyangilonda
Kubuqotho bami,
Ungibeke ebusweni
Bakho njalo njalo.

13 Kabusiw' uNkulunkulu
'Nkosi ka'Srayeli
Njalo ngokungapheliyo.
Amen' loAmeni.

Isihlabelelo 42

1 Njengendlunzela yomele
Umfula wamanzi,
Unjal' umphefum'lo wami
Womel' wena, Thixo.

2 Umphefum'lo wam' womele
UTHix' ophilayo,
Ngizakuza nini ngime
Phambi kukaThixo?

3 Inyembezi ziyikudla
'Mini lebusuku,
Lapho babesithi kimi:
'Ngaph' iNkosi yakho?

4 Nxa ngikhumbul' lezizinto,
Ngithulul' umoya
Wami, ngoba ngangihamba
Labo abanengi,

Ngaya labo kundlu yayo
INkosi, ngelizwi
Lokuthaba lendumiso
Labagcin' umkhosi.

5 Udanelani kangaka,
Mphefumulo wami?
Yini na bo ungachumi
Ngaphakathi kwami?

Themba eNkosini, ngoba
 Ngisezadumisa
 Yona, ngenxa yal' usizo
 Olobuso bayo.

6 Nkosi yami, umphefum'lo
 Wami udanile
 Ngaphakathi kwami; ngakho
 Ngizakukhumbula

Ngiselizweni lon' ele-
 Jordane, khona le-
 Hermoni, njalo ngikuyo
 Intaba yeMizar'.

7 Ziyabizana inziki
 Ngamanz' ehlokoma,
 Wonke won' amagagasi
 Angigubuzele.

8 Kube kant' iNkosi yona
 Izawulawula
 Umusa othandekayo
 Way' okhon' emini,
 Lasebusuku ihubo
 Elayo likimi,
 'Mkhuleko wam' eNkosini
 Eyempilo yami

9 Ngizakuthi eNkosini:
 Wena dwala lami!
 Kubangelwa yini na bo
 Ungikhohlwe mina?
 Yini na mina ngihamba
 Ngingolilayo nje
 Ngenxa yembandezelo-ke
 Eyesitha sami?

10 Sankemba kumathamb' ami,
 'Zitha zangahlaza,
 Bathi kimi nsuku zonke:
 'Ngaph' uMlimu wakho?

11 Udanelani kangaka,
 Mphefumulo wami?
 Yini na bo ungachumi
 Ngaphakathi kwami?

Themba eNkosini, ngoba
 Ngisezadumisa
 Yon', ukusila kobuso
 Bam' leNkosi yami.

Isihlabelelo 43

1 Ngahlulele mina, Nkosi,
 Uyimel' indaba
 Yami, laso isizwe-ke
 Esingalunganga.

Kawungikhulule mina
 Kuy' eyenkohliso
 Njalo lakuyo indoda
 Yon' engalunganga.

2 Ngoba uyiNkosi yawo
 Awami amandla,
 Kungani na ungilahla
 Khonale kude na?

Kungani na mina mpela
 Ngihamba ngikhala
 Ngenxa yembandezelo ye-
 sitha sami sona?

3 Thumel' ukukhanya kwakho,
 Leqiniso lakho,
 Kungikhokhele, kungise
 Entaben'i yakho.

Entaben i yakhw' engcwele
 Lasendlini yakho
 Khona, ngoya elathini
 LikaNkulunkulu,

4 KuNkulunkul' wenjabulo
 Yami enkulu-ke.
 Ngizakudumis' ngechacho,
 Thixo, Nkosi yami.

5 Udanelani kangaka,
 Mphefumulo wami?
 Yini na bo ungachumi
 Ngaphakathi kwami?

Themba eNkosini, ngoba
 Ngisezadumisa
 Yon', ukusila kobuso
 Bam', leNkosi yami.

Isihlabelelo 44

1 Sizwile ngendalebe zethu,
 O Nkosi, obaba
 Basitshela umsebenzi
 Wakho wasendulo.

2 Waxotsha ngesandla sakho
 Izizwe, kodwa-ke
 Wabamisa, wazihlupha,
 Wazilahla zona.

3 Kabazuzanga ilizwe
 Ngowabo umhedla,
 Njalo leyabo ingalo
 Ayibasizanga.

Kwenziwa yingalo yakho,
 Lesandla sok'nene,
 Lok'khanya kobuso bakho,
 Ngob' ubathandile.

4 Uyinkosi yami wena,
 O Nkosi, lawula
 Zona-ke inkululeko
 EzikaJakobe.

5 Ngawe sawisa izitha,
 Ngelakho ibizo
 Sobanyathelela phansi
 'Basivukelayo.

6 Ngoba angiyikuthemba
 Idandili lami,
 Futhi lowami umhedla
 Kawungisindisi.

7 Kodwa usisindisile
 Ezitheni zethu,
 Ubayangisile bona
 Abasizondayo.

8 Sizazincoma ngeNkosi
 Kulo lonk' usuku,
 Silidumise ibizo
 Lakho njalo njalo.

9 Kodwa ususilahlile,
 Saba lamahloni,
 Njalo kawuphumanga-ke
 Lamabutho ethu.

10 Usenzile salehlela
 Ezethu izitha,
 Labo abasizondayo
 Bayaziphangela.

11 Ususinikele njenge-
 zimvu zokudliwa,
 Wasihlakaza phakathi
 Kwabo abezizwe.

12 Uthengisile abantu
Bakho ngalo ize,
Kayande inotho yakho
Ngentengiso yabo.

13 Usenze saba lihlazo
Kub' abakhelwane,
Seyiswa siyinhlekisa
Kwesihlezi labo.

14 Ususenze inhlekisa
Kubo abezizwe,
Ukunikin' kwamakhanda
Phakathi kwabantu.

15 Ukudideka kwami-ke
Kuphambi kwam', njalo
Lenhloni zobuso bami
Zingigubuzele.

16 Ilizwi longigconayo
Lelongithukayo,
Kungenxa yaso isitha
Lay umphindiseli.

17 Konke lokhu kusehlele,
Kant' asikukhohlwa,
Kasenzang' amanga kuso
Isivumelwano.

18 Inhliziyo yethu kayi-
buyelanga em'va,
Lenyawo kazitshiyanga
Eyakho indlela.

19 Lanxa usephule kabu-
hlungu endaweni
Yodrago, sagutshuzelwa
Ngethunzi lokufa.

20 Uba sikhohliw' ibizo
LikaNkulunkulu
Wethu, selulel' izandla
Komunye umlimu,

21 Kayikukudinga yini
UNkulunkulu na?
Ngoba wazi izimfihlo
Zayo inhliziyo.

22 Ye ngenxa yakho sibulaw'
Lon' usuku lonke,
Siyabalwa njengezimvu
Zon' ezokuhlatshwa.

23 Vuka ulalelani na,
Wena-ke o Nkosi?
Vuka, akungasilahli
Kuze kube nini.

24 Ngani ufhla ubuso
Obakho, ukhohlwa
Zona inhlupheko zethu
Layw' imbandezelo?

25 Ngoba umphefum'lo wethu
Usukhothamele
Othulin', isisu sethu
S'namathel' othulin'.

26 Sukuma-ke usisize,
Njalo usihlenge
Thina, ngenxa yas' esakho
Sona isihawu.

Isihlabelelo 45

1 'Nhliyiyo yam' iphuphuma
Ngay' indaba enhle;
Ngiyakhulumu ngehubo
Engilenzileyo,

Elithinta yon' iNkosi;
 Ulimi lwami lu-
 lusiba laye umbhali
 Ongophangisayo.

2 Umuhle kulabantwana
 Ababantu bona,
 Umusa utheliwe nje
 Emlonyeni wakho,

Ngakho-ke uNkulunkulu
 Ukubusisile
 Wena ngokungapheliyo
 Kube njalo njalo.

3 Bophela umhedla wakho
 Emlenzeni wakho,
 O Somandla, ngal' udumo
 Lobukhosи bakho.

4 Ebukhosini obakho
 Hamb' uphumelele
 Ngenxa yeqiniso loku-
 chuma lokulunga.

Njalo isandla esakho
 Sokunene mpela
 Sizakufundis' izinto
 Ezesabekayo.

5 'Mitshoko yakhw' ibukhali
 Kunhliziyo yazo
 Izitha zayo iNkosi,
 Laph' unqob' abantu.

6 Isihlalo sakho, Nkosi,
 Simi njalo njalo,
 Intonga yombuso wakho
 Ngeyakh' ukulunga.

7 Uthandile ukulunga,
 Wazonda ububi,
 Ngakho-ke iNkosi, yona
 INkosi eyakho,

Ikugcobe ngamafutha
 Awokuthokoza
 Ngokungaphezulu kwabo
 Abangane bakho.

8 Izembatho zakho zonke
 Ziqliwe ngephunga
 Lemure lenhlaka layo
 Ikhasia lelo.

Kuzigodlo ezempondo
 Zezindlovu, lapho
 Bakwenzile wathokoza
 Okwempela lapho.

9 Amakhosazana lawo
 Ayekhona lapho
 Kumakhosikazi phela
 Awayo iNkosi.

Ngakwesokunene sakho
 Kum' indlovukazi
 Ilembathil' igolide
 ElaseOfiri.

10 Lalela njal' ukhumbule,
 Ndodakazi, uzwe,
 Ubakhohlwe labakwenu
 Labendlu kayihlo.

11 Khon' iNkosi yofisa bhe
 Obakho ubuhle,
 Ngoba iyiNkosi yakho,
 Wena khonza yona.

12 Intombi yeTire yoba
Lapho ilezipho,
Lezinothi ebantwini
Zafis' ukuthandwa.

13 Indodakazi yeNkosi
Iyakhazimula
Ngaphakathi, izingubo
Zingezegolide.

14 Izalethwa eNkosini
Efak' izembatho
Ezicecisiweyo-ke
Ngayo inalithi.

Intombi labosowabo
Abamlandelayo
Bazakukulethwa kuwe
Khona phambi kwakho.

15 Ngenjabulo lentokozo
Bazalethwa bona,
Bazangen' esigodlweni
EseNkosi sona.

16 Esikhundlen' saboyihlo
Kuzab' abantwana,
Ongabenz' amakhosana
Emhlabeni wonke.

17 Ngizakwenza ukhunjulwe
Kuz'zukulwana zonk',
Ngakho abantu bazaku-
bonga njalo njalo.

Isihlabelelo 46

1 INkosi yinqaba yethu,
Lawethu amandla,
Ngumsizi sonk' isikhathi
Kuzo inhlupheko.

2 Ngakho asiyikwesaba
'Ngaz' usuk' umhlaba,
Lob' intaba zithwalelw
Phakathi kolwandle.

3 Lob' amanzi ehlokoma
Ngokukhathazeka,
Lob' intaba zinyikinywa
Ngokukhukhumala.

4 Kulomfula lezifula
Ezithabis' um'zi
WeNkos', idumb' elingcwele
Lakh' oPhezukonke.

5 INkos' iphakathi kwawo,
Kawunyikinyeki,
Ngesikhath' es'faneleyo
Nkos' izawusiza.

6 Izizwe zaxokozela,
Yadilik' im'buso,
Yaphumisa izwi layo,
Lancibilik' izwe.

7 INkosi eyamabandla
Ilathi yona bo,
'Nkulunkulu kaJakobe
Uyinqaba yethu.

8 Wozani libone imi-
sebenzi yeNkosi,
Incithakalo ezenze
Phakathi komhlaba.

9 Wenza izimpi ziphele
Kuwo wonk' umhlaba,
Wephul' umtshoko lomkhonto,
Atshise inqola.

10 Thulani lazi ukuthi
NginguNkulunkulu,
Ngiphakanyisw' ezizweni
Lakuwo umhlaba.

11 INkosi eyamabandla
Ilathi yona bo,
'Nkulunkulu kaJakobe
Uyinqaba yethu.

Isihlabelelo 47

1 Qakezani, lina bantu,
Limemezele-ke
KuNkulunkulu ngelizwi
Lakho ukunqoba.

2 UJehov' uphezu konke,
Yen' uyesabeka,
UyiNkos' enkulu phezu
Kwaw' umhlaba wonke.

3 Uzabanqoba abantu
Bonke phansi kwethu,
Lezizwe zibe ngaphansi
Kwezinyawo zethu.

4 Uzasikhethela yena
Elethu ilifa,
Ubuhle bukaJakobe
Yena amthandayo.

5 UNkulunkulu wenyuke
Ngokumemezelwa,
INkosi, ngakh' ukukhala
Okwalo uphondo.

6 Hlabelela kuy' uThixo
Izibongo zakhe,
Lidumis' iNkosi yethu
Ngezibongo zayo.

7 Ngob' uThixo uyiNkosi
Emhlabeni wonke,
Hlabelelan' izibongo
Ngokuqondisisa.

8 UNkulunkulu ubusa
Phezulu kwezizwe,
Uhlezi esihlalweni
Sobungcwele bakhe.

9 Amakhosana abantu
Wona ahlangene
Labantu bayo iNkosi
EkaAbrahama.

Ngoba amahaw' omhlaba
NgakaNkulunkulu,
Yena-ke uNkulunkulu
Uphakanyisiwe.

Isihlabelelo 48

1 Mkhul' uJehova, kabongwe
Kakhulu emzini
WeNkosi yeth', entabeni
Yobungcwele bayo.

2 Imi kuhl' intab' iZiyon',
Yintokoz' yomhlaba,
Um' enyakatho umuzi
WeNkosi enkulu.

3 UNkulunkulu ukhona,
Uyaziwa ngakho,
Ezigodlwini ezawo,
Uyinqaba yazo.

4 Ngoba khangel' amakhosi
Ayebuthene nje,
Adlule khon' eceleni
Ehamba ndawonye.

5 Bakubona, bamangala,
Babehluphekile,
Baphangisa, babaleka,
Baya khatshana le.

6 Bafikelwa yikwesaba
Lapho, lobuhlungu
Njengabo bon' ubuhlungu
Bomfaz' ehelelwa.

7 Imikolo yeThashishi
Uyayiphahlaza
Langawo wona umoya
Wasempumalanga.

8 Njengalokhu sesizwile
Njalo sibonile
Emzini wayo iNkosi
Yawo amabandla.

Emzini kaNkulunkulu,
Yena ongowethu,
UThixo uzawumisa
Wona kokuphela.

9 Siwukhumbule umusa
Wona ongowakho,
O Nkosi, phakathi kwalo
Ithempeli lakho.

10 Njengalo ibizo lakho,
Wena Nkulunkulu,
Ngokunjalo ukubongwa
Okwakho, impela,

Kuze kub' ekucineni
Okwawo umhlaba;
'Sandla sakho sokunene
Sigcwel' ukulunga.

11 Kayithabe iZiyoni,
Lamantombazana
AkwaJuda kawathabe
Ngezigwebo zakho.

12 Hambahamba eZiyoni,
Njalo hamb' ubhode,
Ubale imiphotshongo
Yawo ekhonapho.

13 Cingisisan' im'thangala,
Libon' izigodlo,
Lize litshel' ezizayo
Izizukulwana.

14 Ngob' uThixo lo nguThixo
Wethu laphakade,
Uzasikhokhela yena
Kube sekufeni.

Isihlabelelo 49

1 Yizwanini lokhu, lonke
Bantu, lalelani
Lonke lin' abakhileyo
Emhlabeni wonke.

2 Lani-ke bantukazana,
Lani-ke zikhulu,
Lezinothi labayanga,
Lonke kanye kanye.

3 Ngomlomo ngizakhuluma
Ukuhlakanipha,
Uzindlo lwenhliziyo yam'
Ngolok'qedisisa.

4 Ngizabek' indlebe yami
Kumizekeliso,
Ngizavula amalibho
Ami echachweni.

5 Ngakho ngizakwesabani
Ngensuku zobubi,
Laph' izono zezitha zam'
Sezingihanqile?

6 Bon' abathemba inotho
Lay' imfuyo yabo,
Bezibula ngobunengi
Bay' inotho yabo,

7 Akukho loyedwa wabo
Ongenza ukuthi
Ahlenge yen' umfowabo,
Kumbe anikele

KuNkulunkulu wona-ke
Umnikelo waso
Isikhululo esakhe
Yena umfowabo.

8 Ngob' uhlengo lomphefum'lo
Wabo luligugu,
Futhi lungeme phakade
Ngokungapheliyo.

9 Ngoba kufanel' aphile
Njal' ephakadeni,
Ukuze angakuboni
Yena ukubola.

10 Ngoba uyabon' abantu
'Bahlakaniphile
Besifa, ngokunjalo-ke
Lazo izithutha,

Njalo-ke laye umuntu
Osiphukuphuku;
Batshiya kubo abanye
Eyabo inotho.

11 Umkhumbulo wabo bona
Owangaphakathi
Uth': Izindlu zabo ziza-
hlala kokuphela,

Lemizi yabo yohlala
Kub' ephakadeni;
Babiz' imihlabu yabo
Ngamabizo abo.

12 Loba umunt' edumile,
Kalakh' ukuhlala
Yena, njalo uyabhubha
Njengenyamazana.

13 Le indlela yibuthutha
Bazo iziwula,
'Nzalo yabo isekela
Khon' ukutsho kwabo.

14 Njengezimvu belaliswe
Engcwaben, njalo
Ukufa kuzakubadla.
Kanti abaqotho

Ekuseni bobabusa;
Ubuhle babo bo
Buphelela engcwaben
Endaweni yabo.

15 INkosi izakuhlenga
Umphefum'lo wami
Emandlen' alo ingcwaba;
Uzangemukela.

16 Un gesabi wena uba
Omunye enotha,
Laph' udumo lwendlu yakhe
Lusengezelelwa.

17 Ngoba lapho yen' esifa
Kakuthwala lutho,
Olwakhe udumo kalu-
soze lwehla laye.

18 Lanxa lapho esaphila
Wathi yena wawu-
busisa umphefumulo
Lowo-ke owakhe.

Bona bazakudumisa
Nxa wena usenza
Khona okulungileyo
Ukwenza kuwe bo.

19 Woy' esizukulwaneni
Esabo oyise,
Abasoze bakubone
Khona ukukhanya.

20 Umuntu odumileyo
Engaqedisisi
Unjengezinyamazana
Zon' ezibhubhayo.

Isihlabelelo 50

1 UNkulunkul' olamandla,
Yena-ke iNkosi,
Yena usekhulumile;
Ubizil' umhlaba

Kusukel' ekuphumeni
Kwalo lon' ilanga
Kusiya kukh' ukutshona,
Ukutshona kwalo.

2 Kuphuma khon' eZiyoni,
Okupheleleyo,
Ebuhlen' uNkulunkulu
Usekhanyile nje.

3 UThixo weth' uzakuza,
Akayikuthula,
Koba lomlilo odlayo
Khona phambi kwakho.

Zona iziphepho lezo
Ezinkulukazi
Zizakuba khona kuye
Emacelen' wonke.

4 Uzabiza amazulu
Ephezulu kwawo,
Lezwen', ukuze agwebe
Abantu bakhe bo.

5 Abacolekileyo bam'
Babuthele kimi,
Labo abavumelene
Lami ngomhlatshelo.

6 Amazul' otshumayela
Ukulunga kwakhe,
Ngokuba uNkulunkulu
Unguye umgwebi.

7 Zwanini bo, bantu bami,
Ngizakukhuluma,
Ngofakaza ngo'Srayeli:
NgiyiNkosi yakho.

8 Angiyikusola wena
Ngem'hlatshelo yakho,
Letshiswayo ebilokhu
Ikho phambi kwami.

9 Angiyikuthath' inkabi
Esemzini wakho,
Lempongo esibayeni
Esingesakho nje.

10 Ngob' inyamazana zonke
Zomango ngezami,
Lenkomo ezintabeni
'Ziyinkulungwane.

11 Ngiyazazi zonk' inyon
Zasezintabeni,
Lezilo zona zomango
Zona zingezami.

12 Angiyikukutshela bo
Loba ngilambile,
Ngoba umhlaba ngowami,
Lokugcwala kwawo.

13 Inyama yazo inkunzi
Ngizakuyidla na?
Lalo igazi lembuzi
Ngizalinatha na?

14 Nikela izibongo-ke
ENkosini yakho,
Lazo izifungo zakho
Kuy' oPhezukonke.

15 Ungibize ngal' usuku
Olwenhlupheko nje,
Ngizakukhulula mina,
Uzakungibonga.

16 Kodwa kwabakhohlakele
INKosi ithi nje:
Kuyini ongakwenzayo
'Kufakaz' umlayo,

Kumbe ngabe uyathatha
Isivumelwano
Sami khona-ke kuwona
Umlomo wakho bo?

17 Ngoba uzond' imfundiso,
Ulahl' amazw' ami,
Uwalahlela ngasem'va,
Uwafulathela.

18 Lapho ubona isela
Usulivumela,
Uhlanganyela lazo-ke
Zona izifebe.

19 Uyanikela umlomo
Wakho ebubini,
Lolimi lwakho luyenza
Yon' inkohlakalo.

20 Uhlezi ehleba yena
Umfowenu mpela,
Ugcona yon' indodana
Yakhe unyoko bo.

21 Lezizinto uzenzile,
Ngaba ngothulayo,
Wakhumbul' ukuthi mina
Nginjengawe kanye.

Kodwa ngizakukukhuza,
Ngithatha konke bo,
Ngikubeke phambi kwawo
Won' amehlo akho.

22 Nakanani lokhu lina
Elikhohlw' uMlimu,
Hlezi ngilichithe, kunga-
bikho umkhululi.

23 Onikela izibongo
Uyangidumisa,
Njalo kuyena-ke lowo
Oqondisa yona

Ingxoxo eqondileyo,
Sengizakuthi-ke
Ngibonise usindiso
LukaNkulunkulu.

Isihlabelelo 51

1 Yiba lesihawu kimi,
O Nkosi, ngenxa yo-
musa wakho olothando
Olukhulukazi.

Ngokwanda okwesihawu
Sakho esesisa
Uzesule zonke zona
'Ziphambeko zami.

2 Nginezisise-ke mina
Eziphambekweni
Zami, unghlanze mina
Ezonweni zami.

3 Ngoba ngiyazivuma bo
Iziphambeko zam',
Lesono sami sikhona
Njalo phambi kwami.

4 Kuwe wedwa, kuwe wedwa
Ngonile kakhulu,
Phambi kwaw' amehlo akho
Ngenze lob' ububi.

Ukuze uqonde wena
Lapho ukhuluma,
Uhlanzekе lapho wena
Ususahlulela.

5 Bheka, mina ngabunjelwa
Eziphambukweni,
Umama wangimithela
Kusona isono.

6 Bheka, ufun' iqiniso
Khona ngaphakathi,
Kuz' indaw' ezingasese
'Ngazis' 'nhlakanipho.

7 Nginezise ngehisophe
Ngohlambululeka,
Ngigeze ngibe mhlophe nke
Ngaphezu kweliqwa.

8 Ngizwis' injabulo layo
Intokoz', ukuze
Amathamb' owephulile
Wona-ke athabe.

9 Fihl' ubuso bakh' ukuze
Izono zami bo,
Uzesule zonke zona
Iziphambeko zam'.

10 Dala kimi inhliziyo,
Nkosi, ehlanziwe,
Uvuselele umoya
Oqinisileyo.

11 Kawungangilahli kubo
Ubukhona bakho,
Njalo ungasus' uMoya
Wakh' oNgcwele kimi.

12 Ngibuyisel' intokozo
Zosindiso lwakho,
Ungibambe ngomoya o-
khululekileyo.

13 Ngizafundisa izoni
Izindlela zakho,
Njalo izoni zobuya
Seziphendukile.

14 Ngihlenge kulo icala
Legazi, o Nkosi,
Nkosi yalo usindiso
Lona-ke olwami.

Ngakho olwami ulimi
Luzahlabelela
Kakhulukazi okwakho
Khona ukulunga.

15 O Nkosi, vula indebe
Ezomlomo wami,
Ukuze ngikudumise
Ngezibongo zakho.

16 Kawuthandi umnikelo,
Ngabe ngiyakupha,
Kaw'thokozi ngem'nikelo
Yona etshiswayo.

17 Iminikelo yeNkosi
Ngumoy' ophukile,
Inhliziyw' edabukile
Aw'yukuyidela.

18 Yenz' okuhle ngom'sa wakho
Khona eZiyoni,
Uyakhe bo imiduli
YeJerusalema.

19 Khona-ke uzathokoza
Ngayo im'nikelo
Yokulunga, etshisiwe
Im'nikelo yonke,

Ngem'nikelo yokutshiswa.
Bazazinikela
Izinkabi kumalathi
Akho phezu kwawo.

Isihlabelelo 52

1 Ngani uzikhukhumeza
Ngobubi, siqhwaga?
Ukulunga kwayw' iNkosi
Kumi njalo njalo.

2 Ulimi lwakho luceba
Ububi, lusenza
Inkohliso, okwensingo
Yona ebukhali.

3 Wena uthanda ububi
Kulakho okuhle,
Lokuqamba amanga ku-
lokulungileyo.

4 Uthanda wonke amazwi
Wona achithayo,
O, wena-ke limindini,
Ogcwel' inkohliso.

5 'Nkulunkul' uzakuchitha
Ngokungapheliyo,
Uzakukususa wena,
Njalo akukhuphe

Ngaphandle kwayo indawo
Yon' eyokuhlala,
Akuquphune ezweni
Labaphilileyo.

6 Abalungileyo labo
Bazakukubona,
Njalo bazakukwesaba,
Bazakumhleka bo.

7 Khangela lo nguy' umuntu
Ongazanga enze
UNkulunkulu-ke abe
Ngamandla awakhe.

Kodwa uthembele kubo
 'Bunengi benotho,
 Eziqinisa-ke kubo
 Ububi obakhe.

8 Endlin' yeNkosi ngifana
 Lomhlwath' oluahlaza,
 Ngithemb' is'hawu seNkosi
 Kub' ephakadeni.

9 Ngokubonga njalo njalo,
 Ngoba ukwenzile,
 Ngizalindel' 'bizo lakho;
 Lihle kwabangcwele.

Isihlabelelo 53

1 Isithutha sesitshilo
 Enhliz'yweni yaso
 Ukuthi akakho yena
 UNkulunkulu bo.

Bonakele bona bonke,
 Benze okubi nje,
 Njalo akakho loyedwa
 Owenz' ukulunga.

2 INkosi isezulwini
 Yakhangela phansi
 Ebantwaneni babantu
 Ukubon' ukuthi

Ngabe bakhona yini na
 Labo bona aba-
 qedisayo njalo-ke
 Bedinga iNkosi.

3 Bonke bahlehlel' emuva,
 Bangcolile bonke,
 Owenz' okulungileyo
 Akakho loyedwa.

4 Kanti abenza okubi
 Abalalwazi na?
 Badl' abantu bami njenge-
 sinkw', abathandazi.

5 Lapho besaba kakhulu
 Kungekh' ukwesaba,
 'Nkosi 'hlakaz' amathambo
 Abamhanqayo nje.

Wabathela izinhloni
 Wena, ngokubana
 UNkulunkulu usehle
 Wabadelela nje.

6 Angathi ukusindiswa
 KukaIsrayeli
 Bekungavelela khona
 Kuyo iZiyoni!

Lapho iNkosi iletha
 Abathunjwa bayo,
 Uzathaba uJakobe,
 Ajabul' 'Srayeli.

Isihlabelelo 54

1 Ngisindise, wena Nkosi,
 Ngalw' ibizo lakho,
 Ungahlulele-ke mina
 Ngaw' amandla akho.

2 Zwana umthandazo wami,
 O Nkosi, ubeke
 Indlebe yakho kuwona
 'Mazw' omlomo wami.

3 Bangivukel' abemzini
 Lababandezeli,
 Bading' umpedum'lo wami,
 Bengesab' iNkosi.

4 Khangela uNkulunkulu
Ungumsizi wami,
'Nkos' ilabo abalonda
Umphefum'lo wami.

5 Uzabuyisel' ububi
Ezitheni zami,
Baqume baphele kulo
Iqiniso lakho.

6 Ngizanikela ngesihle
Umhlatshelo kuwe,
Ngodumis' ibizo lakho,
Nkosi, ngoba lihle.

7 Ungikhulule kuhlupho
Lonke, lalw' ilihlo
Lami libon' isifiso
Sam' ezitheni zam'.

Isihlabelelo 55

1 Mlimu, akubek' indlebe
Kumthandazo wami,
Ungacatshi, Mlimu wami,
Ekuceleni kwam'.

2 Lalela ungizwe mina,
Ngiyakhala mina,
Ngisebuhlungwini futhi
Ngingobubulayo.

3 Ngenxa yelizwi lesitha
Lohlupho lwababi,
Baletha ububi kimi,
Ngolaka beng'zonda.

4 Inhliziyu yam' 'buHLungu
Ngaphakathi kwami,
Izesabiso zokufa
Ziwele phez' kwami.

5 Ukwesaba lokuqhuqha
Sekwehlele kimi,
Njalo lokuthuthumela
Kungigubuzele.

6 Ngath': Aluba ngilempiko
Njengalo ijuba
Ngabe ngiyaphapha ngiye
Ekuphumuleni.

7 Khangela ngizakuzula,
Ngibe khatshana le,
Ngihlale khonale mina,
Khonale enhlane.

8 Ngizaphangisia khona
Ukuphunyuka kwam'
Ngicatshele isiphepho
Lesivunguzane.

9 Chitha, Nkosi, phambanisa
Izindimi zabo,
Ngoba ngibon' ingxabano
Phakathi komuzi.

10 Emini lasebusuku
Bawuzungezile,
Lokuganga lal' usizi
Luphakathi kwavo.

11 Lenkohlakalo ikhona,
Layo inkohliso
Lobuqili kabasuki
Emigwaqwen' yawo.

12 Ngoba ayisisw' isitha
Esing'thel' ihlazo,
Ngabe yis' isitha sami
Bengizakuthwala.

Kungesuy' umzondi wami
Oz'phakamisayo
Phezu kwami, ngabe ngazi-
fihla mina kuye.

13 Kodwa bekunguw', umuntu
Olingana lami,
Ongowami umqondisi,
Lengimjayeleyo.

14 Sacebisana kwamnandi,
Sihlezi ndawonye,
Sahamba saya endlini
YeNkosi ndawonye.

15 Kakubambe phezu kwabo
Ukufa sibili,
Kabaphoselwe-ke phansi
Baphang' isihogo.

Ngokuba ububi babo
Bukuzo indawo
Abahlala kuzo bona
Lakho kibo bonke.

16 Mina-ke ngizakumbiza
Yen' uNkulunkulu,
Njalo-ke iNkosi yona
Izangisindisa.

17 Ntambama lasekuseni
Lakuyo imini
Ngizakhala ngikhuleke,
Wozwa izwi lami.

18 Ukhulul' umphefum'lo wam'
Ngokuthula kiyo
Impi elwa lami, ngoba
Babebanengi bo.

19 UNkulunkul' uzakuzwa
Abahluphe bona,
Ngitsho labo abahlala
Khona ngasendulo.

Ngokuba abaphenduki
Kukho okwabo nje,
Ngakho-ke bona bonke bo
Abesab' iNkosi.

20 Ngezandla zakhe uyalwa
Labazwana laye,
Njalo wephula esakhe
Isivumelwano.

21 Amazwi omlomo wakhe
Ayebutshelezi
Okwedlula amagcobo
Won' abutshelezi.

Kodwa imfazo yayise-
nhliziyweni yakhe,
Amazwi akh' ayemnandi,
Kanti angumhedla.

22 Phos' umthwal' wakh'
eNkosini,
Izakukugcina,
Aiyikumuvumela
'Lungiley' asuswe.

23 Kodwa wena, Nkulunkulu,
Wobaletha phansi
Kumgodi wencithakalo.
abantu begazi,
abantu bayw' inkohliso,
abayikuphila
ingxenye yensuku zabo;
Kant' ngothemba kuwe.

Isihlabelelo 56

1 Ngihawukele Jehova,
Bengiginy' abantu,
Bangilwisa nsuku zonke,
Bengibandezela.

2 Izitha zami zifuna
'Kunginya, ngoba
Banengi abalwa lami,
Wen' oPhezukonke.

3 Esikhathini leso nga-
ngisesaba ngasso
Mina ngizakuthembela
Khona ngakuwena.

4 ENkosini ngodumisa
Ilizwi lakho bo,
KuNkulunkulu ngibeke
Ithemba elami.

Mina angisoze ngibe
Ngisesaba lokho
Inyama engakwenza bo
Khona phezu kwami.

5 Nsuku zonke bayatshila
Won' amazwi ami,
Im'khumbulo yabo yonke
Ilwa lam' ngobubi.

6 Bahlangana-ke ndawonye,
Njalo bazifihla,
Baqaphel' inyawo zami,
Belind' umphefum'lo.

7 Bangaphunyuka ngobubi?
Kuyw' inzondo yakho
Lahlela phansi abantu,
Wena Nkulunkulu.

8 Ubale ukuzula kwam',
Thela inyembezi
Zami kumbodlela yakho;
Azikhw' encwadini?

9 Uba ngikhala kuwena
Zohlehla izitha;
Lokhu ngiyakwazi ngoba
INKosi ilami.

10 KuThixo ngizadumisa
Ilizwi lakhe nje,
Ngizadumisa ilizwi
Kuye uJehova.

11 KuNkulunkulu ngibeke
Ithemba elami,
Angiyikwesaba anga-
kwenz' umuntu kimi.

12 Izifungo zakho zimi
Phezu kwami, Nkosi,
Ngizanikela ngakuwe
Izibongo zakho.

13 Uwukhulul' umphefum'lo
Wami ekufeni,
Ubungekhulul' inyawo
Zami ekuweni.

Ukuze mina ngihambe
Phambili kweNkosi,
Phakathi kwakh' ukukhanya
Kwab' abaphilayo.

Isihlabelelo 57

1 Ngihawukele, Nkosi bo,
Ye, ngihawukele,
Ngoba umphefum'lo wami
Uthembela kuwe.

Yebo ethunzini lawo
 Amaphiko akho
 Ngocatsha kuze kwedlule
 Lezizinhlupheko.

2 Ngizakukhala kuThixo
 Yen' oPhezukonke,
 KuThix' ongiphelelisel'
 Icebo lakhe bo.

3 Esezulwin' uzathuma,
 Asindise mina,
 Ayangise bona labo
 Abazangiginya.

UNkulunkulu athume
 Uthando olwakhe,
 Lon' olungaqamukiyo,
 Lobuqotho bakhe.

4 Uphakathi kwezilwane
 Umphefum'lo wami,
 Ngihlezi khona lapho ngi-
 phakathi komlilo.

Won' amadodan' abantu,
 Amazinyo awo
 Yimikhonto lemitshoko,
 Ulimi ngumhedla.

5 Phakama, Nkosi, ngaphezu
 Kwawo amazulu;
 Ubukhosи bakho bube
 Phezu kwaw' umhlaba.

6 Bathiye izinyathelo
 Zami, umphefum'lo
 Usukhothamele phansi;
 Bang'gebhel' umgodi,

Kodwa bona sebewele
 Phakathi komgodi
 Abawugebhileyo-ke,
 Batshona kuwona.

7 Nkosi inhliziyo yami
 Iqinisiwe nko,
 Ngizakuhlabelela bo,
 Njalo ngikubonge.

8 Vuka wena, dumo lwami
 Vuka, wena hubo,
 Lawe chacho, ngizavuka
 Ekusen' kakhulu.

9 Ngizakubonga, o Nkosi,
 Phakathi kwabantu,
 Ngizahlabelela kuwe
 Phakathi kwezizwe.

10 Ngoba isihawu sakho
 Sikhulu, sifika
 Ezulwin', leqinis' lakho
 Lifik' emafini.

11 Phakama, o wena Nkosi,
 Phezu kwamazulu,
 Lona olwakho udumo
 Phezu kwezwe lonke.

Isihlabelelo 58

1 Likhulumа ukulunga,
 Kambe yini bandla?
 Ligweba ngokuqonda na,
 Madodan' abantu?

2 Ye lina enhliziyweni
 Lenz' inkohlakalo,
 Laba umsindo wezandla
 Zenu emhlabeni.

3 Ababi balahlekile
Kwasesizalweni,
Balahleka besazalwa,
Bekhulum' amanga.

4 Ubuhlungu babo bunje-
ngobayo inyoka,
Abezwa njengebululu
Elival' indlebe.

5 Ukuze bangaze bezwa
'Lizwi labalumbi,
Bavumisa ngay' indlela
Ehlakaniphile.

6 Nkosi, yephul' amazinyo
Abo emlonyeni,
Nkosi, yephul' amazinyo
Ezilwan' ezintsha.

7 Kabathi bancibilike
Njengawo amanzi
Ageleza kokuphela.
Nxa egobisayo

Wona owakhe umtshoko
Ukuz' adubule,
Kababe ngabaqunyiwe
Iziq' ezinengi.

8 Njengomnenk' uncibilika,
Bonke kabedlule,
Bangaliboni ilanga
Samphunzo womfazi.

9 Phambi kokuthi imbiza
Zenu zizw' ameva,
Wobasusa sasiphepho
Ngolaka, bephila.

10 Oqotho uzathokoza,
'Bon' impindiselo,
Wogeza inyawo zakhe
Kugazi lababi.

11 Indoda yothi: Impela
Ukhona umvuzo
Wezilungi; uyiNkosi
Egweba umhlaba.

Isihlabelelo 59

1 Ngihleng' ezitheni zami,
Hawu Nkosi yami,
Ngivikele kulabo-ke
'Bangivukelayo.

2 Ngikhulule kubo aba-
sebenzi bobubi,
Njalo ngisindise mina
Kabantu begazi.

3 Khangela, bemi balinde
Umphefum'lo wami,
Iziqhwaga zibuthene
Zimelene lami.

Akungenxa yazo zona
Iziphambeko zam',
Kumbe ngenxa yezami-ke
Izono, o Nkosi.

4 Bayagijima bahlome
Ngingelacala bo;
Akuvuke ungisize
Njalo ukhangele.

5 Ngakho Nkulunkulu, Nkosi
Wawo amabandla,
INkosi kaIsrayeli,
Vuka uhambele

Bonke abezizwe bona,
Ungahawukeli
Laziph' izikhohlakali
Eziphambekayo.

6 Babuya kusihlwa benze
Won' umkhulungwane,
Njengenja-ke bawubhode
Wona umuzi bo.

7 Bheka babbodla ngomlomo,
Umhedl' endebeni
Zabo, ngoba ngubani na,
Bathi, ozwayo na?

8 Ngoba wena Nkosi uza-
kubahleka bona,
Uzakuzidelela nje
Zona zonk' izizwe.

9 Ngenxa yaw' amandla akhe
Ngizalinda kuwe,
Ngokuba uNkulunkulu
Uyinqaba yami.

10 UThixo womusa wami
Uzangandulela,
Wongibonis' isifiso
Sami kuzitha zam'.

11 Sukubabulala, hlezi
Bakhohlw' abantu bam',
Chitha, bawise ngamandla,
Nkos', ihawu lethu.

12 Ngesono somlomo wabo
Lamazwi endebe
Babotshwe yikuzigqaja
Lenhlamba yamanga.

13 Baqede-ke olakeni,
Ubaqede mpela,
Ukuze bona baphele
Bangabi khona nje.

Ubenze bazi ukuthi
INkosi ibusa
KuJakobe lakuzo nje
'Ziphelo zomhlabo.

14 Kababuyele kusihlwa,
Bayekele benze
Umsindo njengayo injo,
Babhode umuzi.

15 Bayekele-ke bazule
Baqondelle lale,
Beding' ukudla, bazonde
Nxa bengasuthanga.

16 Kodwa ngohlabel' amandla
Akho, ye, ngizaku-
hlabela kakbul' ngomusa
Wakho ekuseni.

Ngokuba wena unguye
Owam' umvikeli,
Lendawo yam' yokucatsha,
Ngosuku lohlupho.

17 Kuwe-ke, mandla awami,
Ngizahlabelela,
Ngoba iNkos' ilihawu
Lesihawu sami.

Isihlabelelo 60

1 Nkosi, ususilahlile,
Wasichithachitha,
Kade usucunuliwe,
Buya kithi futhi.

2 Uqhaqhazelis' umhlaba,
Wawephula wona,
Siza ubhidliko lwawo,
Ngoba uyaqhuqha.

3 Utshengisile abantu
Bakho okunzima,
Iwayin' elesimanga
Usinathisile.

4 Ubanik' isiboniso
Abakwesabayo,
Ukuze siphakanyiswe
Ngenxa yeqiniso.

5 Ukuze abathandwayo
Bakho bakhululwe,
Sindisa ngesandla sakho
Sokunene, ngizwa.

6 Ikhulumile iNkosi
Isebungcweleni,
Ngokuthaba ngizalaba
Lona iShekemu.

7 Ngolinganis' isigodi
EsaseSukothi,
IGiladi ingeyami,
Laye uManase.

UEfremu ungamandla
Awekhanda lami,
UJuda laye ngakimi
Ungumnikimthetho.

8 IMowabi ingumganu
Wokugezela m'na,
Ngolah'l inyathela lami
Phezu kweEdoma;

9 Nginqoba-ke Filistiya.
Nguban' ozangisa
Kumuzi oqinileyo?
Ngisiw' eEdoma?

10 Kungebe nguwe Nkosi na
Obusilahlile?
Obengasahambi lawo
Amabutho ethu?

11 Siphe-ke wena uncedo
Ekuhluphekeni,
Ngoba olomuntu lona
Uncedo luyize.

12 NgoNkulunkulu sonqoba,
Ngoba kunguyena
Ozazigxobela phansi
Ezethu izitha.

Isihlabelelo 61

1 Zwana isililo, Nkosi,
Lomthandazo wami.
Ekucineni komhlaba
Ngokhalela kuwe

2 Lapho inhliziyo yami
Isiphel' amandla,
Ngiholele edwaleni
Elide kulami.

3 Ngoba kade uyinqaba
Yami, futhi wena
Ungumthangala wamandla
Ngakuso isitha.

4 Ngizahlal' endlini yakho
Ngokungapheliyo,
Ngizathemba ingubudo
Yamaphiko akho.

5 Ngoba Nkosi, wen' uzwile
Izifungo zami,
Unginik' ifa labesab'
Ibizo elakho.

6 Uzakwandisa impilo
Eyayo inkosi
Ibe m'nengi, leminyaka
Okwezizukulwan'.

7 Yohlala phakade phambi
KweNkosi. Lungisa
Umusa lalw' iqiniso
Okungayilonda.

8 Ngakho ngizahlabelela
Kulw' ibizo lakho,
Ngenze izifungo zami
Ngezinsuku zonke.

Isihlabelelo 62

1 Mpela ulindel' iNkosi
Umphefum'lo wami,
Luvela kuyo olwami
Lona usindiso.

2 Yona yodwa ilidwala
Losindiso lwami,
Angiyikunyikinyeka,
Iyinqaba yami.

3 Koba nini linakana
Okubi ngomuntu?
Lofohlozwa njengomduli
Lothang' oluwayo.

4 Baceba ukumethula
Engqongeni yakhe,
Bajabula emangeni
Emangeni wona.

Bayabusisa ngomlomo
Wabo okwempela,
Kodwa ngaphakathi kwabo
Bethuka kakhulu.

5 Mphefum'lo wami, lindela
'Nkosini kuphela,
Ngokuba ithemba lami
Livela ngakuyo.

6 Yona yodwa ilidwala
Losindiso lwami.
Angiyikunyikinyeka,
Iyinqaba yami.

7 KuNkosi kulosindiso
Lodumo olwami,
'Dwala lenqaba yamandla
Ami akuThixo.

8 Themban' kuye kokuphela
Bantu, lizithele
Inhliziyo kuyw' iNkosi,
Eyinqaba yethu.

9 Mpela abantukazana
Bona bayilize,
Labo abayizikhulu
Bangamangana nje.

Uma befakwa phezulu
Khon' esikalini,
Balula okwedlulayo
Ize lalo ize.

10 Ungathemb' imbandezelo
Ungabi lisela,
Nxa inotho isisanda
Ungananzi ngayo.

11 Ukhulume kany' uThixo,
Ngikuzwe kibili
Lokhu, ukuthi amandla
NgakaNkulunkulu.

12 Njalo ngakuwe bo, Nkosi,
Kukhon' isihawu,
Ngoba uyamnik' umuntu
Ngomsebenzi wakhe.

Isihlabelelo 63

1 Nkosi, wen' uyiNkosi yam',
Ngizakukudinga
Masiny', umphefum'lo wami
Uwomele wena.

Inyama yam' ikhanuka
Wena enkangala
Elizwen' elomileyo,
Kungekho lamanzi.

2 Ukubon' amandla akho,
Lodumo olwakho,
Njengoba ngikubonile
Endawen' engcwele.

3 Ngoba uthando olwakho
Lungcono kulayo
Impilo, indebe zami
Zizakudumisa.

4 Ngakho ngizakubusisa
Wena ngisaphila,
Ngizaphakamis' isandla
Kulw' ibizo lakho.

5 'Mphefum'lo wam' uzasutha
'Mkantsho lamanono,
Umlomo wam' udumise
Ngendeb' zenjabulo.

6 Nxa ngikukhumbula wena
Embhedeni wami,
Nginakana ngawe kuwo
'M'lindo yobusuku.

7 Ngoba ungumncedi wami,
Ngakho emthunzini
Wawo amaphiko akho
Ngizathokoza bo.

8 Owami umphefumulo
Ukuxhume wena,
'Sandla sakho sokunene
Sesingibambile.

9 Abading' umphefum'lo wam'
Ukuwudiliza
Bazatshona phansi bona
Khon' emhlabathini.

10 Bazakuwa ngawo wona
Umhedla owakho,
Bazakuba yisabelo
Sawo amakhanka.

11 Kodwa inkosi iyaku-
thokoza ngoMlimu,
Bonke abafunga yena
Bazakujabula.

Kodwa yona imilomo
Eyabo bona-ke
Abakhuluma amanga
Yon' izakuvinjwa.

Isihlabelelo 64

1 Izwa izwi lami Nkosi,
Lomkhuleko wami,
Gcin' impilo yami kukho
'Kwesaba izitha.

2 Ngicatshis' ekucebeni
Kwensitha kwababi,
Ekuvukeleni kwabo
Basebenz' ububi.

3 Abalolimi olwabo
Njengawo umhedla,
Bagobis' im'tshoko yabo,
'Mazw' ab' ayababa.

4 Ukudubula ngasese
Yen' opheleleyo,
Bazamdubula masinya,
Ungaze wesaba.

5 Bazikhuthaz' ebubini,
Bakhulum' ngokwenza
Imijibila ngasese,
Bath': Ibonwa nguban'?

6 Badinga bona ububi,
Babuhlolise,
Inhliziyo lokuzindla
Kwabo kutshonile.

7 Kodwa-ke uNkulunkulu
Uzakubatshoka,
Uzakubalimaza bo
Masinyasinyane.

8 Bazakwenz' ulimi lwabo
Luwe phezu kwabo,
Bonke abababonayo
Bazakubaleka

9 Bonke bazakwesaba-ke,
Batsho umsebenzi
WeNkosi, beqedisisa
Izenzo ezayo.

10 ENkosini bazathaba
Abalungileyo,
Bathembe; abaqondile
Bazakudumisa.

Isihlabelelo 65

1 EZiyoni ulindelwe
Yikubongwa, Thixo,
Njalo kuwe isifungo
Sizakwenziwa-ke.

2 Wena okuzwayo khona
Lokh' ukukhuleka,
Ngakho kuwe izabuya
Yona yonk' inyama.

3 Ububi bami-ke bona
Bungehlule mina,
Ezethu iziphambeko
Uzakuzisusa.

4 Uyabusisw' omkhethayo
Wena, omsondeza
Ukuze yena ahlale
Emagumen' akho.

Sizakusutha ngokuhle,
Ngokulunga kwayo
Indlu yakho, lethempeli
Lakho elingcwele.

5 Ngezint' ezesabekayo
Ngakho ukulunga
Uzasiphendula, Nkosi
Yosindiso lwethu.

Wena ulithemba layo
Yonk' imikhawulo
Yomhlaba labakhatshana
Khonale olwandle.

6 Okuthi ngamandla ayo
Ezimise ngawo
Izintaba, ivunule
Wona amandla nje.

7 Othulis' uxokozelo
Lwezinlwandle layo
Eyawo amavinqw' azo
Lomsindo wabantu.

8 Labo abahlezi khona
Emikhawulweni
Yomhlaba bayesaba nje
'Ziboniso zakho.

Uyakwenza kuthokoze
Ukuphuma kwakho
Ukusa lakho ukuhlwa
Khona kuthokoze.

9 Uyethekela umhlabo,
Njal' uwunethise,
Uwuvundise kakhulu
Ngomfula weNkosi

Wona ogcwele amanzi.
Ubalungisele
Amabele nxo wena-ke
Uwalungisela.

10 Uyanethisa kakhulu
Imisele yawo
Ulungise khona lapho
Imigelo yawo.

Wena uyawuthambisa
Ngayo imikhizo
Ubusisa ukumila
Lokho okulapho.

11 Wethes' umnyaka ngomqhele
Ngokulunga kwakho,
Njalo izindlela zakho
Zithont' amagcobo.

12 Athontel' emadlelwani
Ayo inkangala,
Athokoze amaqaqa
Kumacele wonke.

13 Isemadlelwani im'hlambi
Zigcwel' izihotsha
Amabele, zithokoza
Njalo zihlabele.

Isihlabelelo 66

1 Yenzanini umsindo bo
Ojabulisayo,
Liwenze kuNkulunkulu,
Lina mazwe lonke.

2 Hlabelani inhlonipho
Yelakhe ibizo,
Lenze izibongo zakhe
Zibe lal' udumo.

3 Tshonini kw'iNkosi lithi:
Im'sebenzi yakho
Iyesabeka kangaka!
Ngabo ubukhulu

Bamandla wona awakho
'Zitha zakho zonke
Zizazehlisela zona
Ngaphambili kwakho.

4 Wokukhonza wonk' umhlabo,
Uhlabele kuwe,
Bonke bazakuhlabela
Elakho ibizo.

5 Wozanini lizebona
Izenzo zeNkosi,
Iyesabek' ekwenzeni
Kubantwan' babantu.

6 Yaluphendula ulwandle
Lwaba ngumhlabathi,
Bachaph' umfula ngenyawo,
Laph' sathokoz' kuye.

7 Uyabusa ngamndl' akhe
Kub' ephakadeni,
Ubona zonke izizwe,
Kabaw' 'bavukeli.

8 Bongani iNkosi yethu,
Lina-ke abantu,
Zwakalisani ilizwi
Lolwayo udumo.

9 Igcina umphemfumulo
Wethu empilweni,
Ingavumeli inyawo
Zethu zitshelele.

10 Ngoba wena, Nkulunkulu,
Ususihlolile,
Wasilinga njengesil'va,
Yon' elingiweyo.

11 Usilethile thina-ke
Kulo imbule nje,
Wabeka zon' inhlupheko
Kuzinkalo zethu.

12 Uwenzile amadoda
Agad' emakhanda,
Sadabula emlilweni
Lakuwo amanzi.

Kodwa wen' usikhophile,
Wasiletha khona
Endaweni yona leyo
Engevundileyo.

13 Ngizakuy' endlini yakho
Lawo umnikelo
Wokutshiswa, ngibhadale
'Zifungo zam' kuwe.

14 Ezikhulunywe zindebe
Zona-ke ezami,
Okukhulunywe ngumlomo
'Kuhluphekeni kwam'.

15 Ngokunikel' im'hlatshele
Yezinonileyo
Lamafutha ezinqama
Lenkomo lembuzi.

16 Yizanini, lizwe lonke,
'Besab' uNkulunkul',
Ngizalandia akwenzele
Umphefum'lo wami.

17 Ngakhala kuye mina-ke
Ngomlomo owami,
Njalo wakhuliswa ngalo
Ulimi olwami.

18 Aluba nginanzelala
Khon' ukonakala
Enhliz'ywen' yami, iNkosi
Ngab' ingangizwanga.

19 Qoth', iNkosi ingizwile,
Ilalele kimi
Kulo ilizwi eloku-
khuleka okwami.

20 Ibusisiwe iNkosi
Engaphuthisanga
Ukukhuleka okwami,
Lom'sa wayo kimi.

S.M. Isihlabelelo 67

1 'Thixo kabe lom'sa,
Makasibusise,
Makakhanyise ubuso
Bakhe kithi sonke.

2 'Kuz' indlela yakho
Yaziw' emhlabeni,
Khon' ukusindisa kwakho
Ezizweni zonke.

3 Abakubonge-ke
Abantu, Nkosi bo,
Akuthi bonke abantu
Bakubonge wena.

4 Kazithab' izizwe
Zonke, zihlabele
Ngenjabulo, zidumise
Kuwe njalo njalo.

Ngoba uzagweba
Abantu ngendlela
Elungileyo, wobusa
Izizwe zomhlaba.

5 Abakubonge-ke
Abantu, Nkosi bo,
Akuthi bonke abantu
Bakubonge wena.

6 Kuzakuth' umhlaba
Uleth' izithelo;
UThixo uThixo wethu
Uzasibusisa.

7 Izasibusisa
INkosi, kuzathi
Yonke imikhawulo bo
Yomhlab' iyesabe.

Isihlabelelo 68

1 Kavuke uNkulunkulu,
Kuchithwe izitha,
Lalabo abamzondayo
Abambalekele.

2 Njengentuthu ephetshethwe
Bamukise wena,
Njengengcin' incibilika
Phambili komlilo.

3 Ababi kababhubhe bo
Phambi kway' iNkosi.
Kodwa abalungileyo
Babe lentokozo.

Kabajabule-ke phambi
KukaNkulunkulu
Yebo, kabathokoze-ke,
Ye kakhulukazi.

4 Hlabelela kuJehova
Izibongo zakhe,
Lidumis' ibizo lakhe
Lidumise yena.

Yen' okhwel' emazulwini
Ngebizo lakh' uJah,
Njalo lithabe impela
Khona phambi kwakhe.

5 Uyise wezintandane
Ngumahluleli bo
Wabafelwakaz', iNkosi
Kundlu yay' engcwele.

6 UNkulunkul' uhlalisa

Ababodwa ngazo

Izindlu ngezindlu. Njalo

Abakhuphe labo

Ababotshwe ngawo wona

Amaketane bo,

Kodwa abavukelayo

Bahlal' enkangala.

7 Nkulunkul' usukhokhela

Abakhoabantu,

Ubahola udabula

Lezozinkangala.

8 Umhlaba wanyikinyeka,

Awa amazulu

Khona-ke phambili kwakhe,

Yen' uNkulunkulu.

Ngitsho layo iSinayi

Yanyikinyeka bo

Phambi kukaNkulunkulu,

'Thixo ka'Srayeli.

9 Nkosi, wanisa kakhulu

Ngalo, wal'qinisa

Ilifa elakho, lapho

Selidiniwe-ke.

10 Ibandla lakho lihlezi

Khonapho, o Nkosi,

Ulungisel' abayanga

Ngobakho ubuhle.

11 INkosi yanika izwi:

Ixuku lona-ke

Elakubikayo khona

Lalil'khulukazi.

12 Amakhosi empi yona

Abaleka wonke,

Lomfaz' owasal' ekhaya

Wabelwa impango

13 Lanxa lilel' embizeni,

Lofana lempiko

Zamajuba esiliva,

'Nsiba zegolide.

14 Laph' uSomandla echitha

Amakhosi kukho,

Kwanjengeliqhwa eSalmon'

Elikhithikayo.

15 Intaba kaNkulunkulu

Ifana lentaba

YaseBashane ngobude,

Intab' iBashane.

16 Leqelani-ke zintaba?

UTHix' uthand' uku-

hlala khona; 'Nkos' yohlala

Khona laphakade.

17 'Nqola zikaNkulunkulu

Zizinkulungwane

Ezimatshum' amabili,

Izinkulungwane

Ezazo izingilos.

INkos' iphakathi

Kwazo njengaseSinayi

Endawen' engcwele.

18 Wenyukela phezulu-ke,

Udons' izigqili

Khona ebugqilini bo,

Wemukel' izipho

Zona ezabo abantu
 Lab' avukelayo,
 Ukuze uMlim' iNkosi
 Azehlala kibo.

19 Ibusisiwe iNkosi
 Esipha iziphо
 Insuku zonke, uMlimu
 Wosindiso lwethu.

20 Yen' uNkulunkulu wethu
 Ungowosindiso,
 KuThixw' iNkosi kuloku-
 phuma ekufeni.

21 'Nkulunkul' uzalimaza
 Ikhanda lezitha,
 Aziqothul' izinwele
 Ezaso isoni.

22 Ngabantu bayo iNkosi
 Yathi: Ngobasusa
 EBashane, laselwandle
 Ngibabuyise bo.

23 Ukuz' ucwilis' unyawo
 Lwakho egazini
 Lezitha zakho, lolimi
 Lwezinja zakh' kulo.

24 Sebebone izinhambo
 Ezakho, Jehova,
 Nkulunkulu, Nkosi yami,
 Kundawo engcwele.

25 Abaculi bakhokhela,
 'Batshayi bogubhu
 Lezintombi zazilapho,
 Zibetha ichacho.

26 Bongan' uThix' ebandleni,
 Ngitsho yon' iNkosi,
 Elivele emthonjeni
 WakwaIsrayeli.

27 Ukhona uBenjamini
 Engomuncinyane,
 Balaye umbusi wabo
 Yena okaJuda,
 Amakhosi ayelawo
 Amacebo awo,
 Amakhosana awakwa-
 Zeb'loni, Naftali.

28 'Nkosi yakho imisele
 Awakho amandla,
 Qinisa Nkosi khonokho
 Osenzele khona.

29 Ngenxa yelakhw' ithempeli
 LaseJerusalem'
 Amakhosi azaletha
 Zon' iziphо kuwe.

30 Khuza bona abemkhonto,
 Umhlambi wenkunzi,
 Lamankonyana abantu,
 Baze bona bonke
 Bazinikela bephethe
 Inhlamu zesil'va,
 Chitha bon' abantu aba-
 thokoza empini.

31 Amakhosan' azaphuma
 'Gibithe; masinya
 'Eth'yopiya yokwelula
 'Sandla say' kw'iNkosi.

32 Hlabelan' kuNkulunkulu,
Mibuso yomhlaba,
Lihlabelel' indumiso
Kuyona iNkosi.

33 Kuye okhwela phezulu
Kwawo amazulu,
Endul', athume elakhe
Ilizw' elikhulu.

34 Nikan' iNkosi amandla,
Ubukhosu bayo
Buphezu kuka'Srayeli,
Lamndl' emafini.

35 Uyesabeka, o Nkosi,
Kwezakho indawo
Ezingcwel', uNkulunkulu
Wakh' uIsrayeli

Nguye ophayo amandla
Njalo lokuqina
Ebantwini bakhe. Kayi-
busiswe iNkosi.

Isihlabelelo 69

1 Ngisindise, Nkulunkulu,
Ngokuba amanzi
Asefinyelele kuwo
Umphefum'lo wami.

2 Ngiyatshona edakeni,
Kangilakh' ukuma,
Sengingene emanzini,
Zang'minz' impophoma.

3 Ngidinwe yisililo sam',
Womil' umphimbo wam',
Amehlo ayafiphala,
Ngilind' iNkosi yam'.

4 Abangizondela ize
Banengi kulazo
Inwele zekhanda lami.
Balamandla futhi

Abangangibhubhisa m'na
Izitha zam' ngeze,
Ngakho sengibuyisele
Engingakwebanga.

5 Nkulunkulu uyabazi
Ubuthutha bami,
Azifihlekile kuwe
Ezami izono.

6 Abalinda kuwe bona
Kabangayangeki
Ngenxa yami, Nkulunkulu
Nkosi yamabandla.

Abakudingayo bona
Kabangadideki
Ngenxa yami, Nkulunkulu,
Nkosi ka'Srayeli.

7 Ngoba ngenxa yakho sengi-
thwele lon' ihlazo,
Zona izinhloni sezi-
mboz' ubuso bami.

8 Sengingowemzini kubo
Bon' abafowethu
Lowezizwe kubo aba-
ntwana bakamama.

9 Ngoba inkuthalo ngayo
Indlu engeyakho
Isithe yangidla yona
Yaze yangiqeda.

Njalo inhlamba zalabo
Abakuthukayo
Sezithe zawela khona
Phezulu kwami bo.

10 Lapho ngabe ngilila m'na,
'Mphefum'lo useku-
zileni, ukudla kwami
Ngadunyazwa ngakho.

11 Ngenza amasaka aba
Yisigqoko sami,
Ngaba yinhlekisa mina
Kibo labo bonke.

12 Abahlezi esangweni
Bakhuluma ngami,
Ngaba yiyo yon' ingoma
Yazo izidakwa.

13 Kodwa umthandazo wami
Ungakuwe, Nkosi,
Ngaso sona isikhathi
Esomusa wakho.

Nkulunkulu ngobunengi
Besakhw' isihawu,
Ngizwe, kulo iqiniso
Losindiso lwakho

14 Ngikhuphe edakeni bo,
Ngingaze ngatshona,
Ngikhutshwe kubazondi bam'
Lakwanzulw' amanzi.

15 Ngingaminzwa zimpophoma,
Ngingaginywa 'nziki,
Ngivalelwemlonyeni
Owawo umgodi.

16 Kawungizwe, Nkosi, ngoba
Uthando lwakh' luhle,
Ngobunengi besihawu
Phendukela kimi.

17 Ungaze wafulathela
Eyakho inceku,
Phangisa ungizwe mina
Ngisenhluphekweni.

18 Sondela emphefum'lweni
Wami, uwuhlenge,
Kawungikhulule ngenxa
Yezami izitha.

19 Uyalaz' ihlazo lami
Lezinhloni zami
Lodelelo, izitha zam'
Zonk' ziphambi kwakho.

20 Ihlazo seliyephule
Inhliziyo yami,
Ngicewe bon' ubunzima,
Ngaswela umsizi

Ngitsho-ke umhawukeli
Akaze abakho,
Ngifuna abaduduzi,
Ngaswela loyedwa.

21 Endaweni yakh' ukudla
Bangipha inyongo,
Sengiphakathi kokoma
Ngaphiw' iviniga.

22 'Tafula labo kalibe
Yiwo umjibila,
Okuqonde ukulunga
Akube ngumgibe.

23 Kawabe mnyam' amehl' abo
 'Kuze bangaboni,
 Zihlale zithuthumela
 Izinkalo zabo.

24 Thela olwakho ulaka
 Khona phezu kwabo,
 Babanjwe lulaka lwakho
 Lay' intukuthelo.

25 Kuchithwe indawo zabo
 Abahlala kuzo,
 Kakungabikho ohlala
 Emadumben' abo.

26 Ngokuba bayakumhlupha
 Low' otshaywe nguwe,
 Bakhuluma besengeza
 Kwab'linyazwe nguwe.

27 Yandisa ububi babo
 Phezulu kobunye,
 Bangaze bangena kukho
 Ukulunga kwakho

28 Kabesulwe encwadini
 Eyabaphilayo,
 Bangaze balotshwa kanye
 Labalungileyo.

29 Kodwa mina ngingumyanga
 Njalo ngilusizi,
 Nkosi usindiso lwakho
 Kalung'phakamise.

30 Ngizalibonga ibizo
 LikaNkulunkulu
 Ngengoma, ngiphakamise
 Ngazo izibongo.

31 Lalokho koyithabisa
 INkos' okwedlula
 Inkabi kumb' ijongosi
 Lempond' lamangqina.

32 Othobekileyo uza-
 bona lokh' athabe,
 Yophil' inhliziyo yakhe
 Odinga iNkosi.

33 Ngoba iNkosi iyezwa
 Bona abayanga,
 Njalo kayizideleli
 Izibotshwa zayo.

34 Kayibongwe ngamazulu
 Lomhlaba lolwandle,
 Lakho konke okuhamba
 Khona phakathi nje.

35 'Nkulunkul' uzakhulula
 Yona iZiyoni,
 Njalo ayakhe imizi
 Yona eyeJuda,

Ukuze bona bahlale
 Khona lapho, njalo
 Bayizuze ukuze-ke
 Kube yifa labo.

36 Inzalo yenceku zakhe
 Izakuyifuya,
 Labathand' ibizo lakhe
 Bazahlala kuyo.

S.M. Isihlabelelo 70

1 Woza uphangise,
 Ungephule, Thixo,
 Tshetsha uzengisiza bo,
 Wena oyinKosi.

2 Kababe lenhloni
Njalo badideke
Abadinga won' owami
Umuphefumulo.

Kabaphendulelwé,
Babuyel' emuva,
Badideke abafuna
Ukulimala kwam'.

3 Kababuyiselwe
'Muva, kube 'mvuzo
Wenhloni zabo abathi:
Aha! Aha! kimi.

4 Kakuthi bathabe
Njalo bajabule
Kuwe bonke labo bona
Abakufunayo.

Kabathi-ke njalo
Abaluthandayo
Lona usindiso lwakho:
Kay'phakam' iNkosi.

5 Kodwa ngingumyanga,
Mina ngiyaswela,
Phangisa ukuza kimi,
Wena Nkulunkulu.

Ungumsizi wami,
Lomkhululi wami,
Wena Nkosi, ungaphuzi,
Phangisa masinya.

Isihlabelelo 71

1 Kuwe Nkosi, ngiyabeka
Lon' ithemba lami,
Ungaze wangiyekela
Ngibe lamahloni.

2 Ngikhulule ngokulunga
Kwakh', ubusungenza
Ngiphunyuke, bek' indlebe
Kim' ungisindise.

3 Yiba yindaw' eqinile
Yami yokuhlala,
Lapho engingaya khona
Kube njalonjalo.

Usulayile ukuthi
Ngisindiswe mina,
Ngoba ulidwala lami
Layw' inqaba yami.

4 Ngikhulule, Nkosi yami,
Esandleni sakhe
Omubi longalunganga
Ongolesihluku.

5 Ngoba ulithemba lami,
Nkosi Nkulunkulu,
Wena uyinqaba yami
Kwasebutsheni bam'.

6 Kusizalo wangigodla,
Wena wangikhupha
Esiswini sikamama,
Ngokubonga njalo.

7 Nginjengesimanga kuye
Uzulu, kodwa-ke
Wena uyiyo inqaba
Yam' eqinileyo.

8 Umlomo wam' awugcwale
Ukubongwa kwakho,
Lalo udumo olwakho
Kulo lonk' usuku.

9 Ungabongilahla mina
Lapho sengimdala,
Ungangitshiyi mina nxa
Amandl' am' ephela.

10 Ngoba izitha ezami
Zits' okubi ngami,
Labahlomel' umphefum'lo
Wami betshelana,

11 Beth': INkos' isimtshiyile,
Mzingelen' limbambe,
Ngoba kakho yen' olakho
Ukumkhulula bo.

12 Ungaze waba khatshana
Lami, Nkulunkulu,
Phangisa, Nkulunkulu wam',
Ukusiza mina.

13 Kabajabhiswe njalo-ke
Balotshiswe labo
Abayizitha zawo nje
Umphefum'lo wami.

Abembathiswe bona-ke
Ngesigcono njalo
Lehlazo bon' abadinga
Ukungilimaza.

14 Kodwa ngizathemba mina
Kokuphela njalo,
Ngoba lokhu ngikubonga
Wena futhi futhi.

15 Umlomo wam' wolandisa
Ukulunga kwakho
Losindiso nsuku zonke
Engingekubale.

16 Ngizahamba emandleni
ENkos' uJehova,
Ngizaqamba ukulunga,
Okwakho kuphela.

17 Nkosi ungifundisile
Kwasebutsheni bam',
Ngilokhu ngitshumayela
Izimanga zakho.

18 Khathesi nxa sengimdala
Njalo ngiyingwevu,
O Nkosi, wena ungaze
Wangitshiya mina,

Ngize ngiwatshumayele
Awakho amandla
Kulesisizukulwana,
Bonk' abazakuza.

19 Ukulunga kwakho lakho,
O Nkosi, kukhulu,
Wena owenzileyo bo
Izintw' ezinkulu.

20 O Nkosi, ngubani na nje
Ofanana lawe!
Wena ongibonisile
Insizi zohlupho;

Uzangiphilisa njalo
Ungiphakamise
Njalo khona enzikini
Eyawo umhlaba.

21 Uzakuthi ubandise
Ubukhulu bami,
Futhi uzangiduduza
Kunhlangothi zonke.

22 Futhi ngizakukubonga
Ngalo nje ichacho,
Ngizalibonga elakho
Lona iqiniso.

Mlimu wami, kuwe ngiza-
hlabela ngogubhu,
Nguwe, o wena oNgcwele
WakoIsrayeli.

23 Indebe zam' zothokoza
Kakhul' niglihlabela
Kuwe, lomphefum'lo wami
Owuhlengileyo.

24 Lolwami ulimi lona
Luzakukhuluma
Ngokwakho khon' ukulunga
Ilanga lonke nje.

Ngokuba balazo zona
Izinhloni, njalo
Bahlabeke abathanda
Ukungilimaza.

Isihlabelelo 72

1 Nkulunkulu, nik' inkosi
Izahlulo zakho,
Layw' indodana yenkosi
Ukulunga kwakho.

2 Uzabahlulel' abantu
Bakho ngokulunga,
Ubagwebe abayanga
Bakho ngemfanelo.

3 Intaba zizalethela
'Bantu ukuthula,
Lawo amaqaqanyana
Ngakho ukulunga.

4 Wohlulela abayanga,
Asiz' abantwana
Babasweli, abephule
Iziq' abahluphi.

5 Bokwesaba ingq' ilanga
Lenyanga kuhlezi
Kokuphela, kuzo zonke
Izizukulwana.

6 Uyakwehla njengezulu
Phezu kwamahlungu,
Njengazo inhlambo zona
'Zimanzis' umhlabu.

7 Ngensuku zayo bokwanda
Abalungileyo,
Kwand' ukuthula nxa lokhe
Inyang' isekhona.

8 Uzabusa kusukela
Kulwandle kusiya
Kulwandl', lemfulen' kusiya
Kuz'phetho zomhlabu.

9 Abahlala enkangala
Bazaguqa khona
Phambi kwakhe, njalw' izitha
Zokhatha uthuli.

10 Amakhosi eTarshishi
Lawo awakuzo
Izihlenge azaletha
Zona izipho bo.

Amakhosi awakhona
EShebha leSebha
Azakunika zona nje
Ezawo izipho.

11 Yebo amakhosi wonke
Azakuwa wona
Phambi kwakhe, zonk' izizwe
Zizakumkhonza bo.

12 Ngokuba uzamkhulula
Osweleyw' ekhala,
Lomyanga laye lowo nje
Yen' ongelamsizi.

13 Wohawukela umyanga
Loswelayo, njalo
Isindise im'phefum'lo
Eyabaswelayo.

14 Wohleng' umphefum'lo wabo
Kungoz' lodlakela,
Legazi labo lil'gugu
Emehlwani akhe.

15 Njalo uzaphila yena,
Kuye kuzanikwa
Okwalo lon' igolide
Lon' elaseShebha.

Uzakwenzelw' im'thandazo
Yena njalo njalo,
Uzakudunyiswa yena
Izinsuku zonke.

16 Koba khon' ihetshezana
Lawo amabele
Elizweni khona phezu
Kwengqonga zentaba.

Zohatshazel' izithelo
NjengeLebanoni,
Bokhaphazel' abomuzi
Satshani bomhlaba.

17 Ibizo layo lokuma
Kube nininini,
Ibizo lizakuhlala
Lisekhon' ilanga.

Bazakubusisa kuye,
Lazo zonk' izizwe
Zizakutsho khon' ukuthi
Yen' ubusisiwe.

18 Ibusisiwe iNkosi,
'Nkosi ka'Srayeli,
'Mlimu yedwa owenzayo
Imimangaliso.

19 Kalibusiswe ibizo
Lakh' elilodumo,
Ugcwal' umhlaba ngodumo.
Ameni, Ameni.

Isihlabelelo 73

1 Impel' iNkos' ilungle
Kuy' uIsrayeli
Lakulab' abanhлизиyo
Ehlanzekileyo.

2 Kodwa mina, inyawo zam'
Zaphose zasuka,
Izinyathelo ezami
Zazizatshelela.

3 Ngoba ngangihawukela
Iziwula lapho
Ngibona impumelelo
Yabakhohlakali.

4 Ngoba kakukh' izibopho
Ekufeni kwabo,
Kodwa won' amandla abo
Aqinile mpela.

5 Kabahlupheki njengabo
Abanye abantu,
Njalo kabakhathazeki
Njengabo abanye.

6 Ngakho ukuziqhenya bo
Kubazungezile
Njengetane, ukulwa
Kubambokothile.

7 Sebequnjelwe ngamehlo
Ngenxa yokunona,
Balenzozo engaphezu
Kwabakufisayo.

8 Babolile, bonakele,
Bakhuluma kubi,
Bepopot' imbandezelo,
Bayaziqhenya bo.

9 Bahlambaza amazulu
Ngemilomo yabo,
Ulimi lwabo luhamba
Izwe jikelele.

10 Ngakho-ke abantu bakhe
Babuyiswa lapha,
Bayanathiswa amanzi
Agcwele inkezo.

11 Njalo bathi: Wazi njani
Yen' uNkulunkulu?
Kukhona yini ukwazi
Kuy' oPhezukonke?

12 Khangela abangelaye
UNkulunkulu-ke
Baphumelel' emhlabeni,
Bande enothweni.

13 Impela ngihlambulule
Inhliziyo ngeze,
Izandla ngizigezile
Ngaphandle kwecala.

14 Ngokuba usuku lonke
Bengihluphekile,
Bengitshaywa ekuseni
Kwezinsuku zonke.

15 Uba ngisithi: Ngizothi:
Bona ngocunula
Sona isizukulwana
Sabantwana bakho.

16 Lapha ngacabanga lokhu
Ngifis' ukukwazi;
Kwakubuhlungu kakhulu
Kimi khona lokho.

17 Ngaze ngayangena khona
Endlini engcwele
KaNkulunkulu, ngaqonda
Isiphetho sabo.

18 Impela ubabekile
Kwezibutshelezi,
Wabaphosela kundawo
Zokuchithakala.

19 Hay' ukuchitheka kwabo,
Behliselwe phansi
Ngomzuzwana! Baminziwe
Ngokwesabisayo.

20 Njengephupho kovukayo,
O Nkulunkulu, nxo
Uvuka, uzadelela
Owabo umumo.

21 Ngakho inhliziyo yami
Yayicunukile,
Futhi mina ngahlabeka
Ezinsweni zami.

22 Ngangiyisiphukuphuku
Umgumbathakazi,
Ngaba njengenyamazana
Khona phambi kwakho.

23 Loba kunjalo ngikuwe
Kokuphela mina,
Wen' ungibambe ngesandla
Sami sokunene.

24 Wena uzangikhokhela
Ngeselulek' sakho,
Emva kwalokhu ungise
Enkazimulweni.

25 Ezulwini ngilobani?
Hatshi, nguwe wedwa,
Lemhlabeni kakh' omunye
'Ngimfisa njengawe.

26 Inyama lenhliziyo yam'
Kuyaphel', iNkosi
Ingamandla lesabelo
Sami kokuphela.

27 Bhek', abakhatshana lawe
Bazabhubha bonke,
Uzachith' abaphingayo
Ngokusuka kuwe.

28 Mina kuhle ngisondele
KuThixo, ngimthembe,
Ukuze ngibike yonke
Im'sebenzi yakho.

Isihlabelelo 74

1 Nkosi usilahleleni
Ngokungapheliyo?
Kungani ucaphukele
'Zimvu zedlel' lakho?

2 Kawulikhumbule lona
Elakho ibandla,
Lona owalithengayo
Khonale endulo,

Intonga yelifa lakho
Owalihlengayo,
Le intaba yeZiyoni
Yon' ohlezi kuyo.

3 Phakamisa izinyawo
Zakh' kukuchitheka,
Konk' isitha esikwenze
Endawen' engcwele.

4 Izitha zakho zibhonga
Phakathi kwebandla,
Zamisa impawu zazo
Njengeziboniso.

5 Indoda yaba lodumo
Ngokuphakamisa
Amahloka kuzihlahla
Zona eziqatha.

6 Kodwa khathesi bephula
Ngezando langawo
Amahloka umsebenzi
Obaz'weyo wayo.

7 Baphosela won' umlilo
Endaweni yakho
Engcwel', bayingcolisile
Ngokuphosa phansi

Yona eyakho indawo
Okuhlala kuyo,
Elakho ibizo lona
Isiwiwe phansi.

8 Bath' enhliziyweni zabo:
Asizidilize.

Batshis' amasinagoge
ENkosi ezweni.

9 Kasibon' impawu zethu,
Kasekh' umprofethi,
Akakho phakathi kwethu
Owaz' izikhathi.

10 Nkosi, koza kube nini
Isitha sihlaza,
Lesitha sithuk' ibizo
Lakho njalo njalo?

11 Kungan' ufinyez' isandla
Sakho sokunene?
Sikhuphe sona kuso nje
Isifuba sakho.

12 Ngob' uThixo uyiNkosi
Yami yasendulo,
Owenza lon' usindiso
Phakathi komhlaba.

13 Wehlukanisa ulwandle
Ngawakho amandla,
Wephul' amakhand' ezilo
Phakathi kwamanzi.

14 Wachoboza amakhanda
Awavo umgobho,
Ube yikudla kwabantu
Kwabasenkangala.

15 Waqhekeza imithombo
Lazo impophoma,
Wayomisa imifula
Egeleza njalo.

16 Ingeyakho yon' imini
Labo ubusuku,
Ulungisil' ukukhanya
Lalo ilanga bo.

17 Wamisa imikhawulo
Yonke yomhlaba bo,
Walenza lona ihlobo
Labo ubusika.

18 Khumbula ukuth' isitha
Sesicunulile,
Nkos', izithutha zithuka
Elakho ibizo.

19 Nkulunkulu, unganiki
Umuphefumulo
Wejuba lakho kuxuku
Lona elababi.

Ungalikhohlwa ibandla
Labayanga bakho
Kuze kube yisikhathi
Son' esaphakade.

20 Hloniph' isivumelwano,
Ngokuba indawo
Ezomhlaba ezimnyama
Zigcwel' isihluku.

21 Abahlutshwayo kabanga-
buyi belenhloni.
'Myanga lesiweli kaba-
bong' ibizo lakho.

22 Vuka Nkosi, uyilwele
Imbangela yakho,
Khumbul' is'thutha sithuke
Wena nsuku zonke.

23 Ungalikhohlwa ilizwi
Lezitha ezakho,
Uxokozel' olwazo lu-
yanda njalo njalo.

Isihlabelelo 75

1 Ngakuwe, o Nkulunkulu,
Siyanika khona
Ukukubonga-ke, wena
SesiyaKubonga.

Ngoba ibizo elakho
Liseduze lathi,
Lezizimanga ezakho
Zilandisa ngakho

2 Nxa ngimisa isikhathi
Esifaneleyo
Ngizagweba ngokulunga
Okupheleleyo.

3 Umhlaba labakhe kiwo
Babhidliziwe bo,
Kodwa insika ezawo
Ngizithwele mina.

4 Ngathi kuzo iziwula:
Lingabi yiz'thutha,
Lingaphakamis' uphondo,
Lina izixhwali.

5 Lingaphakamis' uphondo
Olwakho phezulu,
LiyeKek' ukukhuluma
Ngentam' elukhuni.

6 Ukuphakam' akuveli
Kuyw' impumalanga,
Ngitsho layw' intshonalanga,
Lakuyo izansi.

7 Kodw' iNkosi ingumgwebi,
Phans' ibek' omunye,
Omunye imphakamise,
Imuse phezulu.

8 Ngob' esandleni seNkosi
Kukhona inkezo
Lewayini, yon' ebomvu,
Ihlanganisiwe.

Esethulul' iwayini,
Abakhohlakele
Inzece bazayinatha
Yona, bayiqede.

9 Kodwa ngizatshumayela
Njalo kokuphela,
Ngizabong' uNkulunkulu,
Yen' okaJakobe.

10 Impondo zabaxhwalile
Ngizaquma zonke,
Ngiphakamise ezabo
Abalungileyo.

Isihlabelelo 76

1 UJehova uyaziwa
Khonale koJuda;
Ibizo lakhe likhulu
KoIsirayeli.

2 LaseSalema likhona
Idumba elakhe,
Lendawo yakhe ahlala
Kuyo eZiyoni.

3 Khonapho-ke wayephula
Yona imitshoko
Yedandili, amahawu,
Lemihedla lempi.

4 Lukhulu udumo lwakho
Okwedlulisayo,
Luhl' okwedlula intaba
Zakho ukuphang'a.

5 Baphangiwe labo bona
Abazigqajayo,
Bazilalel' ubuthongo
Obukhulu babo.

Akukho won' amadoda
Alamandla awo,
Asezifumene zona
Izandla ezawo.

6 Kukho ukukhuza kwakho,
Nkosi kaJakobe,
Inqola layw' imbongolo
Kulele sibili.

7 Wena kanye kawesatshwe.
Ngubani ongema
Phambi kobakho ubuso
Nxa usuzondile?

8 Usenzile isigwebo
Khonal' ezulwini,
Umhlaba wasusesaba,
Wathula wathi zwi.

9 Yath' iNkosi isukuma
Isiyakugweba,
Ukukhulul' abamnene
Abasemhlabeni.

10 Qotho, ulaka lwabantu
Luzabonga wena,
Oluseleyo lolaka
Uzakulukhina.

11 Yenzanini izifungo,
Lizigcwalise-ke
ENkosin' uNkulunkulu,
Yena owakho bo.

Bonke abamhanqileyo
Kabaleth' izipho
Kuye lowo abamele
Bamesabe yena.

12 Uzakuwuqum' umoya
Owamakhosana,
Ngokuba uyesabeka
Kumakhosi ezwe.

Isihlabelelo 77

1 Ngakhalela eNkosini
Ngalo ilizwi lam',
Kuye yen' uNkulunkulu
Wabek' indlebe kim'.

2 Ngosuku lohlupho lwami
Ngayiding' iNkosi,
Izandla zam' zeluliwe
Ubusuku bonke

Njalo kazizange zona
Zimiswe, owami
Umphefum'lo walile bo,
Ukuth' ududuzwe.

3 Ngakhumbul' uNkulunkulu
Ngasengihlupheka,
Ngakhalaza umoya wam',
Waphela amandla.

4 Ugcine amehlo ami,
Angaze alala,
Ngidubekile sibili,
Aningekhulume.

5 Ngakhumbula izinsuku
Zona ezendulo,
Layo iminyaka yona
Eyasekadeni.

6 Ngikhumbula ingoma yam'
Khona ebusuku,
Ngakhulum' lenhliziyo yam',
'Moya wam' wahlola.

7 iNkosi izakulahla
Kokuphela yini?
Ayisayikubuye bo
Ithande futhi na?

8 Siphelile isihawu
Sayo phakade na?
Saphela isithembiso
Yini kokuphela?

9 Isikhohliw' iNkosi na
Ukuba lomusa?
Ngolaka lwayo isival'
Is'hawu sayo na?

10 Ngathi: Yibuthakathaka
Bami, ngokhumbula
'Minyaka yesokunene
SoPhezukonke bo.

11 Ngokhumbula im'sebenzi
Eyayo iNkosi,
Qotho, ngokhumbula zona
'Zimanga zendulo.

12 Ngizocabanga njalo bo
Ngem'sebenzi yakho
Yonke, ngikhulume ngazo
Izenzo ezakho.

13 Eyakho indlela, Nkosi,
Isendlini yakho.
Ngubani omkhulu onje-
ngoNkulunkul' wethu?

14 UnguNkulunkul' owenza
Imimangaliso,
Utshumayel' ebantwini
Wona amandl' akho.

15 Ngengalo yakh' uhlengile
Abantu abakho,
Amadodan' kaJakobe
LawakaJosefa.

16 Amanzi akubonile,
Wena Nkulunkulu,
Amanzi lobunzulu bo
Konke kwahlupheka.

17 Amafu ehlis' amanzi,
Isibhakabhaka
Saduma, lay' imitshoko
Yakh' yasabalala.

18 Ilizwi layw' imidumo
Lalisezulwini,
Yakhanyis' izwe im'bane,
Wazamazam' 'mhlaba.

19 Isolwandl' indlela yakho,
'Manzin' amanengi,
Lezinyathelo ezakho
Zona kazaziwa.

20 Wahola abantu bakho
Njengawo umhlambi
Ngesandla esikaMose
Laye uAroni.

Isihlabelelo 78

1 Lalelani, bantu bami,
Umthetho owami,
Indlebe zenu kazizwe
'Mazw' omlomo wami.

2 Ngizavul' umlomo wami
Ngomuzekeliso,
Ngitscho amazw' ayimfihlo
Asephakadeni.

3 Wona lawo esawezwa,
Njalo esawazi,
Esawatshelwayo thina
Ngabobaba bethu.

4 Kasiyikuwafihlela
Abantwana babo,
Sibonis' izizukulu
Zona ezizayo

Izibongo ezeNkosi
Lamandla awayo
Lem'sebenz' eyenzileyo
Emangalisayo.

5 Yamisa ubufakazi
Khona koJakobe,
Yamisa lawo umthetho
Khona ko'Srayeli.

Yabalaya bon' obaba
Ngawo, ukuze-ke
Baw'fundise abantwana
Babo ukuwazi.

6 'Kuze isizukulwana
'Sizayo sikhazi,
Labantwana baso labo
'Bazazalwa bazi,

Lalabo abazavela
Bayitshumayele
Enzalweni yabo phela,
Abantwana babo.

7 Ukuz' ithemba elabo
Libekw' eNkosini,
Bengakhohlw' izenzo zayo
Lemithetho yayo.

8 Bengabafuzi oyise,
Ababeqholoza,
Isizukulwana leso
Esasihlubuka.

Kabazanga balungise
Inhliziyo yabo,
Wawungaqinang' umoya
Wabo eNkosini.

9 Inzalo kaEfrayimi,
Ihlome ngem'tshoko,
Yabuyela khon' emuva
Ngosuku olwempi.

10 Kabasigcinanga sona
Isivumelwano
SeNkosi, bal' ukuhamba
Emthethweni wayo.

11 Bayikhohlw' imisebenzi
Yayo njalo layo
Imimangaliso yayo
'Bayitshengiswayo.

12 'Mimangaliso yayenza
Phambi kwaboyise
Elizweni leGibithe,
Kumango weZowan'.

13 Yadabula ulwandle-ke,
Yabenza bachapha,
Yawenza amanzi ema
Aba njengenqumbi.

14 Emini yabakhokhela
Ngensika yeyezi,
Lebusuku bonke njalo
Ngokukhany' komlilo.

15 Yawaqhekeza amatshe
Khona enkangala,
Yabanathisa amanzi
Awenziki yona.

16 Yavul' izifula khona
Ziphum' edwaleni,
Yawagelezis' amanzi
Phansi njengem'fula.

17 Kodwa bang'khona besona,
Ye, kakhulukazi,
Bacunul' oPhezukonke
Khonale enhlane.

18 Bamlinga uNkulunkulu
Ngenhliziyo zabo
Ngokucelela ukudla
Inkanuko zabo.

19 Ye, baphikisa iNkosi,
Bath': Angalungisa
UNkulunkulu enhlane
Itafula yini?

20 Bona, watshaya idwala
Njalo-ke amanzi
Ampompoza agcwalisa
Im'fula yagabha.

Kambe angabanika na
Laso isinkwa-ke?
Angabanika inyama
Abantu bakhe na?

21 Ngakho iNkosi yakuzwa
Yabacunukela
Yamvuthela uJakobe
Umlilo, lolaka

22 Lakuye uIsrayeli.
Ngoba bengamkholwa
UNkulunkul', bengathemb
Kusindiso lwakhe.

23 Lanxa wayelawulile
Amafu phezulu,
Wayivula iminyango
Eyasezulwini.

24 Wayebanisele phansi
Imana, bayidle,
Wabapha law' amabele
Awasezulwini.

25 Umuntu wadla ukudla
Okudliwa yizo
Izingilosi, lenyama
Wabapha yagcwala.

26 Wawuphephetha umoya
Owempumalanga
Ezulwini, ngamandl' akhe
Lowezansi weza.

27 Wayikhithiza inyama
Kibo njengothuli,
Lenyon' njengetshebetshebe
Elaselwandle bo.

28 Wakwenza kwawela khona
Phakathi kwenkamba
Yabo, kwagombolozela
Amadumba abo.

29 Ngakho-ke badla basutha,
Wasebagcwalisa
Ciki, ngokuba wabapha
Ngezifiso zabo.

30 Kabazange bakhunyulwe
Kuzifiso zabo,
Kwathi besayimumumethe
Inyama ngem'lomo,

31 Ulak' lukaNkulunkulu
Lwehlel' phezu kwabo,
Abakhuluphelis'leyo
Lwabulala bona.

Lwasel'wawisela phansi
Wona amajaha
Awangabakhethiweyo
AkoIsrayeli.

32 Phezu kwakho konke lokhu
Bona kokuphela,
Kabakukholwanga ngenxa
Yezimanga zakhe.

33 Ngakho-ke insuku zabo
Waziqeda ngeze,
Leminyaka yabo yonke
Ezinhluphekweni.

34 Lapho esebulala,
Basebemudinga,
Baphenduka ngokutshetsha,
Bafuna iNkosi.

35 Basebekhumbul' ukuthi
INkosi yayili-
dwala lab', uNkulunkulu
Ungumhlengi wabo.

36 Kodwa bamqila ngomlomo
Wabo, langamanga
Bemqambela yena, futhi
Langenlimi zabo.

37 Ngoba inhliziyo yabo
Yayingalunganga
Kuye, futhi kabagcini
'Sakh' 'sivumelwano.

38 Kodwa yena wayegcwale
Isihawu, ngakho
Waxolela impambeko,
Kababhubhisanga.

Yebo kanenginengi bo
Waphephis' inzondo
Yakhe, akaqubulanga
Lonk' ulaka lwakhe.

39 Ngoba wakhumbul' ukuthi
Babe yinyama nje,
Bengumoya odlulayo,
Ungab' usabuya.

40 Kukangaki bemcunula
Khonale enhlane,
Bemdabula kokuphela
Khona enkangala!

41 Ye, babuyela emuva,
Balinga iNkosi,
Bamqumela oyiNgcwele
WakoIsrayeli.

42 Kabakhumbulang' isandla
Sakhe, futhi lazo
Insuku zokubahlenga
Ezitheni zabo.

43 Lokwenza kwakh' 'ziboniso
Zakhe eGibithe,
Lemimangaliso yakhe
Kulizwe leZowan'.

44 Wenza imifula yabo
Yaba ligazi-ke,
Lamanzi abo ukuze
Bangawanathi-ke.

45 Wabathumel' impukane
Izinhlobonhlobo,
Zabaqeda, lamaxoxo
Asebabhubhisa.

46 Futhi wasenikela nje
Amabele abo
Kumacimbi, lentetheni
Umsebenzi wabo.

47 Wasechitha amavini
Awabo ngamatshe
Esiqhotho, lemikhiwa
Yabo ngongqwaqwane.

48 Wanikel' inkomo zabo
Lazo kusiqhotho,
Lemhlambi yabo kumbane
Otshisay' uthi bhe.

49 Wabahlasela ngolaka
Lwakhe olukhulu
Olwesabekayo, ngoba
Lulenzondo yakhe,

Ulaka lentukuthelo,
Layo inkathazo,
Ngokuthuma ingilosi
Ezimbi kubona.

50 Walungisela inzondo
Eyayo indlela,
Kaphephisang' umphefum'lo
Wabo ekufeni

Kodwa-ke wakunikela
Ukuphila kwabo
Ngokupheleleyo kuye
Umatshay'-abhuqe

51 Watshaya amazibulo
Wonke eGibithe,
Ubukhulu bamandl' abo
Kumadumb' eHamu.

52 Kodwa wenz' abantu bakhe
Bahambe sazimvu,
Wabakhokhela enhlane
Babe njengomhlambi.

53 Wabahola begciniwe
Bengelakwesaba,
Kodwa ulwandle lwaminza
Izitha ezabo.

54 Wabas' endawen' engcwele
Lakule intaba,
Ayithenga ngas' isandla
Sakhe sokunene.

55 Waxotsha abahedeni
Njalo phambi kwabo,
Wabahlazulula bona
Baba lifa labo

Ngokulandelana, njalo
Wenz' izizwe zaba-
koIsrayeli zakhela
Emadumben' abo.

56 Kodwa bamlinga bamona
Yena uSomandla,
Kabayigcinanga yona
Imilayo yakhe.

57 Kodwa babuyel' emuva,
Kabathembekanga,
Njengoyise baphambuka
Okomtshok' ukhutha.

58 Bamzondisa ngendawo zab'
Eziphakemeyo,
Bamthela umona ngezi-
thombe zokubazwa.

59 UNkulunkulu ekuzwa,
Wazonda kwakubi,
Wasemenyanya kakhulu
Yen' uIsrayeli.

60 Walitshiya idokodo
Lokukhonz' eShilo,
Ithente owalibeka
Phakathi kwabantu.

61 Wanikel' amandla akhe
Kukho ukuthunjwa,
Lodumo lwakhe kusona
Isandla sesitha.

62 Wanikel' abantu bakhe
Njalo emhedleni,
Futhi walizondela nje
Lon' ilifa lakhe.

63 Umlilo wawaqothula
Amajaha abo,
Lezintombi zabo kazi-
zuzanga ukwenda.

64 Abaprisiti ababo
Baqedwa ngomhedla,
Labafelwakazi babo
Kababalilela.

65 Yase ivuka iNkosi
Njengophaphamayo,
Njengeqhawe limemeza
Linath' iwayini.

66 Yatshaya izitha zayo
Kundawo zemuva,
Yaziyangisa kakhulu
Futhi kokuphela.

67 Futhi yalala idumba
ElikaJosefa,
Ayikhethanga isizwe
SikaEfrayimi.

68 Kodwa yakhetha isizwe
Esakhe uJuda,
Intaba yaseZiyoni,
Yon' eyithandayo.

69 Yakh' indawo yay' engcwele
Njengazo ingqonga,
Njengomhlaba eyawenza
Wem' ephakadeni.

70 Yamkhetha yen' uDavida
Oyinceku yayo,
Yamenyula kuyona nje
Im'hlambi yezimvu.

71 Yamsusa ekweluseni
'Zimv' ezimithiyo,
Yamondlisa ifa layo
LakoIsrayeli.

72 Yabelusa ngobuqotho
Benhliziyo yayo,
Ngobugabazi bezandla
Zayo baqondisa.

Isihlabelelo 79

1 Nkulunkulu, abezizwe
Sebengene kulo
Ilifa lakho, njalo bo
Ithempeli lakho,

Ithempeli elingcwele,
Balingcolisile,
Njalo sebedilizile
IJerusalem.

2 Izidumbu zezincku
Zakho bazenzile
Zaba yinyama yokudla
Kuzo izinyoni.

'Nyama yabathembekile
Bakho banikela
Kuzona inyamazana
Ezisemhlabeni.

3 Baliphalaza igazi
Lezincku zakho
Njengamanz' eJerusalem',
Baswela umgcwabi.

4 Sesibe lihlazo thina
Kubomakhelwane,
Ihlazo lal' uyangiso
Kwabasihanqile.

5 Koza kube nini Nkosi?
Uzonde kok'phela?
Umona wakho wovutha
Njengomlilo yini?

6 Thel' ulaka lwakho kubo
Abangakwaziyo,
Abahedeni lem'buso
Engakubiziyo.

7 Ngoba sebemdlike yena
UJakobe njalo
Bayichitha indlu yakhe
Yon' eyokuhlala.

8 Ungasibalel' izono
Zethu zamandulo;
Umus' olothando lwakho
Olukhulukazi

Kalusiqalele lona
Khona masinyane,
Ngoba sehliselwe phansi
Kakhulukazi bo.

9 Sincede, o Nkulunkulu
Wosindiso lwethu,
Ngenxa yodumo lwebizo,
Ibizo elakho.

Njalo-ke usikhulule,
Uhlanzo izono,
Zona ezethu, kungenxa
Yelakho ibizo.

10 Ngani na izizwe zithi:
Uph' uThixo wabo?
Makaziwe ezizweni
Emehlweni ethu

Impindiselo yegazi
Lezinceku zakho,
Lona elaphalazwayo,
Lachitheka lona.

11 Ukububula kwakhe nje
Yen' obotshiweyo
Kakufinyelele kuwe.
Ngawo wona lawo

Amandla akhw' amakhulu
Londoloza labo
Asebemiselwe khona
Ukuthi bafe nya.

12 Njalo buyisela kubo
Bon' omakhelwane
Kasikhombisa kusona
Isifuba sabo

Lona ihlazo elabo
Ukukudumaza
Abakuhlambaze ngakho,
Wena-ke o Nkosi.

13 Ngakho thin', abantu bakho
Lezimvu zedlelo
Lakho, sizakukubonga
Kub' ephakadeni.

Sizakutshengisa yona
Indumiso yakho
Ezizukulwaneni-ke
Ngezizukulwana.

Isihlabelelo 80

1 Zwana, malus' ka'Srayeli,
Ohol' uJosefa
Njengomhlambi, wen' ohlezi
Kumakherub', khanya.

2 Phambi kukaEfrayimi,
'Benjamin', 'Manase,
Vusa amandla awakho,
Uzesisindisa.

3 Siphendule Nkulunkulu,
Njalo wenz' ubuso
Bakho bukhanye-ke, thina
Besesisindiswa.

4 Nkulunkulu wamabandla,
Nkosi, koba nini
Uzondele umthandazo
Owabantu bakho?

5 Ubondla ngesinkwa sazo
Zon' izinyembezi,
Ubanike bazinathe
Kakhulu sibili.

6 Usenzela inzondano
Labakhile lathi,
Lezitha zethu zihleka
Komunye lomunye.

7 Siphendule njalo Thixo,
Nkosi yamabandla,
Khanyisa ubuso bakho,
Besesisindiswa.

8 Ulikhiphile ivini
Livel' eGibithe,
Uchithil' abahedeni,
Wasulihlanyela.

9 Ulilungisel' indawo
Laze lagxumeka,
Zatshona impande zalo,
Lagcwala umhlaba.

10 Izintaba zimboziwe
Ngumthunzi owalo,
Lengatsha zalo zifana
Lezamasedare.

11 Laqhelis' ingatsha zalo,
Zafika elwandle,
Lezingatshana zanaba
Zehlel' emfuleni.

12 Kungani pho wephulile
Izintango zalo,
Kuze kuth' abadlulayo
Bahlephule lona?

13 Ingulube yamahlathi
Izakulimotsha,
Lenyamazana zomango
Zizalidla lona.

14 Buya sikuncenga, Nkosi
Yam'bandla, khangela
Ubone usezulwini,
Wethekel' lel'vini.

15 Isivin' osihlanyele
Ngesakho isandla
Sokunene, lalugatsha
Waziqinisela.

16 Lutshisiwe ngaw' umlilo,
Lwaqunyelwa phansi,
Babhubha ngokukhalima
Kobakho ubuso.

17 Bek' isandla sakho kuye
Ongesokunene,
Endodaneni yomuntu
Oz'qiniseleyo.

18 Khon' asiyikukutshiya,
Sisuke kuwena,
Sivuselele sobiza
Lon' ibizo lakho.

19 Siphendule njalo, Nkosi,
Thixo wamabandla,
Khanyisa ubuso bakho,
Besesisindiswa.

Isihlabelelo 81

1 Hlabelan' kuNkulunkulu
Ongamandla ethu,
Yenzan' umsindo omnandi
Kw'iNkos' kaJakobe.

2 Thathan' isihlabelelo,
'Leth' isigujana,
Umhubhe wona omnandi,
Kanye lal' ichacho.

3 Vuthelanini uphondo
Ngokuthwas' kwenyanga,
Ngesikhath' es'faneleyo,
Ngowethu umkhosi.

4 Ngoba yisimiso kuye
Yen' uIsrayeli,
Njalo ngumthetho weNkosi
Yakhe uJakobe.

5 Lokhu wakumisa kube
Yibufakazi ku-
Josefa ekuphumeni
Kwakhe elizweni

Lona elaseGibithe,
Lapho ngezwa khona
Ulimi engingazange
Ngal' uqedisisa.

6 Ngasusa ihlombe lakhe
Khona emthwalweni,
Zasuswa izandla zakhe
Khon' ezimbizeni.

7 Wangibiza uphakathi
Kwalo lon' uhlupho,
Njalo ngakhulula wena,
Ngakuphendula-ke

Ngisendaweni yensitha
Kuyo imidumo,
Ngakuhlolola emanzini
AwaseMeriba.

8 Yizwanini, bantu bami,
Ngizakufakaza
Kuwe o 'Srayeli, uba
Uzangilalela.

9 Kakungabi khona kuwe
Uthixo wezizwe,
Njalo ungakhonz' uthixo
Yena owemzini.

10 Mina ngiyiNkosi yakho,
NginguNkulunkulu,
Yena owakukhiphayo
Elizweni lelo

Ilizwe eleGibithe.
Khamisa umlomo
Wakho ube banzi, mina
Ngizawugcwalisa.

11 Kodwa bon' abantu bami
Kabalilaleli
Elami ilizwi, njalo
Kangaz' u'Srayeli.

12 Ngabanikel' kuzifiso
Zenhliziyo zabo,
Basebehamba-ke ngawo
Amacebo abo.

13 Kungathi abantu bami
Bangangilalela,
LoIsrayeli ahambe
Endleleni zami!

14 Masinya izitha zabo
Bengingazinqoba,
Ngiselul' isandla sami
Kwababalwisayo.

15 Abazondi bay' iNkosi
Ngab' baz'thoba kuyo,
Ngabe sema nininini
Isikhathi sabo.

16 Yayizakubondla ngawo
Amabel' amahle,
Ngibasuthise ngenyosi
'Zivel' edwaleni.

Isihlabelelo 82

1 UNkulunkulu uyema
Kub' abalamandla,
Uyehlulela phakathi
Kwabonkulunkulu.

2 Kuzaze kube nini na
Lina lahlulela
Ngokungalungi, likhetha
Abantu ababi?

3 Vikel' abayanga lazo
Intandane, yenza
'Kulunga kwezihlupheki
Lokwabasweleyo.

4 Ubophule abayanga
Lab' abasweleyo,
Bakhuph' esandleni sabo
'Bakhohlakeleyo.

5 Kabaz', abaqedisisi,
Bahamb' emnyameni,
Wonk' amaseko omhlaba
Asezamazama.

6 Mina ngitshilo ukuthi
Lingonkulunkulu,
Lina lonk' lingabantwana
Bakh' oPhezukonke.

7 Kodwa lina lizakufa
Njengabo abantu,
Njalo liwe njengomunye
Wamakhosana nje.

8 Vuka Nkosi, wahlulele
Wona-ke umhlabo,
Ngoba uzakudla ifa
Lezizwe zonke bo.

Isihlabelelo 83

1 Ungathuli, Nkulunkulu,
Ungagcini khona
Ukuthula kwakho, njalo
Ungachumi Nkosi.

2 Ngoba khangela, izitha
Zakho zenz' umsindo,
Labazonda wena sebe-
phakamis' ikhanda.

3 Sebecebe ngobuqili
Ngabakho abantu,
Beceba ngabo abakho
Abafihliweyo.

4 Bathe: Wozan' sibaqume
Bangabi yisizwe,
Ibizo lako'Srayeli
Lingasakhunjulwa.

5 Ngoba sebecebiseni
Nganhлизионе nje,
Benza isivumelwano
Bemelana lawe.

6 Amadumba eEdoma
LakwaIshmeyeli,
Lawo awaseMowabi
LamaHagari bo.

7 IGebali leAmoni
Layw' iAmaleki,
IFilisti labahlezi
Em'zini yeTire.

8 Lihlangene labo futhi
Lona iAshuri,
Bona bayincedisile
Inzalo kaLoti.

9 Benze lokhu owakwenza
KumaMidiyani,
LoSisera loJabini
Kumful' iKishoni,

10 Ababhubha eEndori;
Baphenduka baba
Njengabo bon' ubulongwe
Basemhlabathini.

11 Zenze zona izikhulu
Zabo zifanane
LoOrebi, njalo laye
Yenza njengoZebi.

Yebo wonke won' awabo
Amakhosana-ke
Abe njengoZeba njalo
NjengoZalimuna.

12 Bona abasebesithi:
Asizithathelle
'Zindlu zikaNkulunkulu,
Sizenze ezethu.

13 Nkosi yami benze babe
Njenges'vunguzane,
Lanjengawo amakhoba
Amuka lomoya.

14 Njengawo wona umlilo
Otshisa ihlathi,
Lanjengalo ilangabi
Elitshis' intaba

15 Ngokunjalo ubaxotshe
Ngesiphepho sakho,
Njalo ubenze besabe
Ngesiqhoho sakho.

16 Gcwalisa ubuso babo
Ngawo amanhloni,
Ukuze bading' ibizo
Lakho, wena Nkosi.

17 Kabajabhiswe phakade
Njalo bahlupheke,
Yebo-ke benziwe babe
Lenhloni, babhubhe.

18 Ukuze abantu bazi
Wen', obizo lakho
Lodwa nguJehova, 'Phezu-
konke emhlabeni.

Isihlabelelo 84

1 Hay' ukuthandeka kwawo,
Hawu Nkosi kimi,
Amathente akho, Nkosi,
Wena wamabandla.

2 Owami umphefumulo
Uyawalangatha,
Yebov, unxwanela ama-
guma kaJehova.

Inhliziyo yami layo
Yon' inyama yami
Iyakhala ikhalela
INkos' ephilayo.

3 Yebo inyonzi zithole
Indlu, lenkonjane
Isidleke sayo, lapho
Engabeka khona

Abantwana bayo lawo
Awakhw' amalathi,
O Jehova wamabandla,
Nkosi Mlimu wami.

4 Babusisiw' abahlala
Kuyo indlu yakho,
Bayakuhlala nje bona
Bekubonga wena.

5 Ubusisiwe umuntu
Omandl' akh' akuwe,
Enhлизиweni eyakhe
Kulendlela zakho.

6 Abadlul' esigodini
SeBaka basenza
Umthombo; liwagcwalise
Izul' amachibi.

7 Basuka kuwo amandla
Besiy' emandleni,
Bonk' babonakale phambi
KweNkos' eZiyoni.

8 Nkosi, Mlimu wamabandla,
Zwan' ukukhuleka
Kwami, ubeke indlebe,
Nkosi kaJakobe.

9 Nkulunkulu, hawu lethu,
Khangela ubone
Ubuso bakhe yena lo
'Gcotshiwego wakho.

10 Ngoba usuk' olulodwa
Ngisendlini yakho
Lungcono lona kakhulu
Kulenkulungwane.

Ngikheth' ukulind' umnyango
Wendlu yeNkosi yam'
Kulokuhlal' ethenteni
Elenkohlkalo.

11 Ngob' iNkos' uNkulunkulu
Ullilanga lesi-
hlangu; iNkosi yonika
Umusa lodumo.

Kakukho uluth' oluhle
Azakubancitsha
Lona abahamba ngakho
Khona ukuqonda.

12 Nkulunkulu wamabandla,
Yena umuntu lo
Ubusisiwe sibili
Othembela kuwe.

Isihlabelelo 85

1 Nkosi wawulal' uthando
Kulo izwe lakho,
'Kuthunjwa kukaJakobe
Uyibuyisile.

2 Ububi babantu bakho
Ubuxolelile,
Zonke izono ezabo
Usuziqqibele.

3 Wena usulususile
Lonk' ulaka lwakho,
Uphenduk' ekuvutheni
Kolwakho ulaka.

4 Siphendule, Nkulunkulu
Wosindiso lwethu,
Wenz' ulaka lwakho lume,
Lungabuyi kithi.

5 Kambe uzasizondela
Kokuphela yini?
Welule ulaka lwakho
Kuzizukulwana?

6 Kawuyikubuya yini
Usivuselele,
Ukuze abantu bakho
Bathokoze kuwe?

7 Sitschengise isihawu
Sakho, wena Nkosi,
Ubususinika wena
Olwakh' usindiso.

8 Ngizakuzwa lokh' uThixo
INkos' ezakutsho,
Ngokuba uzakhulum
Khona ukuthula

Kubo abantu abakhe
Lakubangcwel' bakhe,
Kodwa kabangabuyeli
Khon' ebuthutheni.

9 Qhoth' 'sindiso lwakh' luduze
Labamesabayo,
Ukuz' udumo luhlale
Elizweni lethu.

10 Isihawu leqiniso
Kuhlangene, njalo
Ukulunga lokuthula
Lakho sekwangene.

11 Iqiniso lizaphuma
Khon' emhlabathini,
'Kulunga kuzakhangel
Phans' kusezulwini.

12 Yebo iNkos' izanika
Okulungileyo,
'Lizwe lethu lizathela
'Zithel' ezinengi.

13 Ukulunga kuzahamba
Phambi kwayo, njalo
Izasimis' endleleni
Yez'nyathelo zayo.

Isihlabelelo 86

1 Bek' indlebe yakho, Nkosi,
Ukuthi ungizwe,
Ngoba mina ngingumyanga,
Njalo ngiyaswela.

2 Londa umphefum'lo wami,
Ngoba ngingoqotho,
Nkosi nced' inceku yakho
Ethembela kuwe.

3 Yiba lesihawu kimi,
Wena Nkulunkulu,
Ngoba ngikhalela kuwe
Izinsuku zonke.

4 Thokozisa umphefum'lo
Wenceku yakh', ngoba
Kuwe, Nkos', ngiphakamisa
Umphefum'lo wami.

5 Nkosi, wena ulomusa,
Ungoxolelayo,
Ugcwele son' isihawu
Kwababiza wena.

6 Nik' indlebe, Nkosi, kiwo
Umthandazo wami,
Ulalele izwi lami
Lokucela kwami.

7 Kusuku lohlupho lwami
Ngizakukubiza,
Ngakho-ke ngenxa yalokhu
Uzangiphendula.

8 Phakathi kwabo omlimu
Kakh' ofana lawe,
Nkos', izenzo ezifana
Lezakho azikho.

9 Zonk' izizwe ozenzile
Zoza zikukhonze,
O Nkosi, zizadumisa
Ibizo elakho.

10 Ngokuba wena umkhulu
Njalo wena wenza
Izimangaliso; nguwe,
Nkulunkulu wedwa.

11 Akungifundis' indlela
Yakho, o Jehova,
Ngizakuhamba ngelakho
Iqiniso, Nkosi.

Hlanganisa inhliziyo
Eyami, ukuze
Ibe lokwesaba lona
Elakho ibizo.

12 Nkulunkul', ngizakubonga
Ngenhliziyo yami
Yonke, ngizakudumisa
Kokuphela, Nkosi.

13 Ngoba isihawu sakho
Sikhulu ngakimi,
Ukhulul' umphefum'lo wam'
Phans' esihogweni.

14 Nkosi, abaziqhenyayo
Bayangivukela,
Lemibuthano yabantu
Abavukelayo

abantu abazingela
Umphefum'lo wami,
Njalo kabakubekanga
Wena phambi kwabo.

15 Kodwa wena, hawu Nkosi,
UnguNkulunkulu,
UnguMlimu ogcweleyo
Ugcwele uzwelo,

Lawo umusa ngowakho,
Lal' ubekezelo,
Lesihawu singesakho,
Lalo iqiniso.

16 O phendukela ngakimi,
Ube lesihawu,
Uyiphe amandla akho
Eyakho inceku.

Njalo-ke uyisindise
Yona indodana
Eyayo incekukazi,
Yona-ke eyakho.

17 Ngitshengise lon' uphawu
Olwakho okuhle,
Kuze kuthi abazondi
Bami balubone

Njalo kababe lenhloni.
Ngoba wena, Nkosi,
Usungisizile mina
Ungiduduzile.

Isihlabelelo 87

1 Isisekelo-ke sona
Sakhe sikuzona
Izintaba, zona lezo
Ezingcwele zakhe.

2 'Nkosi ithand' amasango
AwaseZiyoni
Okwedlul' indawo zonke
EzikaJakobe.

3 Izinto ezilodumo
Zikhulunywa ngawe,
O wena, muzi omkhulu
OkaNkulunkulu.

4 Ngizakuyiqamba yona
IRahabi layo
IBabiloni kubona
Abangaziyo m'na.

Khangela iFilistiya
Lakuyo iTire,
L'Etiyopiya, lumuntu
Wazalelwa khona.

5 NgeZiyoni kuzathiwa:
Lo lay' wazalelwa
Khona, yen' oPhezukonke
Uzakulimisa.

6 Ekubhaleni abantu
INKosi yobala
Ukuthi yena lumuntu
Wazalelwa khona.

7 Koba laph' abahlabeli
Lentshayi zechacho,
Imithombo yonke yami
Yona ikuwena.

Isihlabelelo 88

1 Nkosi, Thixo wosindiso
Lwami, ngikhalile
Emini lasebusuku
Khona phambi kwakho.

2 Vumel' umthandazo wami
Uze ngakuwena,
Lulamis' indlebe yakho
Ekukhaleni kwam'.

3 Ngoba umphefum'lo wami
Ugcwele inhlupho,
Impilo yam' isondela
Khona engcwaben*i*.

4 Ngibalwa labo abaya
Khona emgodini,
Senginjengayo indoda
Eswele amandla.

5 Ngikhutshwe labafileyo
Njengababulewe,
Bona-ke abaleleyo
Kulona ingcwaba,
Ongasabakhumbuliyo,
Ngitsho lakanye nje,
Sebequnyiwe-ke bona
Kusw' isandla sakho.

6 Ungilalisile mina
Kumgodi ophansi
Kulayo yonk' emnyameni
Khon' ekujuleni.

7 Ulaka lwakho-ke lona
Selungisindile,
Wasungihlupha ngawakho
Wonk' amagagasi.

8 Usubahlukanisile
Abangane bami
Baba khatshana lami-ke.
Futhi ungenzile

Mina ngenyanyeka kibo,
Futhi ngivalelwe,
Njalo ngingeke ngiphume,
Impela ngingeke.

9 Mina elami ilihlo
Liyalila lona
Ngenxa yesizatho sona
Esalo uhlupho.

Nkosi ngakubiza mina
Izinsuku zonke,
Ngizelulile izandla
Zami ngakuwena.

10 Uzabonis' izimanga
Kubabafileyo?
Bazavuk' abafileyo
Bakudumise na?

11 Kuzatshunyayelw' uthando
Lwakho engcwabeni?
Kumbe uthembeko lwakho
Encithakalweni?

12 Izimanga zakho zokwa-
ziwa emnyameni?
Lokulunga elizweni
Lokukhohlwa yini?

13 Kodwa ngakuwe ngakhala,
Wena, o Jehova,
Ekuseni umthandazo
Wam' uphambi kwakho.

14 Nkosi, kungani ulahla
Umphefum'lo wami?
Kungani ungifihlela
Obakho ubuso?

15 Ngihlutshiwe ngilungele
Khona ukufa bo,
Ngisizwa ukwesabeka
Kwakho ngidangele.

16 'Laka lwakh' olutshisayo
Ludlula phez' kwami,
Ukwesabeka okwakho
Sekungiqumile.

17 Kuyangihanqa-ke mina
Izinsuku zonke
Njengamanzi, kungihanqa
Konk' indawo zonke.

18 'Sithandwa lomngan' ubase
Khatshana le lami,
Ujayelo lwami lona
Khona emnyameni.

Isihlabelelo 89

1 Ngohlabela ngesihawu
SeNkosi phakade,
Ngitshel' izizukulwana
Ngothembeko lwakho.

2 Ngoba ngithe: Kokwakhiwa
Um'sa laphakade,
Uzamisa uthembeko
Lwakho ezulwini.

3 Ngenze isivumelwano
Lay' umkhethwa wami,
Ngifungile kuDavida
Oyinceku yami.

4 Ngoqinisa laphakade
Eyakho inzalo,
Ngizakwakhel' ubukhosu
Emideni yonke.

5 Amazulu azabonga
Izimanga zakho,
O Nkos', uthembeko lwakho
'Bandlen' labangcwele.

6 Ngoba ngubani kulabo
Abasezulwini
Ongalinganiswa laye
Yena uJehova?

Kambe ngubani phakathi
 Kwalamadodana
 Eziqhwag' ongafaniswa
 Laye uJehova?

7 Makesatshwe uJehova
 'Bandlen' labangcwele,
 Ahlonitshwe yibo bonke
 Abamhanqileyo.

8 Nkosi, Thixo wemikhosi,
 Nguban' onjengawe
 Ngamndl'? Uthembeko lwakho
 Olukuhanqile?

9 Iziphepho zaselwandle
 Ziyabuswa nguwe,
 Nxa amavinqo evuka
 Uyawachumisa.

10 Ufohloze iRahabi
 Njengobuleweyo,
 Uchithe izitha zakho
 Ngengal' yamndl' akho.

11 Amazulu angawakho,
 Kanye lomhlaba lo,
 Umhlaba lemvamo yawo
 Wasekelwa nguwe.

12 Wadala iningizimu
 Layo inyakatho,
 IHhermoni leTabori
 Kothokoza ngawe.

13 Ulengalo elamandla,
 'Sandla siqinile,
 Siphakeme son' isandla
 Sakho sokunene.

14 Ukuqonda lesigwebo
 Kukumbuso wakho,
 Isihawu leqiniso
 Kuhamba phamb' kwakho.

15 Bayabusiswa sibili
 Labo abantu-ke
 Abawaziyo umsindo
 Othokozisayo.

Bazakuhamba, o Nkosi,
 Bephakathi kwakho
 Ukukhanya okobuso
 Bakho, wena Nkosi.

16 Bazatshona bejabula
 Ebizweni lakho,
 Ekulungeni okwakho
 Bazaphakanyiswa.

17 Ngoba uludumo lwavo,
 Amandla awabo,
 Uphondo lwethu loqonga
 Ngesihawu sakho.

18 Ngokuba yona iNkosi
 Yimvikelo yethu,
 LoNgcwele wako'Srayeli
 Uyinkosi yethu.

19 Wasukhuluma ngombono
 Kongcwele owakho,
 Wathi: Ngibekil' uncedo
 Kuye oliqhawe.

Ngiphakamise omunye
 Ongokhethiweyo
 Phakathi kwabo bona-ke,
 Phakathi kwabantu.

20 Ngimtholile uDavida
Oyinceku yami,
Ngimgcobile ngamafutha
Ami ayingcwele.

21 Okuzakuthi isandla
Sami sime laye,
Ingalo eyami layo
Izakumqinisa.

22 Isith' asiyikufuna
Umthelo kuyena,
Lendodana eyobubi
Kayiy'kumtshutshisa.

23 Ngizazitshaya izitha
Zakhe phambi kwakhe,
Ngizakubahlupha bona
Abamuzondayo.

24 Uthembeko lom'sa wami
Kuzakuba laye,
Uphondo lwakhe loqonga
Ebizweni lami.

25 Mina ngizakusimisa
Esakho isandla
Olwandle, lesokunene
Sakhe emfuleni.

26 Uzakhala kimi athi:
Wena unguBaba,
INkosi yami, ledwala
Losindiso lwami.

27 Lami futhi ngizamenza
Izibulo lami,
Ngimqongise ngaphezulu
Kwamakhosi ezwe.

28 Ngomgcinela isihawu
Sihlale njalo nje,
Lesivumelwano sami
Sizaqina laye.

29 Ngizalond' inzalo yakhe,
Ihlale njalo nje,
Njengezinsuku zezulu
Isihlalo sakhe.

30 Uba abantwana bakhe
Bedela umlayo
Wami, bengahambi kuzo
Izahlulo zami,

31 Nxa besepul' izimiso
Zami bezidela,
Bangayilond' imithetho
Yonale eyami,

32 Ngothi ngehlele isono
Esabo ngentonga,
Leziphambeko ezabo
Ngoswaz' olunzima.

33 Kodw' angiy'kususa kuye
Uthando lwami nya,
Lekuthembekeni kwami
Angiy'kukhohlisa.

34 Isivumelwano sami
Kangikusephula,
Loba ngiguqule into
Yon' engiyitshilo.

35 Ngafung' kanye
ngobungcwele
Obami ukuthi
Mina kangiyikuqamba
Manga kuDavida.

36 Yohlala inzalo yakhe Phakad', lesihlalo Sakhe sobukhosи njenge-langa phambi kwami.

37 Sizakuma njengenyanga Kokuphela, njalo Njengomfakaz' ezulwini, Oqinisileyo.

38 Kodwa usumenyanyile Owawumgcobile, Usumlahlele khatshana, Futhi umzondele.

39 Udel' isivumelwano Seyakho inceku, Ungcolisile umqhele Wakhe othulini.

40 Uzifohlozile zonke Izintango zakhe, Wadiliza im'thangala Yakhe yab' lunxiwa.

41 Uyimpango kwabatlula Bonke ngalindlela, Kwabakhe omakhelwane Usebe lihlazo.

42 Ususiphakamisile 'Sandla sokunene Sezitha zakho, wazenza Zonke zajabula.

43 Njalo ubuphendulile 'Bukhali bomhedla Wakhe, akasoze eme Khona-ke empini.

44 Ulufiphazile lona Olwakhe udumo, Wabhidlizela phansi-ke Ubukhosи bakhe.

45 'Zinsuku zobutsha bakhe Uzifinyezile, Wena usumembesile Ngazo izinhloni.

46 Koze kube nini Nkosi? Uzifihla njalo? Ulaka lwakho luvutha Njengomlilo yini?

47 Khumbul' isikhathi sami Sifitshane mpela, Ngani udalele bonke Abantu ize nje?

48 Nguwuphi yen' ophilayo Ongayikufa na? Uzakhupha umphefum'lo Wakh' engcwabeni na?

49 Nkosi buphi ububele Bakho bamandulo, Owafungel' uDavida Ngeqiniso lakho?

50 Khumbula, Nkosi, ihlazo Lezinceku zakho, Ngithwele njani ihlazo Lezikhulu zonke,

51 Ngal' izitha zakho, Nkosi, Zigconile ngalo, Izinyathelo zowakho Ogcotshiweyo bo.

52 Kayibusiswe iNkosi
Ngokungapheliyo,
Ibusisiwe phakade.
Amen' loAmeni.

Isihlabelelo 90

1 Nkosi, uyindawo yethu
Yon' eyokuhlala
Phakathi kwazo zonke bo
Izizukulwana.

2 Zingakabikho intaba,
Ungakenzi izwe,
Khona emaphakadeni
UnguNkulunkulu.

3 Uyambuyisel' umuntu
Encithakalweni,
Uthi: Buyanini lina,
Bantwana babantu.

4 Ngoba izinkulungwane
Zomnyak' phambi kwakho
Zinjengezol' lidlulile
Lomlind' ebusuku.

5 Wena uyabakhukhula,
Banjengobuthongo,
Ekusen' banjengotshani
Bon' obukhulayo.

6 Bukhahlela ekuseni
Njalo buyakhula,
Sekuhlwile buyaqunywa
Bube sebubuna.

7 Ngokuba thina siqedwa
Ngolwakho ulaka,
Njalo sihlutshwa ngeyakho
Yon' intukuthelo.

8 Ubekile amacala
Ethu phambi kwakho,
Izono zethu zensitha
Zikho phambi kwakho.

9 Insuku zethu zedlule
Kolwakho ulaka,
Sichith' iminyaka yethu
Njengenganekwane.

10 Izinsuku zeminyaka
Yethu ngamatshumi
Ayisikhombisa, kuthi
Loba siqinile

Zona zibe ngamatshumi
'Sificaminw'mbili,
Kube kant' amandla ayo
Ngumzamo losizi.

Ngoba wona aqunyiwe
Ngokuphangisia,
Njalo thina sesiphapha
Sisuke-ke lapha.

11 Ngubani owaz' amandla
Olaka lwakho na?
Njengokwesabeka kwakho
Lunj' ulaka lwakho.

12 Sifundise ukubala
Izinsuku zethu
Size sizuz' inhлизио
Yokuhlakanipha.

13 Kawubuye, wena Nkosi,
Koze kube nini?
Akuhawukele zona
Inceku ezakho.

14 Sisuthise-ke masinya
Ngesihawu sakho,
Sijabule sithokoze
Zonk' insuku zethu.

15 Sithokozis' njengensuku
Osihluphe ngazo,
Njengeminyak' esabona
Ngayo khon' okubi.

16 'Zenzo zakho kazibonwe
Yizinceku zakho,
Lokukhazimula kwakho
Ngabantwana bazo.

17 Kakuthi ubuhle bayo,
'Nkosi 'Nkulunkulu
Wethu, kabube phezulu,
Yebo phezu kwethu.

Umis' umsebenz' wezandla
Zethu phezu kwethu,
Yebo, umsebenz' wezandla
Zethu uwumise.

Isihlabelelo 91

1 Ohlezi ekusitheni
Kwakh' oPhezukonke
Uzahlal' esithunzini
Sakhe uSomandla.

2 Ngizathi ngeNkosi yami:
Uyinqaba yami
Lesiphephel'; uJehova
Wami, ngizamthemba.

3 Impela wokukhulula
Kuwo umjibila
Womthiyi lasesifweni
Esibhubhisayo.

4 Uzakwembesa ngensiba
Zakhe, uthembele
Ngaphansi kwempiko zakhe
Ngezikhathi zonke.

Lona iqiniso lakhe
Loba yisihlangu
Kanye lehawu kuwena
Uze uvikelwe.

5 Kawusoze-ke wesabe
Zona izethuso
Ebusuku lemitshoko
Etshoka emini.

6 Lenkathazo zobunyama
Lay' incithakalo
Eyemini libalele
Idlavuz' ichitha.

7 Izinkulungwane zowa
Eceleni kwakho,
Zona ezingamatshumi,
Zingafiki kuwe.

8 Ngamehlo akho kuphela
Uzakukhangela,
Uzakubona umvuzo
Owabo ababi.

9 Ngoba uyenzil' iNkosi,
Eyinqaba yami,
Yen' oPhezukonke, indlu
Yakho yokuhlala.

10 Ububi-ke abusoze
Bukwehlele wena,
Lohluph' aluy'kusondela
Endlini eyakho.

11 Ngob' uzalaya ezakhe
Ingilos i ngawe
Ukukulonda kuzo zonk'
Indlela ezakho.

12 Zizakuphatha ngezandla
Zazo, hlezi wena
Ukhubeke elitsheni
Ngonyawo olwakho.

13 Uzagxoba isilwane,
'Nyoka, 'silwanyana,
Lodrago uzamugxoba
Phansi kwezinyawo.

14 Ngoba yen' ungithandile,
Ngakho ngizamhlenga,
Ngimbeke phezulu, ngoba
Waz' ibizo lami.

15 Uzakungibiza mina,
Ngizakumphendula,
Ngibe laye enhlutsheni,
Ngimhleng' ngimhloniphe.

16 Ngobude obezinsuku
Ngizakumsuthisa,
Ngimubonise olwami
Usindiso lonke.

Isihlabelelo 92

1 Kuyintw' enhle ukubonga
Yona-ke iNkosi,
Lokudumisa ibizo
Lakh', oPhezukonke.

2 Utshengis' umusa wakho
Khona ekuseni,
Lokwakho ukuthembeka
Kubusuku bonke.

3 Ngechacho elilentambo
Ezilitshumi bo
Logubhu law' umqangala
Otsho ngokuzotha.

4 Ngokuba wena, Jehova,
Ungenz' ngathokoza,
Ngizanqoba ngem'sebenzi
Yezakho izandla.

5 Nkosi, mikhulu kangaka
Im'sebenzi yakho,
Leyakho imikhumbulo
Itshone kakhulu.

6 Um'nt' onjengenyamazana
Akakwazi lokhu,
Asiqedisisi lokhu
Isithutha futhi.

7 Nxa abakhohlakeleyo
Behlum' okotshani,
Nxa bonke abenz' okubi
Bephumelela nje,

8 Kungenxa yokuthi baza-
bhujiswa phakade.
Kodwa wena Nkos', uphezu
Konk' ephakadeni.

9 Ngoba bona, Nkos', izitha
Zakho zizabhubha,
Bonk' abasebenz' bobubi
Bazahlakazeka.

10 Waphakamisa uphondo
Lwami njengenyathi,
Mina ngizagcotshwa ngawo
Amafuth' amatsha.

11 Lelihlo lami lizabon'
Isifiso sami
Ezitheni zami, njalo
Laz' indlebe zami

Zizakuzwa isifiso
Sami ngab' ababi,
Bona abavukelayo,
Bephikisana lam'.

12 Olungileyo wohluma
Njengalo ilala,
Akhule njengesedari
Khon' eLebanoni.

13 Labo abahlanyelwayo
Endlini yeNkosi
Bazakhul' emagumeni
KaNkulunkul' wethu.

14 Bazabe belokhu bona
Bethel' izithelo,
Ebudaleni bakhule,
Njalo bazimuke.

15 Ukubonisa ukuthi
INkos' iqondile,
Ulidwala lami, njalo
Kakulabub' kuyo.

Isihlabelelo 93

1 Yon' iNkosi iyabusa,
Yembeth' ubukhosı,
INkosi izembesile
Ngawo won' amandla,

Lapha yena esembese.
Lalo lon' ilizwe
Limisiwe, alingeze
Lizanyazanyiswe.

2 Esakho son' isihlalo
Esab' ubukhosı
Samiswa khona kudala.
Wena uphakade.

3 O Nkosi, yon' imisinga
Isiphakamile,
Liphakem' izwi, amanzi
'Phakam' amavinqo.

4 INkosi ephakemeyo
Ilamandla kulo-
dumo lwamanz' amanengi,
Amavinq' olwandle.

5 Nkosi, imfundiso zakho
Liqiniso mpela,
Ubungcwele bufanele
Indlu yakho njalo.

Isihlabelelo 94

1 INkosi uNkulunkulu
Wokuphindisela,
Nkosi yokuphindisela,
Bonakal' ukhanye.

2 Ziphakamise, mahluli
Walo lon' ilizwe,
Unike abazindlayo
'Kubafaneleyo.

3 Nkosi, kuza kuba nini
Abakohlakali
Bon' abakhohlakeleyo
Bengabanqobayo?

4 Koba nini bekhuluma
Izintw' ezinzima,
Bonke abenzi bobubi
Bezigqaja bona?

5 Nkosi, bayabachoboza
Abakho abantu,
Bona bayalihlupha bo
Elakho ilifa.

6 Babulal' umfelwakazi
Laye owemzini,
Njalo babulala lazo
Zon' izintandane.

7 Kube kanti bath': INkosi
Ayisoz' ibone,
'Nkulunkulu kaJakobe
Kasoze ananze.

8 Qondanini, lina bantu
Bobunyamazana,
Lizahlakanipha nini,
Lani-ke zithutha?

9 Owenza indlebe yena
Akayikuzwa na?
Lowenza lona ilihlo
Kayikubona na?

10 Yena olaya izizwe
Kaqondisi yini?
Yen' ofundisa ulwazi
Kayikukwazi na?

11 INkosi iyayazi bo
Yon' imicabango
Yomuntu ukuthi yona
Iyilo lon' ize.

12 O! Nkosi ubusisiwe
Um'ntu omlayayo,
Omfundisa okuvela
Emthethweni wakho.

13 Ukuz' umnik' ukuphum'la
Kw' insuku zohlupho,
Baze bona bagejelwe
Umgodi ababi.

14 Ngob' iNkosi kayisoze
'Lahl' abantu bayo,
Njalo kayiyikutshiya
Elayo ilifa.

15 Kodwa isigwebo siza-
buy' ekulungeni,
Abanhлизиw' eqondile
Bazasilandela.

16 Nguban' ozakungimela
Kubo bon' ababi?
Ozakungimela mina
Kwabenza okubi?

17 Uba bengingasizwanga
Nguye uJehova,
'Mphefum'lo wami waphosa
Wathula wathi zwi.

18 Nxa ngathi: Unyawo lwami
Luyatshelela bo,
Isihawu sakho, Nkosi,
Sangisekela m'na.

19 Kubo ubunengi bayo
Im'khumbulo yami,
Umphefum'lo uthokoza
Ngezakhw' induduzo.

20 Isihlalo esobubi
Sihlangene lawe,
Son' esimisa okubi
Ngawo umthetho na?

21 Baqoqanel' umphefum'lo
Wakh' olungileyo,
Bona balahla igazi
Elingelacala.

22 Kodw' iNkosi, umvikel' wam',
UNkulunkulu wam',
Nguye olidwala lami,
Layo inqaba yam'.

23 Ehlisela phezu kwabo
Obabo ububi,
Baqunyw' ebubini babo,
NguThix' iNkos' yethu.

Isihlabelelo 95

1 Wozani sihlabelele
Kuyo yon' iNkosi,
Senz' umsindo wentokozo
'Litshen' losindiso.

2 Kasizeni phambi kwayo
Ngokubonga, njalo
Senz' umsindo wenjabulo
Ngezihlabelelo.

3 Ngoba iNkosi inguye
UThixo omkhulu,
Yinkosi enkulu phezu
Kwazo izithixo.

4 Izindawo ezinzulu
Zezwe zikuntende
Yesandla sayo; amandla
'Zintaba ngawayo.

5 Lungolwayo lon' ulwandle
Lwenziwa yiyo bo,
Izandla ezayo zenza
'Mhlab' owomileyo.

6 Wozanini siyikhonze
Sikhothame kuyo,
Kasiguqe phambi kwayo,
'Nkosi, 'Menzi wethu.

7 Ngoba unguThixo wethu,
Thina singabantu
Abelakhe lon' idlelo,
Njalo siyizo bo

Izimvu ezingezakhe
Lezo izandla bo.
Uba lamuhla lisizwa
Elakhe ilizwi,

8 Izinhliziyo ezenu
Lingaziqinisi
Njengasekucaphuleni
Ngomhla wokulinga

9 Enkangala, lapho bona
Oyihlo bang'linga,
Bangihlola-ke, babona
Umsebenzi wami.

10 Iminyaka ematshumi
Amane ubude
Ngacunulwa yilesi bo
Isizukulwana.

Ngathi: Bayona abantu
Kweyab' inhliyiyo,
Njalo abazazi zona
Izindlela zami.

11 Ngikweyam' intukuthelo
Ngafunga-ke ngathi:
Kabayikungena kukho
Ukuphum'la kwami.

Isihlabelelo 96

1 Hlabelelan' eNkosini
Yon' ingoma entsha,
Hlabelani eNkosini,
Lina lonke mhlaba.

2 Hlabelani eNkosini,
Lidumis' ibizo,
Bikan' usindiso lwayo
Insuku ngensuku.

3 Litshumayele udumo
Olwayo phakathi
Kwezizwe, lem'mangaliso
Kubo bonk' abantu.

4 Ngoba iNkosi inkulu,
Kufanel' ibongwe
Kakhulu, iyesabeka
Phez' kwez'thixo zonke.

5 Ngob' othixo abezizwe
Bonk' bayizithombe,
Kodwa yon' iNkosi yenze
Wona amazulu.

6 Inhlonipho lobukhosi
Kukho phambi kwayo,
Amandla labo ubuhle
Busendlini yayo.

7 Phanini yona iNkosi,
Lina zizwe lonke,
Liyiphe yona iNkosi
Udumo lamandla.

8 Nikan' iNkosi udumo
Lwelayo ibizo,
Lethan' umnikelo, liye
Emagumen' ayo.

9 Khonzanin' iNkosi kubo
Ubuhle obabo
Ubungcwele, yesabani
Phambi kwayo lonke.

10 Tshelanini zonk' izizwe:
INkos' iyabusa.
Lalo lona lonke izwe
Uzakulimisa

Lingaze lanyikinyeka.
Yena uzagweba
Ngokulungileyo bona
Bonke abantu bo.

11 Kawathabe amazulu,
Lijabule izwe,
Kaludume lon' ulwandle
Lokugcwala kwalo.

12 Kayithabe imimango
Lakho okukuyo:
Khona zonke izihlahla
Zegusu zithabe

13 Phambi kwayo yon' iNkosi,
Ngokuba iyeza,
Iza ukuzakugweba
Lona ilizwe bo.

Izakwahlulela izwe
Ngakho ukulunga,
Labo bonke bon' abantu
Ngeqiniso layo.

Isihlabelelo 97

1 UJehova uyabusa,
Izwe kalithabe,
Lezihlenge ezinengi
Lazo kazithabe.

2 Uphahlwe ngamayezi
Labo ubunyama,
Ukulunga lesigwebo
Yibukhosi bakho.

3 Umlilo uhamba phambi
Kwakhe, uyatshisa
Uqothul' izitha zakhe
Ezimhanqileyo.

4 Yona imibane yakhe
Yakhanyisa izwe,
Umhlaba wabona lokhu,
Wasuthuthumela.

5 Kwancibilika intaba
Njengengcino kuye,
Ebusweni bayw' iNkosi
Eyomhlaba wonke.

6 Amazulu ayabika
Ukulunga kwayo,
Bonke abantu babona
Inkazim'lo yayo.

7 Kabathuthazwe bonke nje
'Bakhonz' izithombe
Bezigqaja ngezithixo;
Mkhonzen' lonk' zithixo.

8 Yezwa yathab' iZiyoni,
'Ntombi zakoJuda
Zathokoza ngezigwebo
Zakho, Nkulunkulu.

9 Wena Nkosi, uphakeme
Kulomhlaba wonke,
Uphakanyiswe kulazo
Zonke izithixo.

10 Lina elithand' iNkosi,
Zondani ububi,
Iyalond' im'phefumulo
Yabangcwele bayo.

Yona iyabakhulula
Bona esandleni
Esingesabo bona-ke
'Bakhohlakeleyo.

11 'Kukhanya kuhlanyeelwe
Abalungileyo,
Lenjabulo abaqotho
Kuyo inhliziyo.

12 Thokozani eNkosini,
O balungileyo,
Libonge ngokukhumbula
Ubungcwele bayo.

Isihlabelelo 98

1 O hlabela ingom' entsha
ENkosini wena,
Ngoba yenzil' izimanga
Ezinkulukazi.

'Sandla sayo sokunene
Lengalo engcwele
Yayo kuzuzela yona
Khona ukunqoba.

2 INkosi yona impela
Isifakazile,
Isazisa ngosindiso
Olwayo sibili.

Ukulunga kwayo lakho
Ikwambulile nje
Yakwazis' abahedeni
Phambi kwamehlw' abo.

3 Yasikhumbul' isihawu
Leqiniso layo
Eliqonde kuyo indlu
Yakh' uIlsrayeli.

Yonke imikhawulo nje
Eyomhlaba wonke
Ilubonil' usindiso
OlweNkosi yethu.

4 Kalenze umsindo, lina,
Owokuthokoza
Kuyo iNkosi sibili,
Wena mhlaba wonke.

Lina yenzani umsindo
Omkhulukazi-ke,
Lithokoze lihlabele
Izibongo zayo.

5 Hlabelani eNkosini
Ngomhubhe, ngomhubhe
Langalo lona ilizwi
Lesihlabelelo.

6 Ngempondo lalo ilizwi
Lomhlanga yenzani
'Msindo wenjabulo phambi
Kwenkos' uJehova.

7 Kalubhonge lon' ulwandle
Lokugcwala kwalo,
Won' umhlaba kanye labo
Abahlezi kiwo.

8 'Mifula kayiqakeze
Ezayo izandla,
Lezintaba zithokoze
Zonke zindawonye

9 Phambili kwayo iNkosi,
Ngokuba iyeza
Ukuzakuwahlulela
Umhlaba wonke-ke.

Ngalokhukulunga yona
Izakuwugweba
Wonke umhlaba, labantu
Ngakho ukuqonda.

Isihlabelelo 99

1 UJehova uyabusa,
Kabaqhuqh' abantu,
Uphakath' kwamakherubi,
Lizamazam' izwe.

2 UJehova eZiyoni
Umkhulu kakhulu,
Uphakeme phezu kwabo
Bonke bon' abantu.

3 Kabadumise ibizo
Lakho elikhulu
Elesabekayo lona,
Ngokuba lingcwele.

4 Amandla awayw' inkosi
Lawo ayathanda
Isigwebo, uyamisa
Khona ukulunga.

Uyasebenzisa wena
Sona isigwebo,
Njalo lakho ukulunga
Kuye uJakobe.

5 Phakamis' iNkos' uThixo
Owethu, likhonze
Kusenabelo senyawo
Zakhe, ngob' ungcwele.

6 UMozisi loAroni
Kubapristi bakhe,
LoSamuweli phakathi
Kwabo bonke phela

Ababiz' ibizo lakhe.
Babiza iNkosi,
Yena bo uNkulunkulu
Wasebaphendula.

7 Ensikeni eyeyezi
Wakhulumo labo,
Bagcin' izimiso zakhe
Lomlay' abapha won'.

8 Wena wabaphendula, o
Nkulunkulu wethu,
Jehova. Wena-ke waba
NguNkulunkulu-ke

Yen' obathethelelayo,
Lanxa wena Nkosi,
Waphindisela izenzo
Ezabo ezimbi.

9 Lina phakamisani-ke
'Nkulunkulu wethu,
UJehova, khonzanini
Entabeni yakhe,

Entabeni eyingcwele,
Ngoba uJehova
UNkulunkulu owethu
Yena ungongcwele.

L.M. Isihlabelelo 100

1 Hubelani ngokuthaba
Ngakuye uNkulunkulu,
Lina lonke mhlaba wonke,
Lidumis' uNkulunkulu.

2 Limkhonze lilokuthaba,
Wozanini phambi kwakhe,
Lijabula lihlabele
Khon' ebukhoneni bakhe.

3 Yazini ukubana-ke
INkosi inguye mpela
UNKulunkul', osenzile
Thina, asizenzanga nje.

Thina siyibo abantu
Esenziwayo nguyena,
Njalo siyizimvu zakhe
Ezedlelo lakhe yena.

4 Ngenani emasangweni,
Libongeke lidumisa
Lasemagumeni akhe,
Libonga ibizo lakhe.

5 Ngob' iNkosi ilungile,
'Musa way' uhlezi kuze
Kube phakad', leqiniso
Lay' esizukulwaneni.

Isihlabelelo 101

1 Ngohlabelel' ngesihawu
Lakh' ukwahlulela,
Kuwe, o Jehova, mina
Ngizakuhlabela.

2 Ngizakuziphatha kuhle
Ngendlel' elungile,
O! Uzakubuya nini
Khona ngakimi na?

Ngizakuhamba phakathi
Kwayo indlu yami
Ngayo inhliziyo yami
Yon' epheleleyo.

3 Kangisoze ngilubeke
Khona phambi kwakho
Awami wona amehlo
Ulutho olubi.

Ngiyawuzond' umsebenzi
Wazw' iziphambuki,
Kawusoz' unamathele
Kimi lakanye nje.

4 Inhliziy' ephambukayo
Izasuka kimi,
Angisoze-ke ngimazi
Okhohlakeleyo.

5 Lowo onyeya owakhe
Yen' umakhelwane
Khona ngasensitha, mina
Ngizamquma yena.

Lowo ophakamileyo
Oziqakisayo
Ngenhliziyo kangisoze
Ngimyekele mina.

6 Amehlo ami azoba
Phezu kwabomhlabo,
Bon' abathembekileyo
Abasemhlabeni,

Ukuze bahlale lami.

Lowo ohambayo
Ngendlela eqotho yena
Uzakungikhonza.

7 Umkhohlisi kakuhlala
Khon' endlini yami,
Usomangase kasoze
Eme phambi kwami.

8 Ngobhubhisa ngokutshetsha
Abakhohlakali,
Ngizisuse izigangi
Emzini weNkosi.

Isihlabelelo 102

1 Nkosi, yizwa umthandazo
Wami, uvumele,
Ukuze size ngakuwe
Isililo sami.

2 Kawungabufihli kimi
Ubuso bakho bo
Ngosuku lapho uhlupho
Selungehlele m'na.

Ngizwa ngendalebe yakho bo
Ngalolo usuku,
Lapho ngikumemezayo
Tshetsha ngiphendule.

3 Ngoba izinsuku zami
Ziloba santuthu,
Lamathambo ami atsha
Njengalo iziko.

4 Ngitshayelwe inhliziy
Yabun' okotshani,
Ngaze ngakhohlwa ukudla
Esami isinkwa.

5 Ngenxa yokulila kwami
Sekunamathele
Amathambo ami kuso
Isikhumba sami.

6 Ngifana lewunk' yenhlane,
Njalo ngiyafana
Lesikhova senkangala
Esami isimo.

7 Ngayalinda mina mpela
Njengayo intaka
Ihlezi yodwa phezulu
Kwesicholo sendlu.

8 Ngiyangiswa yizitha zam'
Izinsuku zonke,
Labahlanyayo-ke ngami
Bayangifungela.

9 Ngoba sengidle umlotha
Njengaso isinkwa,
Ngivubile isinatho
Sami ngem'nyembezi,

10 Ngenxa yocunuko lwakho
Lokuthukuthela;
Ungiqongise wabuya
Wangilahla phansi.

11 Insuku zami zifana
Laso isithunzi
Esiya sinyamalala,
Ngibun' okotshani.

12 Kanti wena, Nkulunkulu,
Wohlala phakade,
Wokhunjulwa yizo zonke
Izizukulwana.

13 Wovuka uhawukele
Yona iZiyoni,
Ngoba kufike ithuba
Elokuyithanda.

14 Ngoba izinceku zakho
Zithand' amatsh' ayo,
Lalo uthuli lwakhona
Lwayo iZiyoni.

15 Ngakho amaqaba kanye
Lamakhosi ezwe,
Woyesab' inkazimulo
Yelakho ibizo.

16 Laph' iNkosi izakwakha
Yona iZiyoni,
Yobonakala ikulo
Olwayo udumo.

17 Wonanjelel' umthandazo
Wakhe oswelayo,
Angadelel' isicelo
Somthandazo wabo.

18 Lokhu kuzakulotshelwa
Usend' oluzayo,
Labantu abazadalwa
Bazabong' iNkosi.

19 Ngoba ekuyo ingqonga
Yendaw' engcwel' yakhe
Ezulwin' uNkulunkulu
Waqaza umhlaba.

20 Ukuzwa ukububula
Okwas' isibotshwa,
Akhulule labo aba-
gwetshelwe ukufa.

21 Ukubika eZiyoni
Ibizo leNkosi
Lazo izibongo zayo
EJerusalema.

22 Nxa abantu bebuthene
Layo imibuso
Ndawonye ukuyikhonza
Yonale iNkosi.

23 Endleleni waxegisa

Awami amandla,
Layo eyami imihla
Waseyifinyeza.

24 Ngath': Nkosi yam'

ungangisus'
Phakath' kwensuku zam'.
Im'nyaka yakho ihlala
Kusizukulwana.

25 Kade wasimisa isi-

sekelo somhlaba,
Lamazulu ngumsebenzi
Owezandla zakho.

26 Kuzabhubha kodwa wena

Uzakuma njalo,
Yebo konke kuzaguga
Kuphele kuthi nya.

Kuzaguga njengengubo,
Wena wokugoqa
Kuguqule njengengubo,
Kuzaguquleka.

27 Kodwa-ke wena uhlala

Njalo kokuphela,
Iminyaka yakho yonke
Kayisoz' iphele.

28 Abantwana bezinceku

Zakh' bazaqhube ka,
Lenzalo yakho yomiswa
Khona phambi kwakho.

Isihlabelelo 103

1 Bong' iNkosi, mpefum'lo wam',
Lokukimi konke
Kakubuse ibizo
Layo elingcwele.

2 Kawuyibonge iNkosi,
Wena mphefum'lo wam',
Ungaze wakhohlwa zonke
Izinuzu zo yao.

3 Yena okuxolelayo
Bonk' obakh' ububi,
Yena uyelapha zonke
Ezakho izifo.

4 Ohlenga eyakhw' impilo
Encithakalweni,
Okwethes' umqhele owo-
musa lesihawu.

5 Osuthis' umlomo wakho
Ngokulungileyo,
Uvuse ubutsha bakho
Bufuz' obokhozi.

6 INkosi isebezisa
Khona ukulunga
Lesigwebo kubo bonke
Abahlutshwayo bo.

7 Yazazisa izindlela
Zayo kuMozisi,
Lazo ezayo izenzo
Kwabako'Srayeli.

8 INkosi ilesihawu,
Njalo ilomusa,
Iphuz' ukuthukuthela,
Yand' esihawini.

9 Kayiyikuphikisana
Ngezikhathi zonke,
Kayigcin' intukuthelo
Kube laphakade.

10 Kayisiphathang' njengazo
Izono ezethu,
Kayisiphindiselanga
Ngokokubi bethu.

11 Njengokuphakam' kwezulu
Phezulu komhlaba
Sinjalw' isihawu sayo
Kwabayesabayo.

12 Njengempumalang' ihluke
Kuy' intshonalanga
Izidedisile kithi
Zonk' izono zethu.

13 Njengoyis' ehawukela
Abantwana bakhe,
Injalo iNkosi kubo
Abayesabayo.

14 Ngokuba iyazazela
Elethu ibumba,
Iyakhumbula ukuthi
Thina siluthuli.

15 Ngomuntu, insuku zakhe
Zifana lotshani,
Zinjengeluba leganga,
Yen' uyakhahlela.

16 Ngoba umoya udlula
Khona phezu kwalo
Ukuthi indawo yalo
Ingab' isalazi.

17 Kodw' isihawu seNkosi
Sisuka phakade
Siye kweliny' iphakade
Phezulu kwalabo

Abayesabayo yona,
Lakho okwayo-ke
Ukulunga kubantwana
Babantwana babo.

18 Kubo abagcin' esayo
Isivumelwano
Labakhumbula ukwenza
Eyay' imithetho.

19 INkosi ilungisile
Isihlalo sayo
Ezulwin', umbuso wayo
Uyabusa konke.

20 Bongani iNkosi, lina
Zingilosi zayo,
Lina eledlulayo bo
Ngawo won' amandla,

Lina elenza eyayo
Yona imilayo,
Lilalela lon' ilizwi
Lawayo amazwi.

21 Yibongenini iNkosi,
Lina mabandl' ayo,
Lina ezayo inceku,
Lenz' intando yayo.

22 Bonganini yon' iNkosi,
Lina lonke phela
Misebenzi yayo yonke,
Endaweni zonke

Kulo lonke jikelele
 Elombuso wayo.
 Kawuyibonge iNkosi,
 Wena mphefum'lo wam'.

Isihlabelelo 104

- 1** Bong' iNkosi, mphefum'lo wam',
 Nkosi Nkulunkulu
 Wam', umkhulu, uhlonitshwa,
 Wembath' ubukhos.
- 2** Ozigubuzele ngoku-khanya njengengubo,
 Uyelula amazulu
 Njengalo ilembu.
- 3** Omisa intungo zazo
 Ezakho izindlu
 Phakathi kwawo amanzi.
 Wena owenzayo
 Wona amayezi abe
 Ngezakhe inqola,
 Nguwe ohamba phezulu
 Kwamaphik' omoya.
- 4** Owenza izingilos
 Zakhe imimoya,
 Lezincku zakhe ama-langabi omlilo.
- 5** Owabek' izisekelo
 Zomhlaba ukuze
 Ungasuswa kuze kub
 Lanini lanini.

6 Wawugubuzela wona
 Ngenziki sangubo,
 Amanzi ema phezulu
 Kwazo izintaba.

7 Ngakho ukukhuza kwakho
 Wona abaleka,
 Ngalo izwi lokuduma
 Kwakho aphangisa.

8 Enyuka ngazo intaba,
 Ehla ngezihotsha,
 Ezawo ezindaweni
 Omisele wona.

9 Umisile umkhawulo
 'Kuze ungadlulwa,
 Angabuy' agubuzele
 Futhi-ke umhlab.

10 Uyaveza imithombo
 Khon' ezihotsheni
 Egelezayo phakathi
 Kwawo amaqaqa.

11 Inathis' inyamazana
 Zonke ezomango,
 Obabhemi bayaqeda
 Ukoma okwabo.

12 Phansi kwayo izinyoni
 Ezalo izulu
 Zilezindlu zazo, ziya-hlabel' engatsheni.

13 Utellela amaqaqa
 Esendlini yakhe,
 Umhlab' usuth' ngesithelo
 Sem'sebenzi yakho.

14 Ukhulisela inkomo

Bona utshani bo,
Njalo layo imibhida
Esenzel' abantu,

Ukuze yena alethe
Khona-ke ukudla
Ukuze kuzekuphuma
Khona emhlabeni.

15 Lalo iwayini lelo
'Lithokozisayo
Inhliziyo eyomuntu,
Njalo lamafutha

Wona awenza ubuso
Bukhanye obala,
Lesinkwa esiqinisa
'Nhliyiyo yomuntu.

16 Izihlahla zayw' iNkosi
Zigcwele ukudla,
Ihlanyel' amasedari
Khon' eLebanoni.**17** Lapho inyoni zakhela
Khona izidleke,
Indlu yengabuzane yi-
sihlahla sefiri.**18** Won' amaqaqa amade
Zinqaba zembuzi
Zasendle, law' amadwala
Azo izimbila.**19** Inyanga yayimisela
Zona izikhathi,
Ilanga lalo liyazi
Ukutshona kwalo.

20 Iyenza bon' ubunyama
Bube yibusuku,
Kuphuma ngabo izilo
Zawo won' umhlaba.

21 Zon' izilwane ezintsha
Zibonel' okwazo
Ukudla, zifun' inyama
Yaz' kuNkulunkulu.

22 Ilanga-ke liyaphuma,
Lazo zibuyelete
Emuva, ziyekulala
'Zikhundleni zazo.

23 Umuntu-ke uyaphuma,
Azihambele nje,
Ay' emsebenzini kuze
Kube kusihlwa nje.

24 O! Nkosi 'misebenzi yakh'
'Yandile kangaka.
Ingeyokuhlakanipha,
Ligcwel' inothw' izwe.

25 Njalo lolwandle lukhulu,
Lapho kulezilo
Ezingebalw' ezinkulu,
Lazo ezincane.

26 Zihamba kul' izikepe
Loleviyathani,
Yona yenzele ukuthi
Idlale phakathi.

27 Kuwe zonke zikhangele
Ukuze uziphe
Ngesikhath' esifanele
Okwazo ukudla.

28 Uyazipha, ziyabutha;
Uvula esakho
Isandla, zigcwaliseke
Ngokulungileyo.

29 Usitha ubuso bakho,
Ziyakhathazeka,
Usus' umoya, ziyafa,
Zibuyel' othulin'.

30 Uthuma umoya wakho,
Zibe sezidalwa,
Ubenza butsha ubuso
Bawo won' umhlaba.

31 Udumo lweNkosi luza-
kuma njalo njalo,
Izathokoza iNkosi
Kwim'sebenzi yayo.

32 Ikhangela kuw' umhlaba,
Uhl' uthuthumele,
Ithinta won' amaqqa,
Abese ethunqa.

33 Ngizahlabel' eNkosini
Ngisengophilayo,
Ngidumis' uThixo wami
Lapho ngisekhona.

34 Kuzaba mnandi okwami
Khon' ukumkhumbula,
Ngizakujabula kuyo
Eyami iNkosi.

35 Kaziqedwe emhlabeni
Izoni lababi.
Bong' iNkosi, mphefum'lo wam',
Dumisan' iNkosi.

Isihlabelelo 105

1 O! yibongeni iNkosi,
Bizani ibizo
Layo, lazise izenzo
Zayo ebantwini.

2 Liy'hlabel' amahubo,
Khuluman' izenzo
Lemisebenzi eyayo
Emangalisayo.

3 Lizikhulise ngebizo
Layo elingcwele,
Lijabulis' inhliziyo
Yabading' iNkosi.

4 Dingani uNkulunkulu
Law' amandla akhe,
Lidinge ubuso bakhe
Kube njalo njalo.

5 Khumbulan' imisebenzi
Yakh' eyisimanga,
Izimanga lezahlulo
Ezomlomo wakhe.

6 Lina nzalo kaAbraham',
Isisebenz' sakhe,
Bantwana bakaJakobe
Abakhethwa bakhe.

7 Yena uyiNkosi yethu,
'Nkulunkulu wethu,
Izahlulelo zakhe zi-
semhlabeni wonke.

8 Wokhumbul' uvumelwano
Lwakhe kokuphela
Alulay' kunkulungwane
Zezizukulwana.

9 'Sivumelwano asenza
Laye uAbraham',
Lesifungo asifunga
Kuye uIsaka.

10 Saqiniswa kuJakobe,
Sangumlayo kuye
Ku'Srayel', esaphakade
Isivumelwano.

11 Esithi: Ngizakunika
Izwe leKanani
Libe ngelakho ilifa
Lesabelo sakho.

12 Lapho babe balutshwana
abantu bakhona,
Yebo babe balutshwana
Abahamba kilo.

13 Basuk' isizwe lesinye
Imhlotshana yonke,
Lemibuso ngemibuso
Lakwabany' abantu.

14 Kavumanga ukoniwa
Kwenziwe ngumuntu
Kibo, yebo wawasola
Amakhosi ngabo.

15 Wathi: Lingabobathinta
Engibagcobile
Abami, lingoni labo
'Baprofethi bami.

16 Wehlisela yon' indlala
Elizweni lonke,
Wephula yona insika
Yempil' eyisinkwa.

17 Wathumela phambi kwabo
Umunt', uJosefa
Owathengiswayo khona
Abe yisigqili.

18 Bamlimaza izinyawo
Zakhe ngezibopho,
Bambopha ngamaketane
Wona awensimbi.

19 Kwaze kwafik' isikhathi
Sokuza kwelizwi
Layo, ilizwi iNkosi
Lamlinga yena bo.

20 Inkosi yathumel' izwi
Ukub' akhululwe,
Yena umbusi wabantu
Wahle wamkhulula.

21 Yamenza waba yinduna
Yendlu engeyayo,
Abuse imfuyo yayo
Yonke okwempela.

22 Ukuboph' amakhosana
Ngokuthanda kwakhe,
Afundise izikhulu
Zay' inhlakanipho.

23 UIsrayel' eGibithe
Laye wayafika,
LoJakobe wayahlala
Ezweni leHamu.

24 Wandisa abantu bakhe,
Wabenzel' amandla
Amakhulu kulalawo
Awezitha zabo.

25 Waziphendul' inhliziyo
Ukuze zizonde
Abantu bakhe, ziqile
Izinceku zakhe.

26 Wathuma yen' uMozisi
Oyinceku yakhe,
Lay' uAroni onguye
Amukhethileyo.

27 Bababonis' izimanga
Lemibono yakhe
Ebantwini lezimanga
Ezweni leHamu.

28 Wabuthuma ubunyama,
Wenza kwaba mnyama,
Njalo kabavukelanga
Elakhe ilizwi.

29 Wawaphendula amanzi
Aba yilw' igazi,
Waze wabulala zonke
Izinhlanzi zabo.

30 Ilizwe labo lagcwala
Ngawo amaxoxo,
Agcwala lasezindlini
Zaw' amakhos' abo.

31 Wakhulum-a-ke, kwavela
'Mtshitshi wempukane
Lezintwala kulo lonke
Kwelabo ilizwe.

32 Wabanisel' isiqhotho
Saba lizulu-ke,
Lawo umlil' ovuthayo
Kwelabo ilizwe.

33 Watshay' amasimu abo
Lemikhiwa yabo,
Waze wephul' izihlahla
Zelabo ilizwe.

34 Wakhuluma, ye kwavela
Zona izintethe,
Lamacimbi amanengi
Angeke abalwe.

35 Kwadla yonke imibhida
Elizweni labo,
Kwadla zonke izithelo
Zehlabathi labo.

36 Watshaya amazibulo
Wonke ezwe labo,
Ingqabutho yamndl' abo
Elizweni labo.

37 Wabakhupha lesiliva
Legolide, njalo
Kwakungekho isicubu
Ezizweni zabo.

38 IGibhithe yathokoza
Ngokuhamba kwabo,
Ngoba yatshaywa luvalo
Ngalabo abantu.

39 Wendlala lona iyezi,
Labagubuzela,
Lomlilo ngasebusuku
Wabakhanyisela.

40 Bacela, wabalethela
Zona izagwaca,
Wabasuthisa ngesinkwa
Esasezulwini.

41 Waqhekeza lon' idwala,
Kwampompoz' amanzi,
Ageleza ekomeni,
Kwaba njengomfula.

42 Wakhumbul' isithembiso
Sakhe esingcwele,
Laye yen' uAbrahama
Eyakhe inceku.

43 Wabaphumisa abantu
Bakhe ngenjabulo,
Abakhethiweyo bakhe
Ngakh' ukuthokoza.

44 Wabapha amazwe lawo
Angawabezizwe,
Badla ilifa labantu
Lomsebenzi wabo.

45 Ukuze balondoloze
Izahlulo zakhe,
Balond' imithetho yakhe.
Dumisan' iNkosi.

Isihlabelelo 106

1 Dumisan' iNkosi, liphe
Izibongo kuyo
INkosi, ngob' ilungile,
'Sihaw' simi njalo.

2 Ngubani ongakhuluma
Izenzo zeNkosi,
Nguban' ongatshumayela
Izibongo zayo.

3 Babusisiw' abagcina
Ukwahlulela bo,
Lowenz' okulungileyo
Ngezikhathi zonke.

4 Ngikhumbule lami, Nkosi,
Ngal' uthando lwakho
Olwabantu bakho, woza
Losindiso lwakho.

5 Ukuze ngibon' ubuhle
Babakhethwa bakho,
Ukuze-ke ngithokoze
Ngingothabileyo

Phakathi kwesizwe sakho,
Khona ngidumisa
Ndawonye lalo elakho
Lona lelolifa.

6 Thina sonile kakhulu
Labobaba bethu,
Sikwenzile khon' okubi,
Senze ngenkohliso.

7 Bona-ke obaba bethu
Kabezwanga zona
Izimangaliso zakho
Khona eGibithe.

Abakhumbulang' imvamo
Yesihawu sakho,
Kodwa bamcunula khona
ELwandl' oluBomvu.

8 Kodwa wasebasindisa
Ngenx' yebizo lakhe,
Ukuze wona amandla
Akhe azwakale.

9 Wakhuz' uLwandl' oluBomvu,
Kwatsh' amanzi wonke,
Wabahambis' enzikini
Njengasemangweni.

10 Wabasindis' esandleni
 Sabazondi babo,
 Wabahlenga esandleni
 Sezabo izitha.

11 Amanzi agubuzela
 Ezabo izitha,
 Kakuzange kube khona
 Loyedw' oseleyo.

12 Ngakho-ke basebekholwa
 Emazwini akhe,
 Bahlabela ingoma
 Lezibongo zakhe.

13 Masinyane bayikhohlwa
 Im'sebenzi yakhe,
 Kabazange balinnde
 'Sakh' iseluleko.

14 Kodwa-ke babekhanuka
 Kakhulu enhlane,
 Bamlinga uNkulunkulu
 Khona enkangala.

15 Wabanika isicelo
 Sabo, kodwa yena
 Wayicakisa eyabo
 Imiphefumulo.

16 Bakhwelezel' uMozisi
 Besemadumbeni,
 Lay' uAroni ongcwele
 Engowayw' iNkosi.

17 Waqhekeze ka umhlaba,
 Wamginy' uDathani,
 Waligqibela ixuku
 LikaAbiramu.

18 Kuxuku labo kwavutha
 Umlil' otshisayo,
 Ilangabi labaqeda
 Abaxhwalileyo.

19 Balenza lona ithole
 Khona eHorebi,
 Bakhulek' esithombeni
 Esibunjiweyo.

20 Ngokunjalo baphendula
 'Dumo lwabo lwaba
 Yisifaniso senkabi
 Yon' edla utshani.

21 Bakhohlwa uNkulunkulu,
 Umsindisi wabo,
 Owenz' izimangaliso
 Khona eGibithe,

22 Izimangalis' ezweni
 Lon' elikaHamu,
 Khona okwesabekayo
 OLwandl' oluBomvu.

23 Ngakho-ke wathi uzaba-
 chithachitha bona,
 Alub' uMozisi, yena
 Umkhethwa-ke wakhe,

Engamanga phambi kwakhe
 Khon' ekufohleni
 Ukuthint' ulaka lwakhe,
 Hlez' ababhuhise.

24 Yebo badelel' ilizwe
 Lona-ke elihle,
 Abazange balikholwe
 Elakhe ilizwi.

25 Kodwa basebekhonona
Emadumben' abo,
Abalalelanga izwi
Layo iNkosi bo.

26 Ngakho esakhe isandla
Wasiphakamisa
Ukuze yen' abawise
Phansi besenhlane.

27 Ukuyichitha inzalo
Yabo ezizweni,
Njalo-ke ayihlakaze
Khona emazweni.

28 Bazihlanganisa bona
LoBali-Peyori,
Badla okwahlatshelwayo
Bon' abafileyo.

29 Basebemthukuthelisa
Ngezabo izenzo,
Lobhubhane wafohlela
Khona phezu kwabo.

30 Wema-ke uFinehasi,
Wenza isigwebo,
Ngalokho-ke ubhubhane
Wasemiswa lapho.

31 Lokho kwabalelwya yena
Ukulunga kuzo
Zonke izizukulwana
Kube nininini.

32 Baphinda ukumzondisa
Kumanz' eMeriba,
Kwaba kubi kuMozisi
Ngenxa yabo bona.

33 Ngoba bacunula lowo
Umoya owakhe,
Wakhulumha ngamawala
Ngezakhe indebe.

34 Kabaziqedanga zona
Zonke lezizizwe
Abalaya ngazo yena
UNkulunkulu bo.

35 Kodwa bona bahlangana
Lab' abahedeni,
Eyabo imisebenzi
Baze bayifunda.

36 Bazikhonza izithombe
Zona-ke ezabo,
Zona zaphenduka zaba
Ngumjibila kibo.

37 Banikela umhlatshelo
Wamadodan' abo,
Lamadodakazi abo
Kubomoy' ababi.

38 Igaz' elingelacala
'Lamadodan' abo
Lamadodakazi abo
Balichithachitha,

Abanikel' ngawo kuzo
Izithombe zona
EzeKanani, lelizwe
Langcola ngegazi.

39 Njalo bangcoliswa bona
Ngem'sebenzi yabo,
Bona-ke basebephinga
Ngezabo izenzo.

40 Ngakho lwavutha ulaka
LweNkos' kubant' bayo,
Yaze yalizondela-ke
Elayo ilifa.

41 Yabanikel' esandleni
Esabahedeni,
Labo ababazondayo
Bababusa bona.

42 Zabahlupha zon' ezabo
Izitha zanqoba,
Baze bona babaphansi
Kwezabo izandla.

43 Yabakhulula kanengi,
Kodwa bayiqala
Ngawo awab' amacebo,
Behliswa yibubi.

44 Kodwa mhlana belusizi
Yabananjelela,
Lapho yona yasisizwa
Ukukhala kwabo.

45 Yasikhumbula esayo
Isivumelwano,
Yaphenduka ngaw' umusa
Wayo won' omkhulu.

46 Yakwenza ukuze bona
Babahawukele,
Bona ababathumbayo
Babe law' umusa.

47 Sisindise, Nkosi, wena
Nkulunkulu wethu,
Njalo sibutha phakathi
Kwazo zon' izizwe,

Ukuze sibong' ibizo
Lakho elingcwele,
Njalo ukuze sinqobe
Ngendumiso yakho.

48 Kayibusiswe iNkosi
UNkulunkulu ka-
Israyeli kusukela
Emaphakadeni

Kusiya kwelinje lona
Iphakade, kathi
Bonk' abantu bathi: Amen'.
Dumisan' iNkosi.

Isihlabelelo 107

1 Bonganini-ke iNkosi,
Ngoba ilungile,
Ngokuba umusa wayo
Uhlezi phakade.

2 Kabatsho-ke abahlengwa
Bayo yon' iNkosi,
Labo bona abahlengwa
Kusandla sesitha.

3 Wababutha emazweni
Kwelempumalanga,
'Ntshonalanga, lenyakatho,
Laseningizimu.

4 Bazulazula enhlane,
Bebodw' endleleni,
'Muzi wokuhlala bona
Abawutholanga.

5 Bona-ke babelambile
Njalo-ke bomile,
Imiphefumulo yabo
Yaphela amandla.

6 Basebekhal' eNkosini
Besenhluphekweni,
Yase ibakhulula-ke
Kuzinhlupho zabo.

7 Yabakhokhela ngendlela
Yon' elungileyo,
Ukuze bayefika-ke
Emzin' wokuhlala.

8 Abantu kabadumise
INkos' ngokulunga
Kwayo lezimangaliso
'Bantwanen' babantu!

9 Ngob' usuthis' ukufisa
Kwawo umphefum'lo,
Agcwalis' olambileyo
Ngokulungileyo.

10 Abahlez' ebunyameni,
'Thunzini lokufa,
Babotshiwe zinhlupheko
Lazo izinsimbi.

11 Ngoba bona bavukela
Amazwi kaThixo,
Badela icebo lakhe
Yen' oPhezukonke.

12 Wehlis' inhliziyo zabo
Ngabo ubunzima,
Baze bawa phansi bona,
Engekh' osizayo.

13 Basebekhal' eNkosini
Besenhluphekweni,
Yase ibasindisa-ke
Kuzinhlupho zabo.

14 Yabakhupha emnyameni
Lethunzin' lokufa,
Izibopho zabo bona
Yazephulaphula.

15 Abantu kabadumise
INkos' ngokulunga
Kwayo lezimangaliso
'Bantwanen' babantu!

16 Ngoba wephulile zona
'Zivalo zethusi,
Wayiquma imigoqo
Eyayo insimbi.

17 Izithutha ngenxa yazo
Zon' iziphambeko,
Labo bon' ububi babo
Ziyahlupheka bo.

18 Umphefumulo owabo
Uzonda ukudla,
Sebesondelele wona
'Masango okufa.

19 Basebekhal' eNkosini
Besenhluphekweni,
Yase ibasindisa-ke
Kuzinhlupho zabo.

20 Yathumela izwi layo,
Yasibasilisa,
Njalo yasibakhulula
Ekubhujisweni.

21 Abantu kabadumise
INkos' ngokulunga
Kwayo lezimangaliso
'Bantwanen' babantu!

22 Kabanikel' im'nikelo
Yon' eyokubonga,
Batshumayel' im'sebenzi
Yayo ngenjabulo.

23 Bon' abehlela olwandle,
Bahamba ngem'khumbi,
Besenza imisebenzi
Kwamaneng' amanzi.

24 Babona imisebenzi
EyeNkosi lazo
Izimangaliso zayo
Khona enzikini.

25 Ngokuba utsho, kuvuke
Sona isiphepho,
Siwaqubule wona-ke
Amagagas' alo.

26 Benyukela ezulwini,
Babuyele phansi,
'Mphefum'lo uncibilike
Ngenxa yenkathazo.

27 Badengezela bezula
Njengasw' isidakwa,
Ukuhlakanipha kwabo
Sekubaphelele.

28 Basebekhal' eNkosini
Besenhluphekweni,
Yase ibakhupha yona
Ezinhluphekweni.

29 Wenz' isiphepho sichume,
Ukuze kuthi-ke
Won' amagagasi aso
Aze apheli du.

30 Ngakho-ke kabajabule,
Ngoba sebethule,
Wabaletha ethekwini
'Lesifiso sabo.

31 Abantu kabadumise
INkos' ngokulunga
Kwayo lezimangaliso
'Bantwanen' babantu!

32 Akuth' bayiphakamise
Kubandla labantu,
Bayidumis' kumhlangano
Wabo abadala.

33 Iyayenza imifula
Ibe yinkangala,
Lemithombo ibe njenge-
lizw' elomileyo.

34 Izwe elivundileyo
Libe ligwadule
Ngobubi babantu balo
Abahlala khona.

35 Iyayenza yon' inhlane
Ibe yiziziba,
Lomhlaba owomileyo
Im'thombo yamanzi.

36 Khonapho-ke ihlalisa
Abalambileyo,
Ukuze balungisele
Um'zi wokuhlala.

37 Bahlanyela amasimu
Njalo lezivini,
Okuthelay' izithelo
Zona ezinengi.

38 Iyababusisa yona,
Ukuze bande-ke,
Kayivum' inkomo zabo
Ukuthi zinciphe.

39 Babuye banciphe bona,
Njalo bathotshiswe
Ngokubandezelwa kwabo
Lohlupho losizi.

40 Ithela ihlazo phezu
Kwaw' amakhosana,
Iwenz' azule enhlane
Okungelandlela.

41 Iphakamis' osweleyo
Kulo lon' uhlupho,
Iyenza zona insapho
Zibe njengomhlambi.

42 'Balungileyo bobona
Njalo bathokoze,
Okubi konke kovala
Won' umlomo wakho.

43 Low' ohlakaniphileyo
Loqaphelis' lokhu,
Bazaqedisis' uthando
Lwayo yon' iNkosi.

Isihlabelelo 108

1 Nkulunkulu, 'nhliziyu yam'
Imi iqinile,
Ngizahlabel' izibongo
Langodumo lwami.

2 Vukanini, livuke bo,
Lin' hubo lechacho,
Mina ngokwami ngovuka
Ekusen' kakhulu.

3 Ngizakubonga iNkosi
Phakathi kwabantu,
Ngizahlabelela kuwe
Phakathi kwezizwe.

4 Ngoba isihawu sakho
Sikhulu siphezu
Kwezulu, leqinis' lakho
Lifik' emafini.

5 Phakama, o wena Nkosi,
Phezu kwamazulu,
Lalo olwakho udumo
Phezu kwezwe lonke.

6 Ukuze abathandwayo
Bakho bakhululwe,
Sindisa ngesandla sakho
Sokunene, ngizwa.

7 Ikhulumile iNkosi
Isebungcweleni,
Ngokuthaba ngizalaba
Lona iShekemu.

8 Ngoltinganis' isigodi
EsaseSukothi,
IGiladi ingeyami,
Laye uManase.

UEfremu ungamandla
Awekhanda lami,
UJuda laye ngakimi
Ungumnikimthetho.

9 IMowabi ingumganu
Wokugezela m'na,
Ngolahl' inyathela lami
Phezu kweEdoma.

10 Ngizanqob' iFilistiya.
Nguban' ozangisa
Kumuzi oqinileyo?
Ngisiw' eEdoma?

11 Kungebe nguwe Nkosi na
Obusilahlile?
Obengasahambi lawo
Amabutho ethu?

12 Siphe-ke wena uncedo
Ekuhluphekeni,
Ngoba olomuntu lona
Uncedo luyize.

13 NgoNkulunkulu sonqoba,
Ngoba kunguyena
Ozazigxobela phansi
Ezethu izitha.

Isihlabelelo 109

1 Ungaze wagcina wena
Ukuthula kwakho,
Wena Nkulunkulu wakho
Ukubonga kwami.

2 Ngoba umlomo wababi,
Futhi-ke umlomo
Wabo abakhohlisayo,
'Vulekile kimi.

Bona-ke bakhulumile
Bemelene lami
Ngalo ulimi olwabo
Lona olwamanga.

3 Bangigombolozele bo
Ngamazwi enzondo,
Besilwa lami ngaphandle
Kwaso isizatho.

4 Ngothando lwami bayizo
Zon' izitha zami,
Mina ngizinikele bo
Kuko umthandazo.

5 Njalo bangiphe umvuzo
Wobubi ngobuhle,
Bangipha layo inzondo
Ngal' uthando lwami.

6 Ubeke indoda embi
Khona phezu kwakhe,
LoSathane amhlalele
Ngakwesokunene.

7 Uzakuthi laph' egwetshwa,
Umyekel' alahlwe,
Ukuthi won' umthandazo
Wakh' ube yisono.

8 Insuku zakhe kazibe
Mfitshane zinciphe,
Akuth' omunye athathe
Isikhundla sakhe.

9 Akuth' abantwana bakhe
Baswele uyise,
Laye umkakhe kabe-ke
Nguy' umfelwakazi.

10 Akuth' abantwana bakhe
Bazule lelizwe,
Bacel' ukudla bedinga
Khona enkangala.

11 Akuthi umbolekisi
Amthathele konke,
Lezihambi zimemuke
Konk' akwenzileyo.

12 Kakungabi lesihawu
Esiwi kuye,
Kungabi khona uthando
Kubantwana bakhe.

13 Kayiqunyw' inzalo yakhe
Kusizukulwana
Esizayo, kalicitshwe
Elabo ibizo.

14 Kakukhunjulwe ububi
Boyise kw'iNkosi,
Njalo singasuswa sona
'Sono sikanina.

15 Kakube phambi kweNkosi
Kokuphela kume,
Iqume ukukhunjulwa
Kwabo emhlabeni.

16 Ngoba kakhumbulanga-ke
Ukuba les'hawu,
Kodwa wazingela bona
Abangabayanga

Layw' indodan' esweleyo.
Ukubabulala
Bon' abadabukileyo
Ezinhliziyweni.

17 Yena othand' ukuthuka,
Kakuze kuyena,
Ongathab' kusibusiso,
Sibe kude laye.

18 Njengoba wazigqokisa
Ngakho ukuthuka
Wakwenza kwaba yingubo
Yon' eyokwembatha,

Kakubuye ngakuyena
Ngaphakathi kwakhe
Samanzi, njengamafutha
'Mathanjeni akhe.

19 Akube yingubo yakhe
Ayembathileyo,
Lozwezwe azibophile
Ngalo njalonjalo.

20 Lokhu kakube ngumvuzo
WeNkos' kuzitha zam',
Abakhuluma okubi
Ngomphefum'lo wami.

21 Nkulunkulu Nkos', ngenzela
Ngal' ibizo lakho,
Isihawu sakho sihle,
Ngikhulule mina.

22 Ngoba ngingumyanga njalo
Min' angilalutho,
Phakathi kwam' inhliziyo
Ilimele futhi.

23 Ngedlule njengesithunzi
Nxu sesifinyela,
Ngiyazulazula njalo
Njengayo intethe.

24 Amadolw' am' adiniwe
Ngenxa yokuzula,
Lenyama yam' idiniwe
Iswel' amafutha.

25 Ngibe lihlazo ngakibo
Nxu bengikhangelu,
Bangikhangelu-ke baze
Banikin' ikhanda.

26 Nginceda, Nkulunkul' Nkosi Yam', ungisindise Ngaso sona isihawu Esingesakho bo.

27 Ukuze babone bazi Ukuthi isandla Lesi ngesakho, o Nkosi Ukwenzile lokhu.

28 Kabathuke, kodwa wena Busisa; bavuke Bayangiswe, kodw' eyakho Incek' ithokoze.

29 'Zitha zami kazingqoke Zona izinhloni, Kabazembathis' ihlazo Njengayo ingubo.

30 Ngizadumisa iNkosi Mpela ngomlomo wam', Yebo ngizayidumisa Phakathi kwabantu.

31 Izakuma kwesokudla Somyanga, ukuze Imsize kwabalahlayo Umphefum'lo wakhe.

L.M. Isihlabelelo 110

1 Yath' iNkosi kw'iNkosi yam': Hlal' esandleni sokudla, Ngize ngenz' izitha zakho 'Senabo senyawo zakho.

2 UNkulunkul' uzathuma Intonga yawakhw' amandla EZiyoni, busa wena Phakathi kwezitha zakho.

3 Abantu bakho bovuma Bezinikela ngosuku Lwaho awakho amandla, Ngobuhle bab' ubungcwele,

Kuwo umdabuko wakho Ukusa kuza kulowo Amazolo ekuseni Angawab' ubutsha bakho.

4 'Nkos' ifung', ayiphenduki, Wena unguye umpristi Ongapheliyo ngohlobo Lwakhe uMelkizedeki.

5 INkos' esandleni sakho Sokunene yochoboza Amakhosi ngal' usuku Lwalo ulaka olwayo.

6 Izakwahlula phakathi Kwezizw' ezingayaziyo, Igcwalise ngezidumbu Ezabo abafileyo.

Izakulimaza wona Amakhanda azo zona Izinhloko ezamazwe Amanengi emhlabeni.

7 Izakunatha-ke kiso Isifula endleleni, Ngakho izaphakamisa Lona elayo ikhanda.

Isihlabelelo 111

1 Idumiseni lina bo INkosi le yona, Ngizayidumisa mina Yona-ke iNkosi

Ngayo inhliziyo yami,
Khon' emhlanganweni
Owabo bon' abaqotho
Lakulo ibandla.

2 Imisebenzi yeNkosi
'Mikhul', iyadingwa
Yibo bonke labo bona
'Bathokoza ngayo.

3 Uyazisek' umsebenzi
Wayo olodumo,
Ukulunga khon' okwayo
Kuhlala phakade.

4 Yayenz' im'sebenzi yayo
Emangalisayo
Ikhunjulw', iNkosi ilo-
musa lesihawu.

5 Ibanikile ukudla
Abayesabayo,
Yokhumbul' uvumelwano
Lwayo njalonjalo.

6 Yabonis' abantu bayo
'Mandla em'sebenzi
Yayo, ukuze ibaphe
Ilifa lezizwe.

7 Zil'qiniso lesigwebo
'Zenzo zesandl' sayo,
Lemilayo yayo yonke
Iqinisekile.

8 Kumisiwe kuze kube
Ngokulaphakade,
Kwenziwe ngalw' iqiniso
Langakh' ukulunga.

9 Yathomela lon' uhlengo
Kub' abantu bayo,
Yalaya uvumelwano
Olulaphakade.

Lingcwele lona elayo
Yebo ibizo bo,
Njalo liyesabeka-ke
Elayo ibizo.

10 Khona-ke ukumesaba
Yen' uNkulunkulu
Kuyikhona ukuqala
Kokuhlakanipha.

Ukuqedisis' okuhle
Kukwabayenzayo
Imilayo, lodum' lwayo
Lumi laphakade.

Isihlabelelo 112

1 Dumisanini bo, lina
Yona iNkosi le,
Uyabusiswa umuntu
Owesab' iNkosi,

Lowo othokozayo bo
Ngokukhulukazi
Kuyo imithetho yayo
Engeyayw' iNkosi.

2 Izoba lamndl' inzalo
Yakhe emhlabeni,
Isizukulwana saba-
qotho sobusiswa.

3 Yona imfuyo lenotho
Kusendlini yakhe,
Ukulunga kwakhe kumi
Ngokungapheliyo.

4 Kuy' oqotho kuyaphuma
 'Kukhany' emnyameni,
 Ulomusa njal' ugcwele
 'Sihaw' lokulunga.

5 Olungileyo uphatha
 Ngomus' aboleke,
 Esekel' indaba zakhe
 Kuhle ngokulunga.

6 Qotho kayikunyikinywa
 Yena njalonjalo,
 'Lungileyo wokhunjulwa
 Kube laphakade.

7 Kayikwesab' imibiko
 Emib', inhliziyo
 Yakhe iqinisekile,
 Ithembu iNkosi.

8 Inhliziyo yakh' imiswe,
 Kasoze esaba,
 Abon' isifiso sakhe
 Ezitheni zakhe.

9 Unikile abayanga,
 Ukulunga kwakhe
 Kumi njal', uphondo lwakhe
 Luzoba lodumo.

10 Omub' uzabon' azonde,
 Agedl' amazinyo,
 Anyamalal', isifiso
 Sababi sophela.

Isihlabelelo 113

1 Dumisani yon' iNkosi,
 Liyidumise-ke
 Zinceku zeNkosi, bonga
 Ibizo leNkosi.

2 Kalibusiswe ibizo
 Elayo iNkosi
 Kusukela khathesinje
 Kube laphakade.

3 Kusuk' ilanga liphuma
 Lize liyetshona,
 Kalidunyiswe ibizo
 ElikaJehova.

4 Yon' iNkosi iphakeme
 Phezu kwezizwe zonk',
 Udumo lwayo luphezu
 Kwawo amazulu.

5 Ngubani ofana layo
 Yon' iNkosi yethu,
 UNkulunkulu ohlezi
 Khona ngaphezulu,

6 Ozithobisayo yena
 Ukuthi abone
 Izintw' ezisezulwini
 Lakuwo umhlabu!

7 Uphakamisa umyanga
 Aphum' othulini,
 Aphakamis' oswelayo
 Kunqumbi yomquba

8 Ukuz' amhlalise yena
 Law' amakhosana,
 Ngitsho won' amakhosana
 Awabo abantu.

9 Uyenza inyumba ibe
 Lendlu, engunina
 Wabantwan' othokozayo.
 Dumisan' iNkosi.

Isihlabelelo 114

1 Nxa waphum' uIsrayeli
EGibithe, lendlu
KaJakobe ebantwini
Bolimi lwezizwe,

2 UJuda waba yindawo
Yakhe eyingcwele,
LoIsrayeli-ke waba
Ngowakhe umbuso.

3 Ulwandle lwaselubona
Khona, lwabaleka,
IJordani lafuqelwa
Khonale emuva.

4 Izintaba zaqolotsha
Njengazo inqama,
Lamaqaqanyana eqa
Njengamazinyane.

5 Ulani na, wena lwandle,
Ukuth' ubaleke?
Lawe Jordani ukuze
Ufuqelw' emuva?

6 Lani zintab' ezeqayo
Njengazo inqama?
Lan' intatshan' ezeqayo
Njengamazinyane?

7 Thuthumela, wena mhlaba,
Kubuso beNkosi,
Ebusweni bukaMlimu,
Mlimu kaJakobe.

8 Yena owenza idwala
Laphenduk' ichibi,
Itshe eliqinileyo
Umthombo wamanzi.

Isihlabelelo 115

1 Kakungabi kithi, Nkosi
Kakungabi kithi,
Kodwa kakube kwelakho
Lona ibizo bo

Phanini udumo, ngenxa
Yesihawu sakho
Njalo langenxa yalo bo
Iqiniso lakho.

2 Ngani ukuthi izizwe
Zithi: Ungaphi na
Khona khathesi owabo
Yen' uNkulunkulu?

3 Kodw' uNkulunkulu wethu
Ukhon' ezulwini,
Wenzile loba kuyini
Yen' akuthandayo.

4 Izithombe zabo ziyi-
sil'va legolide,
Zingumsebenzi wezandla
Zabo bon' abantu.

5 Zilemilomo kodwa-ke
Zon' kazikhulumi,
Zilamehlo kodwa zona
Kaziboni lutho.

6 Zilezindlebe kodwa-ke
Kazizwa sibili,
Zilazo izimpumulo
Kodwa kazinuki.

7 Zilezandla, kaziphathi,
Lenyawo kodwa-ke
Kazihambi, lemiphimbo
Kodw' azikhulumi.

8 Abazibazayo bona
 Bafanana lazo,
 Unjalo-ke laye wonke
 Othembela kuzo.

9 Wena Israyeli, themba
 Kuyona iNkosi,
 Yona ingumsizi wabo
 Lesihlangu sabo.

10 Ndlu kaAroni, yethemba
 Kuyona iNkosi,
 Ingumsizi wabo njalo
 Lesihlangu sabo.

11 Lina eliyesabayo
 Yona iNkosi le,
 Yithembeni, ingumsizi
 Lesihlangu sabo.

12 INkos' isinanzelele,
 Izasibusisa,
 Lay' indlu kalIsrayeli,
 Layw' ekaAroni.

13 Izakubusisa bona
 Abayesabayo
 INkosi, bon' abakhulu
 Lab' abancinyane.

14 Izakulandis' iNkosi
 Ngokuphindiweyo,
 Wena labo bonke bona
 Abantwana bakho.

15 Ilibusisile lina
 Yona-ke iNkosi,
 Eyenze lona izulu
 Lawo won' umhlaba.

16 Izulu law' amazulu
 Angaway' iNkosi,
 Kodwa umhlaba uwuphe
 Abantwan' babantu.

17 Kabayibongi iNkosi
 Bon' abafileyo,
 Lalabo abatshonayo
 Khon' ekuthuleni.

18 Kodwa thina sizabonga
 'Nkosi khona manje
 Kuze kube nininini.
 Dumisani Nkosi.

Isihlabelelo 116

1 Ngiyayithanda iNkosi,
 Ngokub' ilizwile
 Lona elami ilizwi
 Lezicelo zami.

2 Ngokuba ingilalele
 Ngizabiza kuyo
 Ngazo zonke izikhathi
 Khona ngisaphila.

3 Izinsizi zakh' ukufa
 Zingizungezile,
 Lazw' ihlungu zesihogo
 Zingibambile m'na
 Njalo ziphezu kwami bo,
 Ngasengifumana
 Izinhlupheko lazo-ke
 Zona izinsizi.

4 Ngabiz' ibizo leNkosi;
 Nkosi ngikuncenga,
 Wena khulula wona bo
 Umphefum'lo wami.

5 Ilomusa yon' iNkosi,
Njalo ilungile,
Yeb' uNkulunkulu wethu
Ungolesihawu.

6 INkosi ilondoloza
'Bathobekileyo,
Ngangithotshiselwa phansi
Yase ingisiza.

7 Mphefum'lo wami, buyela
'Kuphum'leni kwakho,
Ngob' iNkosi ikuphethe
Ngomusa omkhulu.

8 Mphefum'lo wam' ekufeni
Uwusindisile,
Lamehlw' ezinyembezini
Lenyaw' ekuweni.

9 Ngizakuhamba ngiphambi
Kwayo yon' iNkosi,
Ngikulo ilizwe labo
Bon' abaphilayo.

10 Mina ngakholwa, ngakho-ke
Ngasengikhulumu,
Mina ngangihluphekile
Kakhulu sibili.

11 Ngatsho-ke kukho okwami
Khon' ukuphangisa:
Bona-ke bonkeabantu
Baqamba amanga.

12 Ngizabuyiselani na
Kuyo yon' iNkosi,
Ngayo yonke yon' inzuzo
Eyayo ngakimi?

13 Ngizakuthatha inkezo
Yalo usindiso,
Ngibe sengibiz' ibizo
Elayo iNkosi.

14 Ngizagcwalis' izifungo
Zami eNkosini
Phambi kwababantu bayo
Bonke khathesinje.

15 Kuligugu emehlwani
Awayo iNkosi
Khona ukufa kongcwele
Yen' olungileyo.

16 O! Nkosi ngokweqiniso
Ngiyinceku yakho,
Ngiyinceku eyakho bo,
Eyiy' indodana,

Indodana eyayo bo
Yon' incekukazi,
Usuzikhululile bo
Izibopho zami.

17 Ngizanikel' umnikelo
Kuwo wokubonga,
Njalo ngizabiza lona
Ibizo leNkosi.

18 Ngizagcwalis' izifungo
Zami eNkosini
Phambi kwabantu beNkosi,
Bonke behlangene.

19 Phakathi kwamagum' endlu
ENkosi, phakathi
Kwakho, o Jerusalema.
Libonge iNkosi.

Isihlabelelo 117

1 Dumisani uJehova,
Lina zizwe lonke,
Mdumiseni lina lonke
Yebo, lin' abantu.

2 Ngoba isihawu sakhe
Esilomusa-ke
Sikhulu kakhulukazi
Khona ngakithina,
Leqiniso layw' iNkosi
Limi njalo njalo.
Kaliyidumise lina
Yona-ke iNkosi.

Isihlabelelo 118

1 O! bonganini iNkosi,
Ngoba ilungile,
Ngoba isihawu sayo
Sihlezi phakade.

2 Katsho yen' uIsrayeli
Khathesi ukuthi
Isihawu sayo sona
Simi njalo njalo.

3 Kayitsho-ke yona indlu
KaAron' khathesi
Ukuth' isihawu sayo
Simi njalo njalo.

4 Abatsho bona khathesi
Abesab' iNkosi
Ukuth' isihawu sayo
Simi njalo njalo.

5 Ngasengibiza iNkosi
Ngisenkathazweni,
Yaphendula yangibeka
Endawen' ebanzi.

6 INkosi iyangimela,
Kangiyikwesaba.
Kuyini yena umuntu
Angakwenza kimi?

7 INkosi iyangimela
Labangisizayo,
Ngobon' isifiso sami
Kwabangizondayo.

8 Kungcono ukuthembela
Khona eNkosini
Kulokuba lalw' ithemba
Kuyena umuntu.

9 Kungcono ukuthembela
Khona eNkosini
Kulokubeka ithemba
Kuw' amakhosana.

10 Zona-ke izizwe zonke
Sezingihanqile,
Kodwa ngebizo leNkosi
Ngizakuzichitha.

11 Zingihanqile-ke mina,
Yebo zangihanqa,
Kodwa ngebizo leNkosi
Ngizakuzichitha.

12 Zangihanqa njengenyosi,
Zacitsh' okomlilo
Wameva, ngoba ngebizo
LeNkos' ngozichitha.

13 Usungitshayile mina
Kakhulu ngamandla
Ukuze ngiwe, kodwa-ke
INkos' yangisiza.

14 INkosi ingamandl' ami
Njalo layw' ingoma,
Yaphinda yaba yilona
Usindiso lwami.

15 Ilizwi lothokozayo
Lalo usindiso
Lizwakala ezindlini
Zabalungileyo.

Esokunene isandla
Sayo yon' iNkosi
Siyasebenza-ke sona
Ngabo ubuqhawe.

16 Isandla esokunene
Esayo iNkosi
Siphakanyisiwe njalo
Senza ngobuqhawe.

17 Kangiyikufa mina bo,
Kodwa ngizaphila,
Ngitshumayele izenzo
Ezayo iNkosi.

18 INkosi ingitshayile
Kabuhluntu, kodwa
Ayinginikelanga bo
Khona ekufeni.

19 Ngivulele amasango
Awakh' ukulunga,
Ngizakungena kuwo bo,
Ngidumis' iNkosi.

20 Isango leli leNkosi
Ngalo bona labo
Abalungileyo bona
Bazangena ngalo.

21 Ngizakubonga ngobana
Ungizwile mina,
Njalo usube yilona
Usindiso lwami.

22 Ilitshe elaliwayo
Yibona abakhi
Selibekwe laba yiyo
Inhloko yegumbi.

23 Lokhu kuyikwenza kwayo
Yona iNkosi nje,
Kuyiso son' isimanga
Emehlwani ethu.

24 Lolu yilona usuku
INkos' ilwenzile,
Kasithokoze-ke njalo
Sithabe kulona.

25 O sindisa-ke Jehova,
Ngikuncenga Nkosi,
Ngiyakuncenga khathesi,
Leth' impumelelo.

26 Ubusisiwe ozayo
Ngebizo leNkosi,
Thina silibusisile
Sisendlin' yeNkosi.

27 UNkulunkulu yiNkosi,
Yen' osibonise,
Esibonis' ukukhanya,
Ukukhany' impela.

Bopha wona umnikelo
 Ngazo izintambo,
 Ngitsho lakuzo impondo
 Zona ezelathi.

28 UNGU Nkulunkulu wami,
 Ngizakukubonga,
 UNGU Nkulunkulu wami,
 Ngokuphakamisa.

29 Bonganini uJehova,
 Ngoba ulungile,
 Ngoba isihawu sakhe
 Sihlezi phakade.

Isihlabelelo 119

ALEPH α

1 Babusisiw' abaqotho
 Kuyona indlela,
 Abahamba emlayweni
 OngokaJehova.

2 Babusisiw' abalonda
 Imilayo yakhe,
 Bona abadinga yena
 Ngenhliziyo yonke.

3 Abangakwenziy' okubi
 Okweziphambeko,
 Bayahamba endleleni
 Zon' ezingezakhe.

4 Wena usulayezele
 Ukuthi silonde
 Imilayo yakho wena
 Ngokukhuthala bo.

5 O! kungathi izindlela
 Zami zonke zona
 Ngaziqondiswa, ngilonde
 Imithetho yakho.

6 Ngakho kangisoze ngibe
 Lenhloni, nxa mina
 Ngiqaphela yona yonke
 Imilayo yakho.

7 Ngokubona ngobuqotho
 Benhliziyo, lapho
 Ngifund' izahlulo zakho
 Ezilungileyo.

8 Ngizakuzilondoloza
 Izimiso zakho,
 Akungangitshiyi mina
 Ngokupheleleyo.

BETH β

9 Ijaha lingayihlanza
 Kanjani indlela
 Yalo na? Ngokuqaphela
 Imilayo yakho.

10 Ngikufune ngenhliziyo
 Yami yona yonke,
 Kangingaphambuki kuyo
 Imithetho yakho.

11 Izwi lakho ngilifihle
 Enhliz'yweni yami,
 Ukuze ngingoni mina
 Ngimelane lawe.

12 Ubusisiwe bo wena
 Ye, o wena Nkosi,
 Ngifundise izimiso
 Zona ezakho-ke.

13 Ngendebe zami kangithi
Ngizitshumayele
Izahlulelo zonke-ke
Ezomlomo wakho.

14 Ngithokozil' endleleni
Yezilayezelo
Ezakho njengenothweni
Enkulukazi bo.

15 Ngizazindla ngikuyona
Imilayo yakho,
Ngiziqaphele indlela
Ezomthetho wakho.

16 Ngizazithabisa mina
Ngemilayo yakho,
Kangisoze ngilikhohlwe
Elakho ilizwi.

GIMEL ג

17 Yandisel' inceku yakho
Okuhle, ukuze
Ngiphile, ngilondoloze
Lon' ilizwi lakho.

18 Vula amehlo awami
Ukuze ngibone
Okumangalisayo bo
Emthethweni wakho.

19 Ngiyisihambi nje lapha
Emhlabeni mina,
Kawungangifihleli bo
Imilayo yakho.

20 Umphefum'lo wami wona
Wephukile ngakho
Ukunxwanel' izahlulo
Zakho kokuphela.

21 Basol' abaziqhenyayo
Abathukiweyo,
Bona abaphambukayo
Em'layweni yakho.

22 Susa phezu kwam' inhloni
Lakh' ukudelela,
Ngokuba ngizigcinile
Izimiso zakho.

23 Amakhosana ahlala
Etsh' okubi ngami,
Inceku yakho yazindla
Ngemilayo yakho.

24 Izilayezelo zakho
Ziyilokhu mina
Okungithokozisayo,
Ziyangeluleka.

DALETH ד

25 Unamatel' othulini
Umphefum'lo wami,
Kawungivuse mina nje
Ngokwelizwi lakho.

26 Mina-ke ngizibikile
Izindlela zami,
Wang'phendula, ngifundisa
Imilayo yakho.

27 Ungichasisel' indlela
Yemilayo yakho,
Ngokhulum' ngemisebenzi
Yakhw' eyisimanga.

28 Umphefumulo owami
Uyaphel' amandla
Ngalusizi, ngiqinise
Ngokwelizwi lakho.

29 Susa ngakimi indlela
Eyamanga yona,
Unginik' umlayo wakho
Ngokomusa wakho.

30 Ngiyikhethile indlela
Eyalw' iqiniso,
Ngizibekil' izahlulo
Zakho phambi kwami.

31 Nginamathele-ke kuzo
Izilayo zakho,
Ungangithelel' inhloni,
Wena oyINkosi.

32 Ngigijima endleleni
Yemithetho yakho,
Lapho woyenz' ibe banzi
Inhliziyo yami.

HE n

33 Nkosi, ngifundis' indlela
Yemithetho yakho,
Ngizakuyilondoloza
Kub' ephakadeni.

34 Ngiphe ukuqedisisa,
Ng'lond' umlayo wakho,
Yebo, ngowulondoloza
Ngenhliziyo yami.

35 Ngihambisa endleleni
Yemilayo yakho,
Ngokuba mina uqobo
Ngithokoza kuyo.

36 Khangelisa inhliziyo
Yam' kubufakazi
Obakho, ukuze yona
Ingabi lomhawu.

37 Susa amehlo awami
Angabuki ize,
Ungiphilise-ke mina
Endleleni yakho.

38 Qinisa ilizwi lakho
Kuyw' inceku yakho,
Yona ezinikeleyo
Ekukwesabeni.

39 Susa ihlazo elami
Engilesabayo,
Ngokuba zon' izigwebo
Zakho zilungile.

40 Khangela ngizifisile
Izimiso zakho,
Ngivuselele-ke kikho
Ukulunga kwakho.

VAU I

41 Kasize kim' isihawu
Sakho, wena Nkosi,
Lalo usindiso lwakho
Ngokwelizwi lakho.

42 Kothi ngizophendulele
Kuy' ongigconayo,
Ngokuba mina ngithembba
Elakho ilizwi.

- 43** Kawungalisusi mpela
Izwi leqiniso
Kumlomo wami, ngithemba
Em'layweni yakho.
- 44** Kothi ngiyilondoloze
Imithetho yakho
Kokuphela, ngiyigcina
Kube njalo njalo.
- 45** Ngizakuhamba-ke mina
Ngikhululekile,
Ngokuba sengidingile
Imilayo yakho.
- 46** Ngizakuzitshumayela
Izilayezelo
Kuko amakhosana-ke,
Ngingabi lenhloni.
- 47** Mina ngizakuthokoza
Ngezilayezelo
Zakho, zona lezo mina
Engizithandayo.
- 48** Ngiphakamis' izandla zam'
Kumlayo wakh' engi-
wuthandayo, nginakane
Imilayo yakho.
- 49** Khumbula lona ilizwi
Encekwini yakho,
Owangenza ukuthi nje
Ngithembele kulo.

ZAIN 1

- 50** Yile induduzo yami
Kuzinhlupho zami,
Ngokuba ilizwi lakho
Lingiphilisile.
- 51** Bona abazigqajayo
Bangihlek' kakhulu,
Kodwa kangiphambukanga
Emlayweni wakho.
- 52** Ngakhumbula izigwebo
Zakho zasendulo,
O! Nkosi mina sengaze
Ngaziduduza bo.
- 53** Ngabanjwa yisesabiso
Ngenxa yabo labo
Ababi bon' abatshiya
Imilayo yakho.
- 54** Izimiso zakho zaba
Yiyona ingoma
Yami, kuyo indlu yami
Eyobuhambuma.
- 55** Ngikhumbule lon' ilizwi
Lakho Nkosi khona
Ebusuku, ngigcinile
Umlayo owakho.
- 56** Lokhu ngilakho ngokuba
Ngigcinile zona
Ezakho zona lezo nje
Izimiso zakho.

CHETH n

57 Uyisabelo sam', Nkosi,
Mina sengitshilo
Ukuthi ngolondoloza
Law' amazwi akho.

58 Ngakuncenga ngenhliziyo
Yona yonk' eyami,
Woba law' umusa kimi
Ngokwelizwi lakho.

59 Nganakan' indlela zami,
Ngaziphendulela
Izinyawo zami zona
Em'layweni yakho.

60 Ngiphangisile sibili,
Angilibalanga
Ukulondoloza yona
Imilayo yakho.

61 Zingithandele kakhulu
Intambo zababi,
Kodwa kangiukhohlwanga
Umlayo owakho.

62 Ngizakuvuka phakathi
Kobusuk', ukuze
Ngikubonge ngokulunga
Kwezigwebo zakho.

63 Ngingumngane wabo bonke
Abakwesabayo,
Lalabo abagcinayo
Imilayo yakho.

64 Umhlabu ugcwele sona
Isihawu sakho
Nkosi, akungifundise
Imilayo yakho.

TETH o

65 Uyenzel' inceku yakho
Khona okuhle nje,
Wena Nkosi, ngokwalo nje
Elakho ilizwi.

66 Ngifundise ukwahlula
Okulungileyo
Lolwazi, ngoba ngikholve
Imilayo yakho.

67 Ngingakahlupheki mina
Ngalahleka, kodwa
Khathesi ngiligcinile
Elakho ilizwi.

68 Wena yebo ulungile,
Wenza ukulunga,
Ngifundise yona leyo
Imilayo yakho.

69 Bangiqambela amanga
Abazigqajayo,
Ngizagcin' im'layo yakho
Ngenhliziyo yonke.

70 Inhliziyo yab' igcwele
Amafutha, kodwa
Mina-ke ngiyathokoza
Emlayweni wakho.

71 Kungilungele ukuthi
Mina-ke ngihlutshwe,
Ukuze-ke ngifunde nje
Izimiso zakho.

72 Umlayo womlomo wakho
Ungcono ngakimi
Ngaphezu kwezigidi ze-
golide lesil'va.

JOD'

73 'Zandla zakho zingenzile,
Zangibumba, ngiphe
'Kuqedisisa, ngifunde
Imilayo yakho.

74 Abakwesabayo bona
Bazakungibona
Bathokoze, ngoba mina
Ngithemb' izwi lakho.

75 Ngiyazi Nkosi, ukuthi
Izahlulo zakho
Zilungile, wangihlupha
Ngok'thembeka kwakho.

76 'Sihawu sakho kasibe
Yinduduzo yami
Njengokwelizwi elakho
Encekwini yakho.

77 Isihawu sakho size
Kimi-ke ngiphile,
Ngokuba umlayo wakho
Yintokozo kimi.

78 Kababe lenhloni bona
Abazigqajayo,
Ngokuba bangiqilile
Ekwenzeni kwabo.

Bangiqilile ngaphandle
Kwaso isizatho,
Kodwa ngizazindla ngazo
Izimiso zakho.

79 Ababuyelete-ke kimi
Abakwesabayo
Lubo bonk' abayaziyo
Imilayo yakho.

80 Akuth' inhliziyo yami
Iphelele kuzo
Zon' izimiso ezakho,
Ngingabi lanhloni.

CAPH ↗

81 Umoya wam' uyaphela,
Uswel' usindiso
Lwakho, kodwa ngithembile
Elizwini lakho.

82 Amehlw' ami ayaphela
Ngilind' izwi lakho
Ngisakhulumu ukuthi:
Ngoduduzwa nini?

83 Mina nginjengembollela
Esentuthwini nje,
Angizikhohlwanga zona
Izimiso zakho.

84 Insuku zenceku yakho
Zingaki na zona?
Uzabagweba nini na
Abangihluphayo?

85 Abaziphakamisayo
Bangimbel' im'godi,
Abangahambiyo bona
Ngokomlayo wakho.

86 Imilayo yakho yonke
Yon' ithembekile,
Bona bangihlupha kubi;
Akungisize bo.

87 Baphose bangiqeda nje
Emhlabeni, kodwa
Kangiyitshiyanga yona
Imilayo yakho.

88 Ngivuse ngasw' isihawu
Sakho, ngiyagcina
Zona izilayezelo
Zaw' umlomo wakho.

LAMED ↗

89 Nkosi, ilizwi elakho
Lihlezi khonale
Liqinile ezulwini
Kub' ephakadeni.

90 Lusezizukulwaneni
Uthembeko lwakho,
Umisile won' umhlaba
Umi uqinile.

91 Kusemi-ke lalamuhla
Njengem'layo yakho,
Ngokuba konke kuyizo
'Zisebenzi zakho.

92 Ub' ubungesintokozo
Yam' umlayo wakho,
Ngabe sengabhubha kuyo
Inhlupheko yami.

93 Angisoze ngayikhohlwa
Imilayo yakho,
Ngokuba ngayo-ke yona
Wen' ungivusile.

94 Mina-ke nginguy' owakho,
Akungisindise,
Ngoba sengiyidingle
Imilayo yakho.

95 Ababi bangilindele
Ukungibulala,
Kodwa ngizananzelela
Izimiso zakho.

96 Ngibonile ukucina
Kokuphelel' konke,
Kodwa won' umthetho wakho
Ubanzi kakhulu.

MEM ↷

97 Yeka ukuthanda kwami
Umlayo owakho,
Ungumnakano wami-ke
Usuku lonke nje.

98 Wena ngemilayo yakho
Ngahlakanipha-ke
Okwedlul' izitha zami,
Ngob' zihlezi lami.

99 Ngiqedisia kulabo
Abafundisi bam',
Ngoba mina nginakana
Ngemilayo yakho.

100 Ngilakh' ukuqedisia
Kulabakudala,
Ngokuba ngilondoloza
Imithetho yakho.

101 Ngithintil' inyawo zami
Ezindlelen' zonke
Ezimb', ukuze ngigcine
Ilizwi elakho.

102 Angisukanga-ke mina
Kwezakhw' izahlulo,
Kungenxa yokuthi wena
Ungifundisile.

103 Amnandi kangak' amazwi
Akho emlonyeni,
Amnandi emlonyeni wam'
Okwedlul' uluju.

104 Ngemithetho yakho yona
Ngiyaqedisisa,
Ngakho ngiyazonda zonke
'Zindlela zamanga.

NUN ↗

105 Izwi lakho yisibane
Enyaweni zami,
Lokukhanya kuyo yona
Indlela eyami.

106 Sengifungile njalo-ke
Ngizakwenz' ukuthi
Ngigcin' izimiso zakho
Ezilungileyo.

107 Ngihluphekile kakhulu,
Ngivuse o Nkosi,
Ngenxa yalo lon' ilizwi
Ilizwi elakho.

108 Yemukela im'nikelo
Yomlomo owami
Nkosi, akungifundise
Izigwebo zakho.

109 Umphefumulo owami
'Sesandleni sami
Njalonjalo, kodwa kangi-
khohlw' umthetho wakho.

110 Ababi bangibekele
Umjibila, kodwa
Kangiduhanga-ke mina
Emlayweni wakho.

111 Ngitheth' izimiso zakho
Njengelifa njalo,
Ngoba ziyiw' intokozo
Yenhliziyo yami.

112 Ngimisel' inhliziyo yam'
Ukugcin' im'thetho
Yakho njalonjalo kuze
Kube sek'pheleni.

SAMECH ♂

113 Ngiyazond' imikhumbulo
Yon' eyilo ize,
Kodwa mina ngiyathanda
Umlayo owakho.

114 Wena uyisiphephelo
Sami lesihlangu,
Ngiyathembela ngakuwe
Kulo izwi lakho.

115 Sukanini kimi lina
Elenzay' okubi,
Ngoba ngolond' imilayo
EyeNkosi yami.

116 Ngisekele ngokwelizwi
Lakho, ngiphile-ke,
Ngingaze ngaba lenhloni
Ngalw' ithemba lami.

117 Ngiqinise ngovikelwa,
Njalo ngohlonipha
Zona izimiso zakho
Kube njalonjalo.

118 Wena ugxobile bonke
Abaphambukayo
Emilayweni, obabo
'Buqili buyize.

119 Wolahla ababi bonke
Bomhlaba njengayo
Ingcekeza, ngizathanda
Izimiso zakho.

120 Inyama yami yaqhuqha
Ngokwesaba wena,
Njalo mina ngiyesaba
Izahlulo zakho.

AIN ν

121 Ngenzile ukwahlulela
Lokulungileyo,
Ungangitshiyi-ke mina
Kwabangihluphayo.

122 Yiba ngummeli kunceku
Yakho ngokulunga,
Ungavum' oziqhennyayo
Angihluphe mina.

123 Amehlo am' afiphala
Elind' usindiso
Lwakho lalo lon' ilizwi
Lokulunga kwakho.

124 Yenza encekwini yakho
Ngesihawu sakho,
Njalo ungifundise bo
Imilayo yakho.

125 Ngiyinceku yakho, ngipha
Ukuqedisisa,
Ukuze ngiqond' ezakho
Izifikazelo.

126 Sekuyisikathi lesi
Usebenze Nkosi,
Ngokuba sebedelile
Umthetho owakho.

127 Ngakho mina ngiyathanda
Imilayo yakho
Okwedlula igolide
Elicengiweyo.

128 Ngivuma yonk' imilayo
Ezintweni zonke
Ukuthi ilungile bo.
Ngizonda amanga.

PE ♀

129 Izilayezelo zakho
Ziyamangalisa,
Ngakho umphefum'lo wami
Uzilondoloza.

130 Ukwambulwa kwezwi lakho
Kunik' ukukhanya,
Kunik' ukuqedisisa
Kuye ongaziyo.

131 Ngakhamis' umlomo wami,
Ngangikhefuzela,
Ngokuba nganginxwanela
Imilayo yakho.

132 Kakungikhangele mina,
Ungihawukele
Njengenhlalayenza kwaba-
thand' ibizo lakho.

133 Khokhelel' inyawo zami
Elizwini lakho,
Ungavumeli ububi
Bubuse phezu kwam'.

134 Uhlupho lwabo abantu
Ngikhulule kilo,
Ngize mina ngiwugcine
Won' umthetho wakho.

135 Yenza obakho ubuso
Bukhanyel' inceku,
Njalo akungifundise
Imilayo yakho.

136 Imifula eyamanzi
Igeleza kuwo
Amehlw' ami, ngoba kaba-
gcin' umthetho wakho.

TZADDI ✕

137 Ulungile wena Nkosi,
Sibili kakhulu,
Futhi ziqondile zona
Izigwebo zakho.

138 Izifikazelo zakho
Uzenzile wena
Zilungile zikholeka
Kakhulukazi bo.

139 Inkuthalo yami yona
Isingidlile bo,
Ngoba zon' izitha zami
Zikhohlw' izwi lakho.

140 Ilizwi elakho lona
Licengek' kakhulu,
Ngakho-ke yona inceku
Yakhw' iyalithanda.

141 Mina ngimncinyane njalo
Bayangidelela,
Kodwa mina angikhohlwa
Owakho umthetho.

142 'Kulunga kwakho kukhona
Ngokungapheliyo,
Njalo won' umthetho wakho
Uyilw' iqiniso.

143 Uhlupho lokububula
Sekwehlele kimi,
Imilayo yakho yona
Yintokozo yami.

144 'Kulunga kobufakazi
Bakho kuphakade,
Nginik' ukuqedisisa,
Mina ngizaphila.

KOPH ♂

145 Ngenhliziyo yami yonke
Ngakhala, ungizwe
Nkosi, ngizakuyigcina
Imilayo yakho.

146 Ngakhalela ngakuwena:
Akungisindise,
Ngizazigcina ezakho
Izifikazelo.

147 Ngandulele ukukhanya
Kokus' ekuseni,
Ngakhala, mina ngathemb
Elizwini lakho.

148 Amehlw' ami aqalela
'M'lindo yobusuku
Ukuze ngizindle ngalo
Elakho ilizwi.

149 Yizwa ilizwi elami
Ngokothando lwakho,
Nkosi, uze ungivuse
Ngesigwebo sakho.

150 Bayasondela eduze
Abenza okubi,
Njalo bona bakhatshana
Law' umthetho wakho.

151 Wena useduze Nkosi,
Njalo futhi yona
Eyakho yonk' imilayo
Iyil' iqiniso.

152 Ngobufakazi obakho
Ngazile kudala
Ukuthi ubumisile
Ngokungapheliyo.

153 Nanzelel' uhlupho lwami,
Akungisindise,
Ngoba angikhohlwa wona
Owakho umthetho.

154 Ngincengele ngendaba
yam',
Akungikhulule,
Ungivuselele mina
Ngokwelizwi lakho.

155 Usindiso lukhatshana
Labakhohlakele,
Ngoba bona abadingi
Imithetho yakho.

156 Sikhul' isihawu sakho,
Wena oyiNkosi,
Ngivuse kuvumelane
Lezigwebo zakho.

157 Baneng' abahluphi bami
Lazw' izitha zami,
Kodwa-ke angiphambuki
Kufakazo lwakho.

158 Ngakhangel' izequmlayo,
Zangicunula m'na,
Ngoba abaligcinanga
Elakho ilizwi.

159 Bona ukuthanda kwami
Owakho umlayo.
Ngivuselele-ke Nkosi
Ngokomusa wakho.

160 Izwi lakho liqiniso
Kwasekuqaleni.
Konk' ukwahlulel' okuhle
Kuhlezi phakade.

RESH 7

161 Izikhulu zing'hluphile
Zingelasizatho,
Kodwa inhliziyo yami
Yesab' izwi lakho.

162 Mina-ke ngiyathokoza
Ngelakho ilizwi
Njengalowo ofumana
Impango enkulu.

163 Ngiyazonda ngisenyanya
Umqambi wamanga,
Kodwa owakho umthetho
Ngiyawuthanda bo.

164 Kasikhombisa ngosuku
Ngiyakudumisa
Ngenxa yokugweba kwakho
Okulungileyo.

165 Balokuthul' okukhulu
Abathand' umthetho
Wakho, njalo kabalakho
Okuzabakhuba.

166 Nkosi ngithembele kulo
Usindiso lwakho,
Njalo ngiyenzile yonke
Imilayo yakho.

167 Ngicinile ngomphefum'lo
'Bufakazi bakho,
Njalo ngiyabuthanda-ke
Kakhulukazi bo.

168 Ngicinil' umthetho wakho
Lab' ubufakazi,
Ngoba zonk' indlela zami
Zikho phambi kwakho.

169 Kakuze phambili kwakho
Nkos', ukukhala kwam',
Ngiphe ukuqedisisa
Ngokwelizwi lakho.

170 Kawubuye umthandazo
Wami phambi kwakho,
Akunginike uncedo
Ngokwelizwi lakho.

171 Indebe zomlomo wami
Zizakukubonga
Nxa usungifundisile
Imithetho yakho.

172 Luzakhuluma ulimi
Lwami ngezwi lakho,
Ngoba yonk' im'layo yakho
Iyikh' ukulunga.

173 Akuthi isandla sakho
Singincede mina,
Ngoba ngikhethile yona
Imithetho yakho.

174 Ngiyalufisa olwakho
Lona usindiso,
Nkosi, umthetho owakho
Yinjabulo yami.

175 Kawuphile umphefum'lo
Wam', uzakubonga,
Akuth' izigwebo zakho
Zingincedise bo.

176 Ngilahlekile njengemu;
Ding' inceku yakho,
Ngoba kangikhohlwa mina
Imilayo yakho.

Isihlabelelo 120

1 Ekuhluphekeni kwami
Ngakhalela khona
Ngakuyo iNkosi, njalo
Wangizwa mina-ke.

2 Nkosi, khulul' umphefum'lo
Wami endebeni
Zamanga laselimini
Olukhohlisayo.

3 Uzakunkwani wena?
Kumbe kwenziweni
Ngakuwena limi lolu
Olukhohlisayo?

4 Imitshoko ebukhali
Yawo amaqhawe
Lawo wona amalahle
Awawo umnondo.

5 Maye bo kimi ukuthi
Ngihlal' eMesheki,
Ngihlale emathenteni
AwaseKedari!

6 Umphefum'lo wami kade
Wahlala wona bo
Laye lowo ozondayo
Khona ukuthula.

7 Mina ngiyafisa khona
Ukuthula, kodwa
Nxa ngithi ngiyakhulum
Bona bafis' impi.

Isihlabelelo 121

1 Ngizaphakamis' amehlo
Am' ezintabeni
Lapho okuvela khona
Olwami usizo.

2 Usizo lwami luvela
Ngakuyo iNkosi,
Yona eyalenz' izulu
Lawo won' umhlaba.

3 Kasoz' avumel' unyawo
Lwakho lutshelele,
Yon' ekugcinayo wena
Kayiyikozela

4 Khangela yon' egcinayo
Yen' uIsrayeli
Kayilakh' ukuwozel
Ngitsho lokulala.

5 INkosi ngumgcini wakho
Law' umthunzi wakho
Ngakuso sona esakho
'Sandla sokunene

6 Alisoze likutshaye
Ilanga emini,
Ayisoze ikutshaye
Lenyang' ebusuku.

7 Izakuvikel' iNkosi
Kibo bonk' ububi,
Lawo umphefum'lo wakho
Izakuwugcina.

8 INkosi izakulonda
Ukuphuma kwakho
Lokungena kwakho manje
Kub' ephakadeni.

Isihlabelelo 122

1 Ngathokoza nxa besithi
Kimi: Kasihambe
Siye kuyo yona indlu
EngekaJehova.

2 Inyawo zethu zokuma
Ngaphakathi kwawo
Wona amasango akho,
Wena Jerusalem'.

3 Yakhiw' iJerusalema
Njengawo umuzi,
Njengawo wona umuzi
Olokuhlangana.

4 Laph' izizwe zenyukela
Khonale phezulu,
Izizwe ezayw' iNkosi
Ziqonda phezulu

Kuso isifikazelo
SikaIsrayeli,
Ukuze zona zibonge
Ibizo leNkosi.

5 Kubekiwe izihlalo
Ezokwahlulela,
Izihlalo zobukhos
Zendlu kaDavida.

6 Khulekelan' ukuthula
KweJerusalema,
Bazaphumelela bona
Abakuthandayo.

7 Ngaphakathi kwemiduli
Kube lokuthula,
Lempumelelo ngakizo
Izigodlo zakho.

8 Ngenxa yabo abangane
Lab' abazalwane
Sengiyakutsho ukuthi:
Ukuthula kuwe.

9 Ngenxa yendlu yay' iNkosi,
Yen' uMlimu wethu,
Ngizakukudingela bo
Ukulunga kwakho.

Isihlabelelo 123

1 Ngiphakamisa amehlo
Ami ngakuwena,
Wen' ohlala phezulu le
Khona ezulwini.

2 Bheka, njengoba amehlo
Azw' inceku zakho
Akhangela kusw' isandla
Samakhosi azo,

Njengamehlw' encekukazi
Enkosikazini,
Anjalo amehlo ethu
Alindel' iNkosi,

Yen' uNkulunkulu wethu,
Simlindele njalo,
Aze abe lesihawu
Khona phezu kwethu.

3 Woba lesihawu kithi,
Nkosi hawukela,
Ngoba thina sesigcwele
Khon' ukudelelwa.

4 Mphefum'lo weth' usugcwele
Khona ukuhleka
Kwabo abonwabileyo
Labaziqhenyayo.

Isihlabelelo 124

- 1** Aluba yona iNkosi
Ibingasimeli,
UIsrayeli angatsho,
Angakutsho lokho,
- 2** Aluba yona iNkosi
Ibingasimeli
Lapho bona-ke abantu
Babesisukela,
- 3** Babelakh' ukusiginya
Thina-ke siphila,
Lapho olwabo ulaka
Lwalusivuthela.
- 4** Ngasagutshuzelw' ngamanzi
Umfula, ngaweqa
Phezu kwawo umphefum'lo
Wona low' owethu.
- 5** 'Magagas' aphakemeyo
Ayezakudlula
Ngaphezulu kwawo wona
Umphefum'lo wethu.
- 6** Kayibongwe yon' iNkosi,
Ngoba ingazange
'Sinikel' emazinyweni
Awabo sidliwe.
- 7** Umphefum'l' uphunyukile
Njengenyoni kiwo
Umjibila owomthiyi,
Uqam'ke saphepha.
- 8** Olwethu lona usizo
Lukulo ibizo
LeNkosi, yona eyenza
Izulu lomhlaba.

L.M. Isihlabelelo 125

- 1** Abathemba yon' iNkosi
Banjengentab' iZiyoni
Engeke inyikinyeke,
Emi ngokungapheliyo.
- 2** Njengentaba ezihanqe
IJerusalema, layo
INkosi kubantu bayo
Ibavikela phakade.
- 3** Ngoba intonga yababi
Kayiyikuhlala phezu
Kwaso sona isabelo
Sabo abalungileyo.

Hlezi abalungileyo
Bona belulele zona
Ezabo izandla kukho
Ukwenza ukungalungi.
- 4** O Nkosi, yenza okuhle
Kwabalungileyo, yebo
Lakubo bon' abaqotho
Ezinhliziyweni zabo.
- 5** Labo abaphambukayo
INkosi izabahola
Labo abenza okubi,
Ukuthula ku'Srayeli.

Isihlabelelo 126

- 1** Yathi iNkos' ibuyisa
'Kuthunjwa kweZiyon'
Saba njengabaphuphayo
Wona amaphupho.

2 Kwath' umlomo won' owethu
Wagcwala uhleko,
Njalo lal' ulimi lwethu
Lakh' ukuhlabela.

Basebesithi bona-ke
Phakathi kwezizwe:
INkosi isibenzele
Izint' ezinkulu.

3 INkosi yon' isenzele
Izint' ezinkulu,
Ngakho-ke thina sonke-ke
Sesithokozile.

4 Phendula Nkos', ukuthunjwa,
Hawu wena Nkosi,
Njengazo izifudlana
Ezikhon' ezansi.

5 Bona abahlanyelayo
Ngayo im'nyembezi
Bona-ke bazakuvuna
Ngakh' ukuthokoza.

6 Lowo ophuma ekhala
Ethwel' ihlanyelo
Eligugu elikhulu
Uzathi abuye

Sibili wobuya futhi
Yena ejabula
Ethwele inyanda zakhe,
Yeb' esiza lazo.

Isihlabelelo 127

1 Aluba yona iNkosi
Ingayakhi indlu
Basebenzela lon' ize
Bon' abayakhayo.

Nxa iNkosi ingagcini
Wona-ke umuzi
Umlindi ulindela-ke
Kodwa lona ize.

2 Kuyize kini-ke lina
Eliphangisayo,
Ukuvuka ekuseni
Lihlale kuhlwe nje,

Lidla sona lesosinkwa
Esalo usizi,
Ngoba upha ubuthongo
Abathandwa bakhe.

3 Khangel' abantwana yilo
Ilifa leNkosi,
Lesithelo sas' isisu
Singumvuzo wayo.

4 Njengemitshok' esandleni
Salo lon' iqhwae,
Banjalo-ke abantwana
Babo bon' ubutsha.

5 Iyajabula indoda
Elasto esayo
Isamba esigcweleyo
Sigcwaliswe ngabo.

Kabayikuba lanhloni,
Kodwa abantwana
Bazakhulumu lezitha
Ngakulo isango.

Isihlabelelo 128

1 Bayabusisa bonke nje
Abayesabayo
Yona iNkosi, behamba
Ngezindlela zayo.

2 Uzakudla umsebenzi
Owezandla zakho,
Wothokoza njalo kuwe,
Kuzakuba kuhle.

3 Umkakho uzakufana
Lalo-ke ivini
Elithelayw' eceleni
Kwayo indlu yakho.

Abantwana bakho boba
Njengosab' lomhlwathi,
Bagombolozele lona
Itafula lakho.

4 Khangela kuthi kunjalo
Yen' uyabusiswa
Umuntu oyesabayo
Yona iNkosi bo.

5 INkosi yokubusisa
IseZiyon', ubon'
Okuhle kweJerusalem'
Empilweni yakho.

6 Yebo uzakubabona
Abantwana babo
Abantwana bakho, uku-
thula ku'Srayeli.

Isihlabelelo 129

1 Kanengi bangihluphile
Kwasebutsheni bam',
Kungathi uIsrayeli
Khathesi angathi:

2 Kanengi bangihluphile
Kwasebutsheni bam'
Kodwa kabazange bona
Bangehlule mina.

3 Abalimi balimile
Khon' emhlana wami,
Bayenz' imisele yabo
Yaba mide yona.

4 Ilungile yon' iNkosi,
Iqume phakathi
Zona izibopho zonke
Zabakhohlakali.

5 Kabajabhiswe-ke bonke,
Babuyiselwe nje,
Bona abangabazonda
Yona iZiyoni.

6 Kabafanane lotshani
Phezu kwaz' izindlu
Obubuna bungazange
Bukhule-ke bona.

7 Obusikayo kasoze
Agcwalis' isandla
Sakhe, loboph' izithungo
Izingalo zakhe.

8 Labo bon' abadlulayo
Kabasoze batsho
Khon' ukuth': Isibusiso
Sayo yon' iNkosi

Kasibeke phezu kwenu.
Siyalibusisa
Ngalo lona nje ibizo
Elayo iNkosi.

Isihlabelelo 130

1 Ngakhalela ngakuwena,
Mina-ke o Nkosi,
Ngiphakathi kwayo yona
Inziki ephansi.

2 Zwana izwi lami, Nkosi,
Izindlebe zakho
Zilalele lon' ilizwi
Lokuncenga kwami.

3 Alubana wena, Nkosi,
Uqaphel' izono,
O Nkosi, ungubani na
Yena ozakuma?

4 Kodwa-ke kanti kukhona
Ukuthethelelwa
Ngakuwe, ukuze wena
Wesatshwe-ke yibo.

5 Ngalindela eNkosini,
Umphefum'lo wami
Uyalinda, elizwini
Layo ngiyathemba.

6 Mphefum'lo wam' ulindele
INkos' okwedlula
Labo abalind' ukusa,
Ngitsho bona labo.

7 "Srayeli kathemb' iNkosi,
Ngoba eNkosini
Kulesihawu lohlengo
'Lunengi lukuyo.

8 Njalo izakumhlenga bo
Yen' uIsrayeli
Kuzo zonke ezakhe nje
Zon' iziphambeko.

L.M. Isihlabelelo 131

1 Nkosi, inhliziyo yami
Ayilakho ukuzidla,
Lawami amehlo wona
Kawaziphakamisi-ke,

Njalo kangingeni kuzo
Izindaba ezinkulu
Lakuzo izinto ezi-
phakeme kakhulu kimi.

2 Qotho ngizophethe kuhle,
Ngabuya ngazithulisa,
Ngaba njengaye umntwana
Yena olunyuliweyo,

Elunyulwa kuy' unina.
Owami umphefumulo
Unjengaye-ke umntwana
Yena oselunyuliwe.

3 Akuthi uIsrayeli
Athembe yona iNkosi
Kusukela khona manje
Kuze kube nininini.

Isihlabelelo 132

1 Nkosi kawumukhumbule
UDavida, njalo
Zona zonke ezakhe-ke
Izinhlupheko bo.

2 Ukuthi yena wafunga
ENkosin', wafunga
KuJehova olamandla,
Yen' okaJakobe.

3 Qotho angisayikuza
Kuyo indlu yami,
Njalo angisoze ngaya
Embhedeni wami,

4 Angisoze ngawanika
Awami amehlo
Ubuthongo, lokozela
Kuz' inkophe zami,

5 Ngize ngiyifumanele
INkosi indawo
Yokuhlala oLamandla
Yen' okaJakobe.

6 Khangela sizwile ngakho
Khona eEfratha,
Sakufumanisa khona
Kunsimu yemithi.

7 Sizakungena kwezakhe
Izindlu, sikhonze
Sikuso isenabelo
Sezinyawo zakhe.

8 Sukuma, o Nkosi, kukho
Ukuphum'la kwakho,
Wena lawo umtshokotsho
Wawakho amandla.

9 Kabathi abaprisiti
Bakho bagqokiswe
Ngokulunga, abangcwele
Bakho kabathabe.

10 Ngenxa yenceku eyakho
'Davida ungaze
Wabuphendula ubuso
Bogcotshiwe wakho.

11 Yon' iNkosi ifungile
Iseqinisweni,
Yathi kuye uDavida,
Aiy'kuphenduka:

Ngizamis' inzalo yakho
'Sithelo somzimba
Owakho esihlalweni
Sakho sobukhosi.

12 Uba abantwana bakho
Bezakusigcina
Isivumelwano sami,
Lobufakazi bam'

Engizakubafundisa,
Abantwana babo
Bazahlal' esihlalweni
Sakho laphakade.

13 Ngoba iNkosi ikhethe
'Ziyoni, yathanda
Yona-ke ibe yindawo
Yayo yokuhlala.

14 Lokhu yikuphum'la kwami
Ngokungapheliyo,
Ngizahlala lapha ngoba
Sengiyifisile.

15 Ngizabusisa kakhulu
Khon' okungokwayo,
Ngosuthisa abayanga
Bayo ngokudla bo.

16 Ngembese abaprisiti
Bayo ngosindiso,
Labangcwele bayo bathab',
Bamemez' kakhulu.

17 Ngenze olukaDavida
Uphondo luhlume,
Ngimmisele isibane
Ogcotshiweyo wam'.

18 Ngizazambathis' inhloni
Izitha ezakhe,
Kodwa uzaphumelela
Ngakuye umqhele.

Isihlabelelo 133

1 Khangela kuhle kangaka,
Kumnand' ukuhlala
Kwabazalwane ndawonye,
Babe nhliziyonye.

2 Kunjengawo amafutha
Aligugu phezu
Kwalo ikhanda ehlela
Kuzo izindevu,

Ngitsho zona izindevu
Ezakh' uAroni,
Az' ehlel' emphethelweni
Wezambatho zakhe.

3 Njengamazol' eHermoni
Esehla khonapho
Ezintaben' eZiyoni
Wona wawukhona.

Ngokuba yona iNkosi
Yayilayezile
Isibusiso, impilo
Engulaphakade.

Isihlabelelo 134

1 Bheka, dumisan' iNkosi,
Lonk' nceku zeNkosi,
Lina elihlal' endlini
YeNkos' ebusuku.

2 Phakamisani izandla
Zenu endaweni
Yona eyingcwele, njalo
Libonge iNkosi.

3 INkosi eyenze lona
Izulu lomhlaba
Kayikubusise, yebo
Yon' iseZiyoni.

Isihlabelelo 135

1 Dumisani yon' iNkosi,
Dumisan' ibizo
LeNkosi, yidumiseni,
Zinceku zeNkosi.

2 Lin' elimiyo endlini
Eyayo iNkosi,
Emagumeni awendlu
AweNkosi yethu.

3 Dumisan' iNkosi, ngoba
INkos' ilungile,
Dumisan' ibizo layo,
Ngokuba kumnandi.

4 Ngob' iNkos' izikhethelle
UJakobe, laye
UIsrayeli ukuba
'Mfuy' ayikhethile.

5 Ngoba ngiyazi ukuthi
INkosi inkulu,
INkosi yethu iphezu
Kwabo bonk' othixo.

6 Konke yena uJehova
Akuthandayo-ke
Wakwenza lokh' ezulwini,
Njalo lakwenzayo

Khona lapha emhlabeni,
Lakhona olwandle,
Lakuzo zonke indawo
Ezitshonileyo.

7 Owenza yona inkungu
Ukuthi yenyuke
Emikhawulwen' yomhlaba,
Wenzela izulu

Yona imibane, njalo
Ubuya alethe
Wona umoya ovela
Kwezakh' iziphala.

8 Owatshay' amazibulo
AwaseGibithe,
Wona awabo abantu
Lezinyamazana.

9 Wathumel' izitshengiso
Lezimangaliso
EGibithe lakuFaro
Lakunceku zakhe.

10 Owatshaya zon' izizwe
Ezinkulukazi,
Wabulala amakhosi
Alawo amandla.

11 USihon' inkosi yama-
Amoni, loOgi
Inkosi yaseBashane,
Lem'buso yeKanan'.

12 Banika ilizwe labo
Ukuba yilifa,
Ilifa lika'Srayeli
Abakhe abantu.

13 Nkosi, limi njalonjalo
Elakho ibizo,
Lokwakho ukukhunjulwa
Kuzizukulwana.

14 INkosi izakugweba
Bon' abantu bayo,
Izakuba lesihawu
Kuzinceku zayo.

15 Izithombe ezezizwe
Ziyilw' isiliva
Legolide, umsebenzi
Wezandla zabantu.

16 Zona zilomlomo kodwa
Kazikhulumi-ke,
Zona zilamehlo kodwa
Kazilakubona.

17 Zona zilendlebe kodwa
Kazilakh' ukuzwa,
Njalo umoya kawukho
Em'lonyeni yazo.

18 Bona abazenzayo bo
Bafanana lazo,
Unjalo-ke yena wonke
Othembela kuzo.

19 Bongani yona iNkosi,
Ndlu kaIsrayeli,
Bongani yona iNkosi,
O ndlu kaAroni.

20 Bongani yona iNkosi,
O ndlu yakh' uLevi,
Lina elesab' iNkosi,
Bongani iNkosi.

21 Kayibongwe yon' iNkosi
Ekul' iZiyoni,
Ehlez' eJerusalema,
Dumisan' iNkosi.

Isihlabelelo 136

1 O bonganini iNkosi,
Ngoba ilungile,
Ngoba isihawu sayo
Simi njalo njalo.

2 O bonganini uThixo
Wazo izithixo,
Ngoba isihawu sakhe
Simi njalo njalo.

3 O bonganini iNkosi,
'Nkosi yamakhosi,
Ngoba isihawu sayo
Simi njalo njalo.

4 Kuyo yodwa eyenzayo
Imimangaliso,
Ngoba isihawu sayo
Simi njalo njalo.

5 Kuyo eyenza izulu
Ngokwayo ukwazi,
Ngoba isihawu sayo
Simi njalo njalo.

6 Kuyo eyendlal' umhlaba
Phezu kwaw' amanzi,
Ngoba isihawu sayo
Simi njalo njalo.

7 Kuyo eyenz' izibane
Ezinkulukazi,
Ngoba isihawu sayo
Simi njalo njalo.

8 Ilang' ukuze libuse
Ngayo-ke imini,
Ngoba isihawu sayo
Simi njalo njalo.

9 Inyanga lezinkanyezi
'Kubus' ebusuku,
Ngoba isihawu sayo
Simi njalo njalo.

10 Kuy' eyatshay' iGibithe
Kumazibulw' abo,
Ngoba isihawu sayo
Simi njalo njalo.

11 Yamkhupha uIsrayeli
Phakathi kwabo nje,
Ngoba isihawu sayo
Simi njalo njalo.

12 Ngesandla esilamandla
Lengalw' eluliwe,
Ngoba isihawu sayo
Simi njalo njalo.

13 Kuy' eyaquma kibili
ULwandl' oluBomvu,
Ngoba isihawu sayo
Simi njalo njalo.

14 Yamchaphis' uIsrayeli
Phakathi kwalo ngqo,
Ngoba isihawu sayo
Simi njalo njalo.

15 Yachith' uFaro lebutho
KuLwandl' oluBomvu,
Ngoba isihawu sayo
Simi njalo njalo.

16 Kuyo eyahol' abantu
Bayo kwelenhlane,
Ngoba isihawu sayo
Simi njalo njalo.

17 Kuy eyatshay' amakhosi
Wona amakhulu,
Ngoba isihawu sayo
Simi njalo njalo.

18 Yabulala amakhosi
Won' adumileyo,
Ngoba isihawu sayo
Simi njalo njalo.

19 USihoni oyinkosi
EyamaAmori,
Ngoba isihawu sayo
Simi njalo njalo.

20 Laye uOgi inkosi
EyaseBashane,
Ngoba isihawu sayo
Simi njalo njalo.

21 Yapha ilizwe elabo
Libe-ke yilifa,
Ngoba isihawu sayo
Simi njalo njalo.

22 Lelifa kuIsrayeli
Oyinceku yayo,
Ngoba isihawu sayo
Simi njalo njalo.

23 Yon' eyasikhumbulayo
Lapho sisephansi,
Ngoba isihawu sayo
Simi njalo njalo.

24 Njalo yon' isihlengile
Ezitheni zethu,
Ngoba isihawu sayo
Simi njalo njalo.

25 Ephalukudla kuyona
Inyama yonke nje,
Ngoba isihawu sayo
Simi njalo njalo.

26 O bongan' uNkulunkulu,
Yen' owamazulu,
Ngoba isihawu sakhe
Simi njalo njalo.

Isihlabelelo 137

1 Ngasemfulen' yeBabilon'
Sahlala phansi, ye,
Salila nxa sikhumbula
Yona iZiyoni.

2 Sayiphanyek' imihube
Yonale eyethu
Eminyezaneni khona
Ephakathi kwayo.

3 Ngokuba lapho labo-ke
Abasithathayo
Besithumbile bafuna
Sihlabel' ingoma,

Lalabo abasimotsha
Bafuna ingoma,
Bethi: Sihlabel' enye
'Ngoma yeZiyoni.

4 Singahlabela kanjani
Ingoma yeNkosi
Thina sihlezi ezweni
Elabasemzini?

5 Nxa ngikukhohlw' Jerusalem',
Esami isandla
Sokunene kasikhohlwe
Ubuciko baso.

6 Uba ngingakukhumbuli,
Akuthi ulimi
Lwami lunamatheLane
Lolwanga lomlomo.

Nxa ngingayikhethi yona
IJerusalema
Ngaphezulu kwenjabulo
Eyami enkulu.

7 Khumbula, o wena Nkosi,
Abantwana bakhe
UEdoma ngal' usuku
LweJerusalema,

Abathi: Lidilizeni,
Dilizani lona,
Kuze kufik' ematsheni
Awesisekelo.

8 Ntombi yaseBabiloni
Ozakubhujiswa,
Wobusiswa okuphatha
Njengaw' usiphethe.

9 Uyakubusiswa yena
Othath' abantwana
Bakho, abasakazele
Khona ematsheni.

Isihlabelelo 138

1 Ngokubonga ngenhliziyo
Yami yonke yona,
Phambi kwabonkulunkulu
Ngizakudumisa.

2 Ngizakhonza ngikhangele
Kuthempeli lakho
Elingcwele, ngidumise
Lon' ibizo lakho,

Ngothand' leqiniso lakho,
Ngob' uphakamise
Izwi lakho phezu kwalo
Lonk' ibizo lakho.

3 Kusukw' engakhala kuwe
Wen' ungiphendule,
Wangiqinisa ngamandla
Emphefum'lweni wam'.

4 Wonk' amakhosi omhlaba
Azakudumisa,
O Nkosi, nxa sebesizwa
'Mazw' omlomo wakho.

5 Bazahlabela ngendalela
EzikaJehova,
Ngoba bukhul' ubukhos
Obayo iNkosi.

6 Lanxa yena uJehova
Ephakeme, kodwa
Bon' abathobekileyo
Uyabakhumbula.

Kodwa-ke bona abantu
Abazigqajayo
UJehova uyabazi
Ekhatshana labo.

7 Lanxa ngihamb' esizini
Olukhulukazi,
Wongivuselela wena.
Uzaselulela

Isandla sakho kulaka
Lwezami izitha,
Isandla sakh' sokunene
Sizangisindisa.

8 INkos' izaphelelisa
 Okumayelana
 Lami, umusa owakho
 Nkulunkulu umi,
 Umi-ke ephakadeni.
 Akungayitshiyi
 Imisebenzi yezakho
 Zona-ke izandla.

Isihlabelelo 139

1 O! Nkosi wena usungi-
 hlolile wangazi.

Uyakwazi ukuhlala
 Kwami khona phansi,

2 Lakh' ukuvuka okwami.
 Uyaqedisisa
 Yona im'khumbulo yami
 Isesekhatshana.

3 Uyahanq' indlela yami
 Lokulala phansi,
 Uyazaz' indlela zami
 Zonk' uzijayele.

4 Ngoba alikho ilizwi
 Elimini lwami,
 Bheka Nkosi, uyalazi
 Wena lonkana nje.

5 Ungihanqe ngasemuva
 Lakho ngaphambili,
 Ubekil' isandla sakho
 Khona phezu kwami.

6 Lohk' ukwazi kusimanga
 Esingehlulayo,
 Kuphakeme kakhulu-ke
 Ngingekufikele.

7 Ngingayaphi ngicatshele
 UMoya wakho na?
 Ngibubalekele ngaphi
 Ubuso obakho?

8 Nxa ngenyukel' ezulwini,
 Lalapho ukhona,
 Ngendlal' umbhed' egehena,
 Lalapho ukhona.

9 Nxa ngithatha amaphiko
 Awokusa, ngiye-
 kuhalal' emikhawulweni
 Yalo lon' ulwandle.

10 Lalapho isandla sakho
 Sizangikhokhela,
 Isandla sakho sokudla
 Sizakungibamba.

11 Nxa ngisithi, ubunyama
 Qotho bongimboza,
 Kanti ubusuku bona
 Buzakhanya kimi.

12 Yebo ubunyama kuwe
 Abufihli lutho,
 Kodwa ubusuku bona
 Buyakhanya kuwe.

Buyakhanya njengemini,
 Ubusuku kuwe,
 Bufanana layw' imini
 Ngokukhanya kwabo.

13 Ngokuba wena wazenza
 Zon' izinso zami,
 Wangigoqel' esiswini
 Esakhe umama.

14 Ngizakubonga ngokuba
Ngadalwa ngendlela
Eyesabekayo futhi
Eyisimanga-ke.

Iyamangalisa yona
Im'sebenzi yakho,
Lokho umphefum'lo wami
Ukwazi kakhulu.

15 Ibumba lami-ke lona
Lingekucatshelle
Lapho ngabunjwa ngasese
Ekusithekeni.

Ngadalwa ngendlela mina
Emangalisayo,
Ngabekwa khona ngaphansi
Kundawo zomhlaba.

16 Amehlw' akho alibona
Lon' ibumba lami,
Kodwa lingakapheleli.
Encwadini yakho

Wonke amalunga ami
Abaliwe kuyo,
'Nsuku zokubunjwa kwawo
Engakabi khona.

17 Iligugu im'khumbulo
Eyakho ngakimi,
Nkulunkulu, bunganani
Ubunengi bayo!

18 Uba ngiyibal' idlula
Lon' itshebetshebe
Ngobunengi, nxa ngivuka
Ngilokhu ngilawe.

19 Impela uzambulala
Omubi, o Nkosi,
Ngakho sukanini kimi,
Madoda egazi.

20 Ngokuba bayakhulum
Kubi ngawe, Nkosi,
Izitha zakho ziphatha
'Bizo lakho ngeze.

21 Nkosi, kangibazondi na
Abakuzondayo?
Kanginengwa yibo yini
'Bakuhlubukayo?

22 Ngiyabazonda ngenzondo
Yon' epheleleyo,
Ngibabala njengezitha
Izitha ezami.

23 Ng'hlola, Nkulunkulu, wazi
Inhliziyo yami,
Ngilinga, uqedisise
Im'khumbulo yami.

24 Ubone uba kukhona
Indlela yobubi
Kimi, ungiholele-ke
Kundlel' ephakade.

Isihlabelelo 140

1 Ngikhulule, wena Nkosi,
Kumuntu omubi,
Akungigcine kundoda
Yon' elesihluku.

2 Bona abakhumbulayo
'Bub' enhliziyweni
Bahlangana kokuphela
Besilwa yon' impi.

3 Balola ulimi lwabo
Njengayo inyoka,
Ubuhlungu bebululu
Buphansi kolimi.

4 Ngivikele wena, Nkosi,
Kuzandla zababi,
Ungivikele kundoda
Yon' elesihluku.

Bona sebekucebile
Befuna ukuthi
Bawisele phansi khona
Ukuhamba kwami.

5 Bona abaqhenyayo
Sebengifihlele
Imijibila lentambo,
Bendlale imbule,

Bakwenza lokh' eceleni
Kwayo indlela-ke,
Bona sebengibekile
Zona izithiyo.

6 Ngathi kuyo yon' iNkosi,
UnguThixo wami,
Zwan' ilizwi 'lokuncenga
Kwami, Nkosi yami.

7 O Nkulunkulu iNkosi,
'Mndl' osindiso lwam',
Ufihlil' ikhanda lami
Osukwini lwempi.

8 Nkosi akungavumeli
'Zifiso zababi.
Ungakhulis' 'cebo labo,
Hlezi bazibule.

9 Lon' ikhanda labo bona
'Bangihanqileyo,
'Nkohliso yomlomo wabo
Ibasibekile.

10 Akuthi won' amalahle
Wona avuthayo
Awele phezulu kwabo.
Kabaphoselwe-ke,

Baphoselwe emlilweni,
Kuyo imigodi
Ejulileyo, ukuze
Bangaphind' bavuke.

11 Umunt' ololim' olubi
Angem' emhlabeni,
Okubi kuzazingela
Omub' ukumwisa.

12 Ngiyazi ukuth' iNkosi
Izakubamela
'Bahlutshwayo, lelungelo
Lubo abayanga.

13 Mpela abalungileyo
Bazabong' ibizo,
Abaqotho bazahlala
Ebusweni bakho.

L.M. Isihlabelelo 141

1 Nkosi, ngikhalela kuwe,
Phangisa uze ngakimi,
Lalela ilizwi lami,
Nxa ngikhalela ngakuwe.

2 Kawumisw' umthandazo wam'
Phambi kwakho
njengemphepha,
Lokuphakama kwezandla
Komnikelo wakusihlwa.

3 Nkosi, bekela umlomo
Wona owami umlindi,
Kawugcine won' umnyango
Wazo izindebe zami.

4 Ungayisi inhliziyo
Yami kokubi, ukuze
Ngenz' im'sebenzi emibi,
Ngilabo bonaabantu
Bona abasebenzayo
Zona-ke iziphambeko,
Njalo ngingaze ngadla bo
Izibiliboco zabo.

5 Kangitshay' olungileyo,
Kuzakuba yiw' umusa,
Kangisole, kuzakuba
Yiwo amafuth' amahle,
Angasayikulephula
Lona elami ikhanda,
Lomthandazo wami uza-
kuba enhlutshweni zabo.

6 Nxa ababo abehluli
Bewiselwe ematsheni,
Bazakuzw' amazwi ami,
Ngokuba wona amnandi.

7 Ahlakazek' emlonyeni
Wengcwab' amathambo ethu,
Njengodabula inkuni
Phezu kwavo umhlabathi.

8 Kodwa mina, amehlw' ami
Akuwe, o Thixo Nkosi,
Likuwe ithemba lami,
Ungaswel' umphefum'lo wam'.

9 Ngivikel' em'jibileni
Abangibekele yona,
Njalo lakuz' izithiyo
Zabenzi babo ububi.

10 Kabathi bona ababi
Bawele emambuleni
Abo, kuthi-ke mina bo
Ngiphunyuke kuwo wonke.

Isihlabelelo 142

1 Ngakhalela kuyw' iNkosi
Ngelami ilizwi,
Ngenza isicelo sami
Kuyo yon' iNkosi.

2 Ngithulule phambi kwayo
Isicelo sami,
Ngiyitshengisile lona
Olwami uhlupho.

3 Nxa umoya wami wona
Wawudidekile
Ngaphakathi kwami, wazi
Ukuhamba kwami.

Kundlel' engihamba ngayo
Bangithiyile m'na,
Ngobuqili bangithiya
Ngawo umjibila.

4 Ngakhangela esandleni
Sami sokunene,
Ngakhangela angabona
'Muntu ongaziyo.

Isiphephelo saphutha.
Mina-ke ngamswela
Umuntu onanza ngawo
Umphefum'lo wami.

5 Ngakhalela kuwe, Nkosi,
Ngathi: Wena uyi-nqaba lesabelo sami
Kwelabaphilayo.

6 Lalel' ukukhala kwami,
Ngehliselwe phansi.
Ngihlenge kubahluphi bam',
Ngob' bayangehlula.

7 Khupha umphefum'lo wami
Kuyo intolongo,
Ukuze ngilidumise
Elakho ibizo.

Abalungileyo bona
Bazakungihanqa,
Ngoba uzakungiphatha
Kakuhle kakhulu.

L.M. Isihlabelelo 143

1 Zwana umthandazo wami,
Nkosi, lalela ezami
Izicelo, kuthembeko
Lokulunga ngiphendule.

2 Ungangen' ekwahluleni
Leyakho inceku, ngoba
Emehlwani akho kakho
'Philay' olungisiswayo.

3 Ngoba isitha sihluphe
Owami umphefumulo,
Sicindezelele phansi
Yona eyami impilo.

Usengenze-ke ngahlala
Ngaphakathi kobunyama,
Njengabo labo bona-ke
Asebafa kudala bo.

4 Ngakho-ke umoya wami
Phakathi uyehluleka,
Layo inhliziyo yami
Isididekile mpela.

5 Ngikhumbula izinsuku
Ezendulo, nginakana
Ngem'sebenzi yakho yonke,
Mina ngizizindla ngayo.

6 Ngelulele kuw' ezami
Izandla, umphefumulo
Wami uwomele wena
Njengomhlab' owomileyo.

7 Ngizwa ngokutshetsha mina,
O Nkosi yami-ke wena,
Umoya wam' uyaphela,
Wona uthi dedelele.

Ungangifihlel' ubuso
Bakho wena, hlezi ngibe
Njengalabo abawela
Phansi khona emgodini.

8 Ngenza ngizwe isihawu
Lothando lwakh' ekuseni,
Ngoba ngithembela kuwe,
Ngenza ukuthi ngiyazi

Indlel' engihamba ngayo,
Ngoba ngiphakamisela
Owami umphefumulo
Ngakuwe wena wedwa bo.

9 Ngikhulule Nkosi, kuzo
Ezami izitha, ngoba
Ngigijimela ngakuwe,
Ukuthi ngicatshe kuwe.

10 Ngifundis' intando yakho,
Ngoba uyiNkosi yami,
Ulungil' umoya wakho
Ngis' ezweni lokuqonda.

11 Ngiphilise Nkosi, ngenxa
Yebizo lakho, langenxa
Yokulunga kwakho, khupha
Umphefum'lo wam' kuhlupho.

12 Ngesihawu sakho chitha
Ezam' izitha, bhubhisa
Bonk' abahluph' umphefum'lo,
Ngoba ngiyinceku yakho.

Isihlabelelo 144

1 Bong' iNkos', amandla ami,
Efundis' izandla
Zami layw' iminwe yami
Khon' ukulw' empini.

2 Ubuhe lenqaba yami,
'Mphotshongo omude,
Njalo ungumkhululi wam',
Isihlangu sami,

Njalo ngithembele kuye,
Yena bo onguye
Othoba abantu bami
Khona ngaphansi kwam'.

3 Nkosi, uyini umuntu
Ukuthi umazi,
Lob' indodana yomuntu
'Kuth' uyinakane.

4 Umuntu unjengeze nje,
Izinsuku zakhe
Zifana lethunzi lona
'Lizedlulelayo.

5 Gob' izulu lakho Nkosi,
Wehle khona phansi,
Uzithinte izintaba
Zizathunq' intuthu.

6 Phazimisa-ke umbane,
Ubachithachithe,
Tshoka imitshoko yakho,
Ubhubhise bona.

7 Yelula isandla sakho
Khona ngaphezulu,
Njal' ungisindise mina,
Njal' ungikhulule

Emanzini amanengi,
Esandleni sona
Sabo abantwana bona
'Bangabasemzini.

8 'M'lomo yab' ikhulum' ize,
Lesandla-ke sabo
Sokunene siyisandla
Sayo inkohliso.

9 Ngizahlabelel' ingoma
Entsha ngakuwe, o
Nkulunkulu, ngal' ichacho
Lemihubhe layo

Elazo-ke izintambo
Zon' ezilitshumi,
Ngizahlabelela zona
Izibongo kuwe.

10 Uph' amakhos' usindiso,
Okhuph' uDavida
'Nceku yakhe engozini
Yawo won' umhedla.

11 Ngophula kub' abezizwe,
Bakhulumu ize,
'Sandla sabo sokunene
Singesaw' amanga.

12 Ukuze amadodana
Wona ethu abe
Njengamahlumel' akhula
Ebutsheni bawo.

Ukuz' amadodakazi
Ethu afanane
Lamatshe engonsi khona
Njengesigodlwensi.

13 Ukuze-ke iziphala
Zethu zon' zigcwale
Yonke imihlobo yakho,
Ukuze izimvu

Zizale inkulungwane
Njalo-ke zizale
Izinkulungwane ezi-
litshum' emangweni.

14 Ukuze inkabi zethu
Ziqine ukuze
Zingadinw' emsebenzini.
Kungafohlelwa-ke

Lob' ukufohlela phandle,
Ukuze kungabi
Lokukhala okukhulu
Ez'taladen' zethu.

15 Bayathab' abant' abanje,
Yebo bayathaba
Abantu uNkulunkulu
Wabo oyiNkosi.

L.M. Isihlabelelo 145

1 Ngizakukuphakamisa,
Nkulunkulu wami Nkosi,
Ngodumis' ibizo lakho
Kuze kube nini nini.

2 Wena ngizakudumisa
Nsuku zonke, ngidumise
Lona elakho ibizo,
Kuze kub' ephakadeni.

3 Inkulu yona iNkosi,
Kayidunyiswe kakhulu,
Njalo ubukhulu bayo
Kabusoze bahloleka.

4 Isizukulwana siza-
dumis' im'sebenzi yakho
Kwesinye, sitshumayele
'Zenzo zakhw' ezilamandla.

5 Ngizakhuluma ngodumo
Lwabo ubukhosu bakho,
Layo im'sebenzi yakho
Yona emangalisayo.

6 Abantu bazakhuluma
Ngamandla ezenzo zakho
Ezesabekayo, njalo
Ngoland' ubukhulu bakho.

7 Bazakhuluma kakhulu
Ngomkhumbul' wobuhle bakho
Obukhulu, njalo baza-
hlabel' ukulunga kwakho.

8 INkosi yon' ilomusa,
Njalo igcwele uzwelo,
Iphuz' ukuthukuthela,
Ilesihaw' esikhulu.

9 Ilungile yon' iNkosi
Kubo bonke, njalo zona
Izihawu zay' ziphezu
Kwem'sebenzi yayo yonke.

10 Izakudumisa wena
Yonk' imisebenzi yakho,
Nkosi, njalo abangcwele
Bakho bazakukubonga.

11 Bona bazakukhuluma
Ngobukhosi obombuso
Wakho, bazakukhuluma
Ngawo won' amandla akho.

12 Ukwazis' amadodana
Abantu izenko zakho
Ezilamandla, lodumo
Lobukhosi law' umbuso.

13 Owakho wona umbuso
Ungumbus' ongapheliyo,
Ubukhosi bakho boba
Kuzizukulwana zonke.

14 INkosi iyasekela
Bonke labo abawayo,
Iyalulamisa labo
Bona abathobileyo.

15 Amehlw' abo bona bonke
Akhangela ngakuwena
Uyabaph' ukudla kwabo
Ngesikhath' esifanele.

16 Uvula isandla sakho,
Usuthisa isifiso
Sazo zona lezo zonke
Izinto eziphilayo.

17 UJehova ulungile
Kuzindlela zakhe zonke,
Njalo ungcwele kuyona
Yonk' imisebenzi yakhe.

18 Useduze uJehova
Kubo bonk' abambizayo,
Bonke labo ababiza
Kuye ngalo iqiniso.

19 Uzagcwalis' isifiso
Sabo abamesabayo,
Uzakuzwa ukukhala
Njalo uzabasindisa.

20 INkosi yon' iyalonda
Bonke abayithandayo,
Kodwa izikhohlakali
Izazibhubhisa zona.

21 Wotshumayel' umlomo wam'
Udumo lweNkos', inyama
Yonke kayibong' ibizo
Lay' elingcwele phakade.

Isihlabelelo 146

1 Dumisani yon' iNkosi.
Uboyidumisa
Yona iNkosi, wena-ke
Mphefumulo wami.

2 Ngisaphil' ngizadumisa
'Nkosi, ngihlabele
Udumo kuNkulunkulu
Wami ngisekhona.

3 Lingathembi izikhulu
Kumbe indodana
Yomuntu, okungekho-ke
Kuyo lon' usizo.

4 Umoya way' uyaphuma,
Ubuy' emhlabeni,
Ngalelolang' im'khumbulo
Yayo iyabhubha.

5 Uyathaba osizwa ngu-
Thixo kaJakobe,
Othembela-ke kuyona
'Nkos' uMlimu wakhe.

6 Owenz' izulu lomhlaba
Lolwandle lakho konk'
Okukhona-ke, agcine
'Qiniso phakade.

7 Owenza ukwahlulela
Kwabahlutshiweyo,
Oph' abalambil' ukudla,
Akhuph' izibotshwa.

8 INkos' ivula amehlo
Azo iziphofu,
Ivus' abakhothemeyo,
Ithand' abalungi.

9 INkosi ilondoloza
Bona abemzini,
Ikhulule intandane,
Lay' umfelwakazi.

Kodwa-ke yona indlela
Yabo bon' ababi
Iyayimbokotha yona
Iyihlanekele.

10 INkosi yobusa njalo,
Ngitsh' uThixo wakho,
Ziyoni, enzalwen' yonke.
Bonganin' iNkosi.

Isihlabelelo 147

1 Dumisanini iNkosi,
Ngoba kuhle khona
Ukuhlabelela kuyo
Izingoma zayo.

Kuhle ukumbonga yena,
'Nkulunkulu wethu
Ngoba kumnandi sibili,
Kuhle ukubonga.

2 UJehova uyalakha
IJerusalema,
Abalahlwko'Srayeli
Bon' uyababutha.

3 Inhliziyw' edabukile
Yen' uyayelapha,
Aphinde abophe lawo
Amanxeba abo.

4 Uyabala lon' inani
Lazo inkanyezi,
Azibize zona zonke
Ngamabizo azo.

5 INkosi yethu inkulu,
Lamndl' ayo futhi,
Lolwazi lwayo lukhulu,
Ngoba alupheli.

6 INkos' izaphakamisa
Bona abamnene,
Ibawise phansi bona
Abakhohlakali.

7 Hlabelela eNkosini,
Uyibonge yona,
Hlabel' ubonge ngechacho
Kuy' iNkosi yethu.

8 Isibekela umkhathi
Ngawo amayezi,
Izulu line, lotshani
Bumil' entabeni.

9 Inyamazan' iyinika
Khon' ukudla kwayo,
Lamawabayi amatsha
Wona akhalayo.

10 Kathokozi kuw' amandla
Awalo ibhiza,
Kathokozi futhi kuyo
Im'lenze yomuntu.

11 INkos' ithokoza kubo
Abayesabayo,
Lakulabo abathemba
Isihawu sayo.

12 Ibonge yona iNkosi,
O Jerusalema,
Ubonge lawe, Ziyoni,
'Nkulunkulu wakho.

13 Ngoba useqinisile
Amasango akho,
'Bantwan' bakho abakuwe
Ubabusisile.

14 Ukuthula ukwenzile
Kumingcele yakho,
Ukugcwalisile wena
Ngengqoloyi enhle.

15 Uthumil' umlayo wakhe
Khona emhlabeni,
Izwi lakhe ligijima
Khona masinyane.

16 Iqhwa elikhithikayo
Wehlis' njengewulu,
Njengongqwaqwan' amkhithize,
Sangathi ngumlotha.

17 Uphosela isiqhotho
Sakhe njengez'gaqa,
Ngubani-ke yen' ongema
Kowakhe umqando?

18 Uthumel' ilizwi lakhe,
Ancibilikise,
Umoya wakh' uphephetha,
Amanz' ageleze.

19 Utshengisa izwi lakhe
Kuye uJakobe,
Lezimiso lezigwebo
Zakh' kuIsrayeli.

20 Akazange asiphathe
Ngokunjalo sona
Isizwe loba yisiphi
Sona-ke isizwe.

Mayelana lezigwebo
Zakhe, abazange
Ke bazazi lakancane.
Dumisan' iNkosi.

Isihlabelelo 148

1 Yidumise ye iNkosi,
Dumisan' iNkosi
Emazulwini, libonge
Yona engqongeni.

2 Yibongenini-ke yona,
Zingilosí zayo,
Yibongenini yona bo,
Lonke m'khosi yayo.

3 Mdumiseni lina langa,
Nyanga, mdumiseni
Lonke lina zinkanyezi
Ezikhanyisayo.

4 Lina mazul' amazulu,
Kalibonge kuye,
Manzi khonale phezulu,
Awabonge kuye.

5 Kakulibonge ibizo
Layo yon' iNkosi,
Ngoba yalaya ngelizwi,
Njalo kwadaleka.

6 Ukumisile-ke khona,
Kume kokuphela
Wenzile-ke isimiso
Esingadluliyo.

7 Dumisani yon' iNkosi,
Likhon' emhlabeni,
Zilo ezesabekayo,
Lina nziki lonke.

8 Mlilo laso isiqhotho,
Liqhwa lay' inkungu,
Lesivunguzan' esenza
Elayo ilizwi.

9 Lina-ke lonke zintaba,
Lani-ke maqaqa,
Zihlahla ezithelayo,
Masedari lonke.

10 Nyamazana lezinkomo,
Lezihababayó,
Njalo-ke lani zinyoni
Zon' eziphaphayo.

11 Lina makhosi omhlaba,
Labo bonk' abantu,
Bagwebi bawo umhlaba,
Lani makhosana.

12 Lonke majaha amatsha,
Lani-ke zintombi,
Lina bantu abadala,
Lani-ke bantwana.

13 Kababong' ibizo leNkos'
Eliphakem' lodwa,
Udumo lwayo luphezu
Kwezulu lomhlaba.

14 Njalo iyaphakamisa
Uphondo lwabayo,
Lona udumo lwabayo,
Bona abangcwele,

Ngitsh' olwabo abantwana
BakaIsrayeli,
Abantw' abaduze layo.
Dumisan' iNkosi.

Isihlabelelo 149

1 Dumisanini iNkosi,
Lihlabel' ingoma
Entsha lodum' ebandleni
Labangcwele bayo.

2 Kajabul' uIsrayeli
Kuy' umenzi wakhe,
AbeZiyoni bathabe
Kuyw' iNkosi yabo.

3 Kabadumise ibizo
Layo ngokusina,
Bamhayele ngezigubhu
Langemiqangala.

4 Ngob' iNkos' iyathokoza
Ngabantu abayo,
Yocecisa abammene
Ngalo usindiso.

5 Kabajabul' abangcwele
Belalo udumo,
Kabahlabele kakhulu
Em'bhedeni yabo.

6 Indumiso ezinkulu
ZikaNkulunkulu
Kazib' emlonyeni wabo
Lomhedl' esandleni.

7 Ukubek' impindiselo
Phezu komhedeni,
Lazo zon' izijeziso
Phezu kwab' abantu.

8 Ukuboph' amakhos' abo
Ngaw' amaketane,
Langezinsimbi abophe
Izikhulu zabo.

9 Ukubenzel' isigwebo
Esilotshiweyo,
Lol' ludumo kubangcwele.
Dumisan' iNkosi.

Isihlabelelo 150

1 Idumise ye iNkosi,
Dumisan' uThixo
Kungcwele lasemkhathini
Owamandla akhe.

2 Mdumiseni ngaz' izenzo
Zamndl' amakhulu,
Mdumiseni ngobukhulu
Bobukhosi bakhe.

3 Mdumiseni ngokukhala
Komsindo wophondo,
Limdumise langechacho
Law' umhubhe wenu.

4 Mdumiseni ngezigubhu
Langakh' ukusina,
Limdumise ngomqangala
Langemihlanga-ke.

5 Mdumiseni ngezincence
Ezihlokomayo,
Mdumiseni ngezincence
Yenz' umsind' omkhulu.

6 Konk' okuphefumulayo
Kakuyidumise
INkosi, kakuy'dumise.
Dumisan' iNkosi.